



República Democrática
Timór-Leste

ENPS 2021 2030

Estratéjia
Nasionál ba
Protesaun Sosiál

Novembru 2021



Com o apoio de:



Organização
Internacional
do Trabalho



Índice

Lia Maklokek	09		
Sumáriu Ezekutivu	10		
Abreviatura no Akrónimu	12		
Introdusaun	14		
Kapítulu 1	16		
Panorama Atuál Protesaun Sosiál iha Timor-Leste	16		
1.1 Kontestu Sosioekonómiku	17		
1.2 Protesaun Sosiál nia Knaar	22		
1.3 Protesaun Sosiál nia Enkuadramentu	23		
1.4 Protesaun Sosiál nia Programa Atuál	27		
1.4.1 Seguransa Sosiál (Kontributivu)	28		
1.4.2 Naun Kontributivu	29		
1.4.3 Asesu ba Servisu Edukasaun no Saúde	31		
1.5 Rezultadu Prinsipál	34		
1.5.1 Kobertura Efetiva	34		
1.5.2 Prestasaun Sira-nia Adekuasaun	35		
1.5.3 Investimentu iha Protesaun Sosiál	37		
Kapítulu 2	42		
Estratéjia Nasionál ba Protesaun Sosiál tinan 2021-2030	42		
2.1 Introdusaun	42		
2.2 Vizaun ba Tinan 2030	44		
2.3 Objetivu Sira	45		
2.3.1 Objetivu 1: Hamenus Kiak	46		
2.3.1.1 Habelar Apoiu ba Grupu Sira Ne'ebé Vulnerável Liu	46		
2.3.1.2 Hadia Sistema Transferénsia sosiál Osan Nian	47		
2.3.1.3 Aumenta Apoiu ba Nutrisaun	51		
2.3.1.4 Fasilita Asesu ba Saúde no Edukasaun	53		
2.3.1.5 Haforsa Prevensaun no Resposta ba Dezastre sira	56		
2.3.2 Objetivu 2: Hadia no Habelar Seguransa Sosiál ba Traballadór sira	57		
2.3.2.1 Dezenvolve Sistema Seguransa Sosiál Kontributivu	57		
2.3.2.2 Dezenvolve Institutu Nasionál Seguransa Sosiál (INSS)	59		
2.3.3 Objetivu 3: Dezenvolvimentu Institusionál	61		
2.3.3.1 Kordena no Integra Programa sira	61		
2.3.3.2 Kapasita Rekursus Umanus	62		
2.3.3.3 Estabelese Sistema Monitorizasaun no Avaliasaun	63		
2.3.3.4 Haforsa Baze Legal Protesaun Sosiál nian	65		
2.3.3.5 Hadia Finansiamentu no Planeamentu Orsamentál	66		
Kapítulu 3:	68		
ENPS nia Implementasaun	68		
3.1 Estrutura Governasaun nian	68		
3.2 Estratéjia Implementasaun nian	69		
3.3 Monitorizasaun no Avaliasaun	72		
3.4. Mobilizasaun Rekursus no Sustentabilidade Finanseiru	72		
Kapítulu 4:	75		
Impaktu husi Implementasaun ENPS nian ba kustu sira no ba númeru benefisiáriu	75		
4.1 Projesaun Ekonómika sira	75		
4.2 Projesaun Kona-ba Kustu sira no Númeru Benefisiáriu Bainhira ita Konsidera Altearasaun ba Prigrama sira B Ne'ebé Eziste Ona	76		
4.2.1 Programa Bolsa da Mãe	76		
4.2.2 Programa Merenda Eskolár	78		
4.2.3 Subsídio de Apoio a Idosos e Inválidos	79		
4.3 Projesaun Kona-ba Kustu no Númeru Benefisiáriu sira Haree ba Introdosaun husi Provizaun foun	80		
4.3.1 Provizaun ba Labarik sira ho Defisiência	80		
4.3.2 Prestasaun ba Kuidadu Materno-Infantil	81		
4.4 Projesaun Kona-ba Kustu no Númeru Benefisiáriu sira Haree ba ENPS nia Implementasaun Totál	81		
Aneksu I:	86		
Lista Kona-ba Atividade Prioritária ENPS nian	86		

Índise Tabela

Tabela 1:

Rezume sistema Protesaun Sosiál, ne'ebé Estadu promove, iha Timor-Leste, no tuirmai, iha ita bele hetan deskrisaun badak kona-ba programa/benefísiu idaidak. 28

Tabela 2:

Atividade Prioritáriu hodi Habelar Apoiu ba Grupu Vulnerável sira 47

Tabela 3:

Atividade Prioritáriu hodi Hadia Sistema Transferénsia Sosiál 51

Tabela 4:

Atividade Prioritária hodi Aumenta Apoiu ba Nutrisaun 53

Tabela 5:

Atividade Prioritária hodi Fasilita Asesu ba Saúde no Edukasaun 55

Tabela 6:

Atividade Prioritária hodi Haforsa Resposta ba Dezastre 57

Tabela 7:

Atividade Prioritária ba Dezenvolvimentu Sistema Seguransa Sosiál Kontributivu 59

Tabela 8:

Atividade Prioritária ba Dezenvolvimentu Institutu Nasionál Seguransa Sosiál (INSS) 60

Tabela 9:

Atividade Prioritária ba Kordenasaun no Integrasaun Programa sira 62

Tabela 10:

Atividade Prioritária ba Dezenvolvimentu Rekursus Umanus 63

Tabela 11:

Atividade Prioritária hodi Estabelese Sistema M&A ida 64

Tabela 12:

Atividade Prioritária hodi Haforsa Baze Legál Protesaun Sosiál nian 65

Tabela 13:

Atividade Prioritária hodi Hadia Finansiamentu no Planeamentu Orsamental 67

Tabela 14:

Indikadór M&A sira-nian 71

Tabela 15:

Projesaun Ekonómika (2021-30) 75

Tabela 16:

Estimativa no projesaun kona-ba kustu no número benefisiáriu sira husi reforma ba programa Bolsa da Mãe (2021-30) 77

Tabela 17:

Estimativa no projesaun kona-ba kustu no número benefisiáriu sira ba reforma programa Merenda Eskolar nian (2021-30) 78

Tabela 18:

Estimativa no projesaun kona-ba kustu no número benefisiáriu sira husi programa SAll nia reforma (2021-30) 79

Tabela 19:

Estimativa no projesaun kona-ba kustu no número benefisiáriu husi aumentu prestasaun programa Bolsa da Mãe ba labarik sira ho defisiénsia (2021-30) 80

Tabela 20:

Estimativa no projesaun kona-ba kustu no número benefisiáriu sira husi introdusaun insentivu ba kuidadu materno-infantil (2021-30) 81

Tabela 21:

Estimativa no projesaun kona-ba kustu no número benefisiáriu sira husi implementasaun total ENPS nian (2021-30) 82

Tabela 22:

Lista Kompletu kona-ba Atividade Prioritária ENPS nian 86

Índise Imajens

Índise de Imajens

Imajen 1:

Risku sosioekonómiku durante moris tomak

24

Imajen 2:

Kobertura efetivu kona-ba programa Protesaun Sosiál sira-nian iha Timor-Leste

34

Imajen 3:

SAll no Programa Bolsa da Mãe nia Adekuasaun

37

Imajen 4:

Orsamentu Jerál Estadu nia Evolusaun, item selesionadu, ho millaunUSD, tinan 2010-2021

39

Imajen 5:

Orsamentu Jerál Estadu nian, item selesionadu, tuir persentajen total nasional (%), tinan 2010-2021

40

Imajen 6:

Orsamentu Jerál Estadu nian, item selesionadu, ho persentajen PIB naun petrolíferu (%), ba tinan 2010-2021

41

Imajen 7:

Estrutura Governasaun ENPS nian

69

Imajen 8:

Estratéjia Implementasaun ENPS nian

70

Imajen 9:

Kustu Estimadu ba Reforma (tuir programa) no Status Quo ho % PIB naun petrolíferu, tinan 2021-2030

74



Lia Maklokek

Sistema Protesaun Sosiál, iha ita-nia nasaun, dezenvolve aan ho maneira gradual, hahú kedas husi independénsia Timor-Leste nian, iha tinan 2002, no rekoñese nia kompromisu kontínuu atu harii sistema ida ne'ebé abranjente, progresivamente universál no sustentável.

Ita rekoñese Protesaun Sosiál nu'udar direitu ida ne'ebé Konstituisaun Repúblika Timor-Leste garante no ne'ebé ita konsidera hanesan elementu fundamentál ba koezaun no ba dame sosiál, nomós hanesan kondisaun prévia hodi alkansa kreximentu no desenvolvimentu sustentável no inkluzivu ida. Liuliu, sistema protesaun sosiál iha knaar krusiál ida hodi halakon kiak, liuhusi ezijénsia mobilizasaun rekursu oioin no apelu ba despeza públika ho saúde, edukasaun no protesaun sosiál, hodi atinje nia objetivu.

Estadu halo kompromisu, tuir disponibilidade nasional, atu organiza sistema srotesaun sosiál nian ida adekuaudu ba ema hotu, asegura kobertura substánsial, inklui sira ne'ebé kiak no vulnerável liu, no ho baze ida administrasaun no kordenasaun sistema nian ne'ebé eficiente no efikás.

Estratéjia Nasionál ba Protesaun Sosiál 2021-2030 materializa governu nia kompromisu ho protesaun sosiál iha Timor-Leste, no buka hatán ba dezafiu, oportunidade no nesiedade resposta estratéjika no operasionál, hodi alkansa sistema nia universalidade. Estratéjia ida-ne'e mós haforsa knaar ne'ebé sistema protesaun sosiál bele iha hodi fó apoiu ba dezafiu sira atuál, hanesan krize, dezastre natural, pandemia, alterasaun iha mundu traballu nian no avansu teknolójiku sira.

Ha'u iha serteza katak, vizaun no reforma sira propostu iha Estratéjia ida-ne'e, nia rezultadu mak mudansa signifikativu ba bein-estár sidadaun hotu-hotu iha Timor-Leste.



Arminda Berta dos Santos

Vise Primeira Ministra no Ministra Solidariedade Sosiál no Inkluziun

Sumáriu Ezekutivu

Estratéjia Nasionál ba Protesaun Sosiál 2021-2030 materializa Programa ba Tinan Lima husi VIII Governu Konstitusionál 2018-2023, liuhusi intervensaun ne'ebé kontribui hodi hamenus kiak no vulnerabilidade, hodi aseguza katak rezultadu husi kreximentu ekonómiku fó benefísiu ba sidadaun hotu-hotu no hodi kontribui ba dezenvolvimentu sosiál inkluzivu no sustentável.

Estratéjia bazeia ba meta sira, ne'ebé define ona iha Planu Estratéjiku Dezenvolvimentu Timor-Leste nian ba 2011-2030, no Objetivu Dezenvolvimentu Sustentável, ne'ebé Nasoins Unidas aprova ona, ne'ebé propoin "implementa, iha nível Nasionál, medida no sistema protesauun sosiál adekuadu, ba ema hotu, inklui pizu no, to'o iha tinan 2030, atinji kobertura substansiál ba ema kiak no vulnerável liu". Estratéjia tama mós iha kuadru Planu Estratéjiku Ministériu Solidariedade Sosiál no Inkluzauun nian, ne'ebé foin aprova daudaun, ba tinan lima oin mai, husi tinan 2021 to'o tinan 2025.

Estratéjia ida-ne'e hakarak fó continuidade ba esforsu, hahú kedas iha independénsia Timor-Leste nian, ne'ebé buka promove direitu sira ba seguransa no asisténsia sosiál desde tinan 2002 lihsusi konsagrasaun direitu hirak-ne'e iha Konstituisaun. Ne'e duni, reforsu husi sistema protesauun sosiál nian, ho maneira efikás no efisiente, sei permite aumenta protesauun hodi hasoru risku no vulnerabilidade oioin durante moris tomak, inklui saida de'it ne'ebé bele mosu husi situaun emerjénsia, no aseguza katak ema bele hakaat liu situaun vulnerabilidade ho perspetiva ba tempu naruk no ho maneira ne'ebé sustentável.



Estratéjia Nasionál ba Protesaun Sosiál 2021-2030 prepara tiha bazeia ba perfil kona-ba risku kiak no vulnerabilidade nasaun nian, ba kontestu sosioekonómiku, ba enkuadramentu protesauun sosiál nian, ba programa protesauun sosiál sira ne'ebé eziste ona no ba rezultadu prinsipál. Hanesan ne'e, Estratéjia apresenta objetivu 3 tuirmai:



Objetivu idaidak-ne'e apresenta área intervensaun prioritária, inklui atividade ne'ebé kontribui atu konkretiza prioridade idaidak.

Estratévjia ne'e prevee harii Konsellu Nasionál Protesaun Sosiál (KNPS) no Sekretariadu Ezekutivu Protesaun Sosiál (SEPS) hodi haforsa kordenasaun intersektoriál, asegura implementasaun no monitorizasaun ba rezultadu Estratéjia nian to'o iha tinan 2030.



Abreviatura no Akrónimu

CPLP	Komunidade Nasaun Dalen Portugés
DNBA	Diálogu Nasionál ne'ebé Bazeia ba prosesu Avaliasaun
DNGRD	Diresaun Nasionál Jestaun Risku Dezastre Naturál
ENPS	Estratêjia Nasionál Protesaun Sosiál
FDCH	Fundu Dezenvolvimentu Kapital Umanu
GPM	Gabinete Primeiru-Ministru
ICH	Índise Kapital Umanu
INSS	Institutu Nasionál Seguransa Sosiál
M&A	Monitorizasaun no Avaliasaun
MACLN	Ministériu ba Asuntu Kombatente sira Libertasaun Nasionál
MAE	Ministériu Administrasaun Estatál
ME	Ministériu Edukasaun
MI	Ministériu Interior
MJ	Ministériu Justisa
MOP	Ministériu Obras Públikas
MS	Ministériu Saúde
MSSI	Ministériu Solidariedade Sosiál no Inkluzsaun
ODS	Objetivus Dezenvolvimentu Sustentável
OIT	Organizasaun Internasionál Traballu nian
ONU	Organizasaun Nasoins Unidas
PED	Planu Estratêjiku Dezenvolvimentu Nasionál ba tinan 2011-2030
PIB	Produitu Internu Brutu
PPS	Pízu Protesaun Sosiál
RAEOA	Rejiaun Administrativa Espesiál Oekuse Ambenu
R4D	Roads for Development
RDTL	Repúblika Demokrátika Timor-Leste
SAII	Subsídiu Apoiu ba Ferik-Katuas no Inválidu
SEFOPE	Sekretaria Estadu Formasaun Profisionál no Empregu
SISCA	Servisu Integradu Saúde nian

Introdusaun

Estratêjia Nasionál ba Protesaun Sosiál (ENPS) 2021-2030 hatudu nafatin Governu Timor-Leste nia kompromisu atu kontinua dezenvolve protesauun sosiál liuhusi habelar setór ne'e, no asegura direitu no garantia fundamental ba sidadaun sira iha Timor-Leste. Hahú kedas iha restaurasaun independénsia, Governu Timor-Leste nian hotu-hotu hahú dezenvolve ona programa protesauun sosiál lubuk ida ho objetivu atu fó apoiu ba indivíduu no ba família sira ne'ebé vulnerável liu, no hanesan ne'e bele kumpre Konstituisaun Repúblika Timor-Leste nian.

Konstituisaun, iha nia artigu 56.o, 57.o no 59.o, estabelese katak sidadaun hotu-hotu iha direitu ba seguransa no ba assisténsia sosiál, saúde no edukasaun laho diskriminasaun, hanesan mós iha artigu 17.o, 18.o, 19.o, 20.o no 21.o determina igualdade jéneru¹, protesauun ba labarik, foin-sa'e, ferik-katuas no ema ho defisiénsia.

Timor-Leste hakaat tiha ona pasu significativu balun hodi harii sidadania, liuhusi asosiasaun entre dever no direitu sosiál sira, no liuhusi fó protesauun ba grupu vulnerável no ba ema sira-ne'ebé mak moris iha situasaun mukit, nomós ba sira hotu ne'ebé halo servisu no kontribui ba dezenvolvimentu nasional. Tinan ba tinan, investimentu ne'ebé halo iha rede seguransa naun-kontributiva no, ikusmai, aprovasaun husi Lei Rejime Jerál Seguransa Sosiál Kontributiva, no ninia regulamentasaun rasik, hatudu kompromisu hodi harii sistema protesauun sosiál luan no integradu ba Timor-Leste.

Maibé, dalan sei naruk hodi alkansa objetivu estratêjiku no meta sira ne'ebé estabelese tiha ona iha Planu Estratêjiku Dezenvolvimentu nian (PED) no iha Objetivu Dezenvolvimentu Sustentável (ODS), ne'ebé propoin "implementa, iha nível Nasionál, medida no sistema Protesaun Sosiál adekuadu, ba ema hotu, inklui Pizu Protesaun Sosiál sira, no atinji kobertura substansiál ba ema kiak no vulnerável liu to'o iha tinan 2030". Iha fulan Abril tinan 2015, iha kuadru Komunidade Nasaun Dalen Portugés (CPLP), Governu Timor-Leste, hamutuk ho nasaun membru sira seluk, afirma fila-fali nia kompromisu hodi dezeña estratêjia ida atu hamenus kiak no planu nasional dezenvolvimentu nian ida to'o iha tinan 2017.

¹ Timor-Leste adere no ratifika ona Tratadu no Konvensaun Internasionál oioin ne'ebé haforsa Timoroan sira-nia direitu konstitusional, hanesan, entre sira seluk tan: iha loron 16 fulan Abril tinan 2003, Konvensaun Internasionál Direitu Ekonómiku, Sosiál no Kultural Sira; Konvensaun kona-ba Halakon Forma Diskriminasaun hotu-hotu kontra Feto; Konvensaun kona-ba Direitu Labarik sira nian: <https://www.ohchr.org/en/countries/asiaregion/pages/tlindex.aspx>

Iha kontestu ida-ne'e, bainhira ita konsidera direitu sira ne'ebé Konstituisaun Repúblika garante no kompromisu internasionál sira ne'ebé Timor-Leste asume, Ministériu Solidariedade Sosiál no Inkluzoan (MSSI), parseria hamutuk ho Organizasaun Internasionál Traballu nian (OIT), iha âmbito projetu ACTION/Portugal², desenvolve ona Estratêjia Nasionál ba Protesaun Sosiál Timor-Leste nian ba tinan 2021-2030, ne'ebé bazeia ba Rekomendasaun N.º 202 kona-ba Pizu Protesaun Sosiál sira OIT nian husi tinan 2012³.



² Projetu ACTION/Portugal Implementa husi OIT no financia liuhusi Gabinete Estratêjia no Planeamentu Ministériu Traballu, Solidariedade no Seguransa Sosiál Repúblika Portugeza nian.

³ Rekomendasaun N. 202 kona-ba Pizu Protesaun Sosiál OIT nian husi tinan 2012 estabese garantia báziku seguransa sosiál lubuk ida ne'ebé define ona iha nivel nasional, no ne'ebé asegura protesau hodi prevene ka mitiga kiak, vulnerabilidade no eskluzoan sosiál. https://www.ilo.org/secsoc/areas-of-work/legal-advice/WCMS_205341/lang--en/index.htm

Kapítulu 1

Panorama Atual Protesaun Sosiál iha Timor-Leste

Protesaun Sosiál mak direitu ida ne'ebé konsagra ona iha Konstituisaun Repúblika Timor-Leste nian, liuliu iha artigu 56.o ne'ebé estabeselese katak "sidadaun hotu-hotu iha direitu ba seguransa no ba assisténsia sosiál, tuir termus lei nian". Nomós, artigu 57.o no 59.o garante sidadaun hotu-hotu nia direitu ba saúde no edukasaun, respetivamente. Iha artigu 56 mós, estabeselese katak "Estadu promove, tuir disponibilidade nasional ne'ebé iha, organizaun sistema seguransa sosiál nian ida". Responsabilidade ida-ne'e la'os deit ba Estadu, bele mós fahe ho atór sira seluk, inklui Igreja, Instituisaun Solidariedade Sosiál, família no comunidade sira.

Iha tinan hirak ne'ebé tuir independénsia, protesauun sosiál nia foku mak instala fila-fali ema deslokadu sira husi konfliktu iha tinan 1999 nian no fó apoiu ba nesesidade imediatu liu, no uza liuliu benefísiu "en espésie", hanesan fahe ai-han no fó apoiu ba instituisaun solidariedade sosiál. Hahú husi tinan 2002, estabeselese mós sistema universál no gratuitu saúde no edukasaun nian. Hafoin krize, iha tinan 2006/2007, governu buka hatán ba reivindikasaun ne'ebé hamosu konfliktu, liuhusi fó benefísiu ba populaun ho objetivu atu promove dame no koezaun sosiál.

Iha kontestu ida-ne'e, protesauun sosiál dezenvolve-aan liuhusi programa no medida lubuk ida atu hatán ba nesesidade protesauun sira-nian, ne'ebé mosu tuir tempu, no hatudu fragilidade balun kona-ba polítika sira nia dezeńu no kona-ba administrasaun, implementasaun, kordenasaun no monitorizasaun programa sira-nian.

Liuhusi ENPS ba tinan 2021-2030, hakarak mak sistema protesauun sosiál bele evolui ho maneira integrada hodi habelar nia kobertura no maksimiza impaktu protesauun sosiál nian hodi hamenus kiak no vulnerabilidade ho maneira efisiente, liuhusi konsolida sidadaun sira-nia direitu no garantia sira.

Programa protesauun sosiál identifika ona iha relatóriu "Dezafiu no Rekomendasaun hodi Habelar Protesauun Sosiál ba Ema hotu iha Timor-Leste: Relatóriu husi Diálogo Nasionál nian ne'ebé Bazeia

ba Avaliasaun" publikadu iha tinan 2018⁴. Hamutuk, identifika ona programa no/ka medida protesauun sosiál 26, ne'ebé MSSI no Institutu Nasionál Seguransa Sosiál (INSS) implementa, nomós liuhusi entidade governamentál sira seluk, hanesan Ministériu Edukasaun (ME), Ministériu Justisa (MJ), Ministériu Obras Públikas (MOP), Ministériu Saúde (MS) no Sekretaria Estadu Formasaun Profisionál no Empregu (SEFOPE), nomós ho Ministériu Interiór (MI) no Ministériu Administrasaun Estatál (MAE) sira-nia kolaborasaun besik.

1.1 Kontestu Sosioekonómiku

Timor-Leste hakaat tiha ona pasu signifikativu hodi habelar protesauun sosiál no hodi hadia populasaun sira-nia kondisaun moris. Maibé, iha nafatin dezafiu oioin, liuliu kona-ba programa protesauun sosiál nia kobertura, benefísiu sira-nia adekuasaun no investimentu sira-nia foku. Ne'e duni, ENPS estabelese objetivu sira no prevee área prioritária no atividade sira, to'o iha tinan 2030, atu aselera no hadia protesauun ba sidadaun hotu-hotu, tuir rekomendasaun husi pizu sira protesauun sosiál nian.

Hahú husi independénsia Timor-Leste nian, ekonomia Timór nian buras lalais maski bele hetan oxilasaun, liuliu iha tinan hirak ikusmai ne'e. Timor-Leste nasaun ida-ne'ebé ho rendimentu médiu-baixo, ho Produutu Internu Brutu (PIB) naun petrolíferu nian ida per kapita USD 1,231 iha tinan 2019⁵ (kompara ho USD 979 iha tinan 2002) no ho populasaun besik ema millaun 1,2⁶. Populasaun nia idade mediana mak 19,6, ne'e refleto nasaun joven loos no populasaun 39% nia idade mak entre tinan 0 no tinan 14, populasaun 53% nia idade mak entre tinan 15 no tinan 59 no 8% deit mak idade tinan 60 ka liu. Timor-Leste rejista ona kreximentu PIB nian ho 4.7% média anual, husi tinan 2008 to'o tinan 2018, no hetan impulsu ba aumentu beibeik despeza pública nian tuir estratéjia ekonómika Governu⁷ nian.

Maibé, haree ba tinan 10 ikusmai, tinan 2017 no tinan 2018 mak, primeira vés, ekonomia hatudu nia kreximentu negativu. Maski iha tinan 2019 ekonomia fila-fali ba ritmu kreximentu pozitivu (1.8%), iha estimativa kontrasauun -7.6% iha tinan 2020 tanba COVID-19 no tanba iha atrazu atu aprova orsamentu jerál estadu nian, maski iha previzaun rekuperasaun

4 Relatório Desafios e Recomendações para a Extensão da Proteção Social a Todos em Timor Leste: Relatório do Diálogo Nacional Baseado na Avaliação desenvolve iha âmbito projetu ACTION/Portugal no disponivel ho lian português no Tetun https://www.ilo.org/jakarta/whatwedo/publications/WCMS_638102/lang--en/index.htm

5 DGE-MF (2020), Contas Nacionais 2000-2019 de Timor-Leste, DGE-MF: Dili.

6 DGE-MF (2016), Recenseamento Geral da População e Recenseamento Geral da Habitação 2015, DGE-MF: Dili.

7 RDTL (2020), Orçamento Geral do Estado 2020-Panorama Orçamental Livro 1, RDTL: Dili.

no kreximentu 3,5% iha tinan 2021⁸. Entretantu, inflasaun bele kontinua relativamente baixa, ho valór 0,5% iha tinan 2020 no 1,1% iha tinan 2021, no hatudu katak sei laiha alterasaun signifikativu presu sira-nian, liuliu presu beins alimentares, ne'ebé bele afeta populasaun ne'ebé kiak liu.

Maibé kreximentu ekonómiku to'o agora seidakuf suficiente atu hamenus nível kiak ho maneira signifikativa. Tuir Inkéritu kona-ba Padraun Moris iha Timor-Leste tinan 2014 nian, haree ba liña nasional kona-ba kiak nian (ne'ebé korresponde ba USD 1,54 per kapita ba laron ida)⁹ maizoumenus timoroan 41,8% moris iha situasaun kiak nia laran. Maski situasaun hasoru melloria bainhira kompara ho estimativa anteriór (50,4% iha tinan 2007), insidénsia kiak kontinua aas no iha nafatin situasaun preokupante iha nasaun tomak. Gap kiak¹⁰ nian mós tuun husi 13,8 ba 10,4, entre tinan 2007 no tinan 2014, no nia hatudu katak melloria ba bein-estár la'os deit ba sira ne'ebé uluk besik liu liña kona ba kiak nian. Área rural sira apresenta nível kiak aas liu área urbana sira (47,1% kompara ho 28,3% iha tinan 2014, respetivamente) no nia progresu neneik liu. Predomina mós diferença entre munisípiu sira, ho variasaun entre 29,1 iha Díli no 62,5 iha Oekuse¹¹.

Kiak mós frekuente liu ba labarik sira. Labarik ida husi rua moris ho valór kiak liu USD 1,54 ba laron ida. Proporsaan foin-sa'e, ne'ebé moris iha agregadu familiár kiak, mós aas (39,5%). Insidénsia traballu infantil iha Timor-Leste aas tebe-tebes (16,1%¹²), no bele konsidera nu'udar kauza no konsekuénsia husi kiak. Senáriu ida-ne'e iha impaktu ba dezvoltimentu nasaun nian, no bele mós hanaruk siklu kiak interjerasional. Situasaun kona-ba traballu infantil dala barak obriga ema halo servisu forsadu iha sira-nia moris adultu, no representa obstákulu prinsipal ida ba traballu desente¹³.

Tendénsia mak kuadru vulnerabilidade ida-ne'e bele influénsia objetivu dezvoltimentu kapitál umanu ne'ebé Timor-Leste hakarak alkansa, no sai risku hodi realiza sidadaun sira-nia direitu no garantia fundamentál. Kiak, inseguransa alimentár, desnutrisaun no insusesu eskolár, hamosu dezafiu barak atu realiza objetivu dezvoltimentu umanu. Tuir Índise

8 RDTL (2021). Orçamento Geral do Estado 2021-Panorama Orçamental Livro 1. RDTL: Díli.

9 Liña kona-ba kiak nasional nian representa kustu médiu ba nesididade báziku, ne'ebé sae 84,5%, husi USD 25,14 ba ema ida ba fulan ida iha tinan 2007 ba USD 46,37 ba ema ida ba fulan ida iha tinan 2014 (ka husi USD 0,84 ba ema ida ba laron ida iha tinan 2007 ba USD 1,54 ba ema ida ba laron ida iha tinan 2014).

10 Índise "gap" kiak mak medida intensidade kiak nian. Índise halo estimativa kona-ba distánsia, tuir média, husi populasaun kiak no liña kona-ba kiak nian. Tan ne'e mak konsideradu medida intensidade kiak nian.

11 Tuir Inkéritu kona-ba Padraun Moris nian iha Timor-Leste iha tinan 2014, munisípiu sira seluk hatudu mós nível kiak signifikativu, liuliu Ermera (56,7%), Kovalima (53,1%), Bobonaru (51,7%), Manufahi (47,7%), Ainaru (43,2%), Manatutu (43,1%), Likisa (43%), Vikeke (36,9%), Aileu (35,1%), Baukau (32,6%) no Lautein (32,2%).

12 OIT (2019). Relatóriu kona-ba Traballu Infantil iha Timor-Leste bazeia ba Inkéritu Nasional ba Traballu Infantil iha tinan 2016. OIT: Díli disponivel iha https://www.ilo.org/ippec/Informationresources/WCMS_719346/lang-en/index.htm

13 Atu hetan informasaun tan bele haree https://www.ilo.org/lisbon/temas/WCMS_650871/lang-pt/index.htm

Global kona-ba Hamlaha iha tinan 2020, Timor-Leste okupa penúltima pozisaun iha totál nasaun hamutuk 107, no hatudu situasaun

preokupante¹⁴. Hanesan mós, Índise Kapital Umanu (ICH) Timor-Leste nian iha tinan 2020 hatudu katak labarik ida ne'ebé moris iha Timor-Leste bele atinje de'it 45% husi nia potenciál kapital umanu, bainhira kompara ho padraun referénsia ida kona-ba edukasaun kompletu no saúde plena¹⁵.

Aleinde melloria ne'ebé bele verika ona, má-nutrisaun, iha ninia forma oioin, kontinua nafatin preokupasaun ida iha Timor-Leste. Tuir Inkéritu kona-ba Alimentasaun no Nutrisaun iha tinan 2020, labarik 47.1% ho idade kiik liu tinan 5 haree ninia kreximentu komprometidu (badak ba sira nia idade - "stunting") no labarik 8.6% ho idade kiik liu tinan 5 krekas liu ba sira-nia aas (baixu pezu ba sira-nia aas - "wasting"). Maizoumenus labarik 57% ho idade kiik liu tinan 5 la tuir prosesu kreximentu ne'ebé presiza, no hatudu situasaun preokupante liu bainhira kompara ho rejiaun Sudeste Aziátiku no Pasífiku (17% iha tinan 2018)¹⁶. Tuir Sensus iha tinan 2015, taxa mortalidade infantil husi labarik ho idade kiik liu tinan 5 mak labarik 72 mate ba kada 1000 ne'ebé moris ho iis (nadu-vivu), rásiu ne'e boot liu bainhira ita kompara ho rejiaun Sudeste Aziátiku (29.9 ba 1000 labarik moris ho iis). Labarik subnutridu nia taxa mortalidade aas liu, sira sei badak no fraku liu, ho risku boot liu hodi hetan moras króniku no ho tendénsia atu moras beibeik liu, no ida-ne'e mós impede sira bele bá eskola.

Iha mós possibilidade atu labarik subnutridu haree sira-nia kapasidade aprendizajen reduzidu tanba atrazu kognitivu no, bainhira sira to'o iha idade adultu, sira-nia produtividade no potencial rendimentu limitadu. Situasaun ida-ne'e sei iha konsekuénsia negativu ba kreximentu ekonómiku nasaun nian no, dala ida, kria mós jerasaun adultu sira-nian ida ne'ebé iha possibilidade boot liu atu dezenvolve moras króniku, no kontribui hodi lasu ba kiak kontinua eziste nafatin. Hanesan ne'e, hadia nutrisaun infantil esensiál hodi garante labarik sira-nia saúde, saúde ne'ebé sei iha reperkusaun klean ba dezenvolvimentu kapital umanu no ekonómiku iha Timor-Leste.

Kona-ba merkadu traballu, partisipasaun forsa traballu nian hahú ona aumenta no representa ona 46.9% husi populasaun iha idade ativa (ho tinan 15 ka liu), iha tinan 2016, kompara ho 24%, iha tinan 2010, tuir

14 Atu hetan informasaun tan bele haree iha <https://www.globalhungerindex.org/Timor-Leste.html>

15 Atu hetan informasaun tan bele haree iha <https://data.worldbank.org/indicator/HD.HCI.OVRL?locations-TL>

16 UNICEF (2019). The State of the World Children 2019. Children, Food and Nutrition – Growing well in a changing world, UNICEF: Bangkok.

dadus husi Inkéritu kona-ba Forsa Traballu nian iha tinan 2016¹⁷. Foin-sa'e sira-nia partisipasaun mós evolui ona ho maneira pozitiva, husi 8.5% ba 25.8%, entre tinan 2010 no tinan 2016. Hatudu katak ekonomia halo esforsu hodi inklui aumentu empregu haree ba populasaun nia kreximentu kontínuu. Maibé, empregu vulnerável representa maizoumenus 58% husi total empregu nian, no tau traballadór hirak-ne'e iha pozisaun ne'ebé vulnerável tebes liuliu bainhira sira la abranjidu liuhusi Protesaun Sosiál.

Aleinde kreximentu ekonómiku ne'ebé lais iha dékada ikusmai, traballadór adultu sira (tinan 25 no liu) 5.3% nafatin dezempregadu iha 2016, ho taxa dezempregu aas liu ba feto sira (14.3%) duké ba mane (7.5%). Foin-sa'e (tinan 15-24) hatudu mós taxa dezempregu aas liu dala neen, 32.9% bainhira kompara ho traballadór adultu sira. Aleinde ne'e, iha mós foin-sa'e maizoumenus 45% ho tinan 23 no liu ne'ebé laiha empregu no la estuda, ida-ne'e hatudu katak foin-sa'e balun sira-ne'e bele dezempregadu no sira-seluk la tama iha merkadu traballu, no sira halo agrikultura subsisténsia ka sira hein bele hadia kondisaun balun hodi bele tama fila-fali ba merkadu traballu nian. Kualifikasaun sira-nia dezajustamentu hare ba nesesidade merkadu traballu nian, falta asesu ba formasaun profisionál adekuada, entre aspetu sira seluk tan hanesan dezigualdade jéneru mak kauza principal ba taxa dezempregu aas liu, liuliu ba grupu sira ne'ebé mensiona tiha ona.

Timor-Leste, traballadór barak liu 60% mak hola parte iha ekonomia informál, ne'e katak, sira dezempeña atividade ekonómika ne'ebé la inklui iha estrutura formál empregu ka protesasaun sosiál nian saida deit, no feto mak grupu ida ne'ebé vulnerável liu.

Kona-ba edukasaun, ita haree melloria substansial kona-ba asesu, liuliu iha siklu 2 dahuluk ensinu báziku nian ho taxa eskolarizasaun ne'ebé aas tebes. Iha tinan 2018, taxa eskolarizasaun bruta mak 111% no 112%, respetivamente iha siklu da-1 no da-2 ensinu báziku nian, tuun ba 95% iha siklu da-3 ensinu báziku nian no ba 72% iha ensinu sekundáriu¹⁸. Análize kona-ba taxa eskolarizasaun líkida iha siklu dahuluk ensinu báziku nian, ne'ebé konsidera de'it alunu matrikuladu ho idade normal frekuénsia siklu hirak-ne'e, mak 82,7%, hatudu preokupasaun ne'ebé relasiona ho efisiénsia sistema ensinu nian. Iha estimativa katak maizoumenus labarik 19%, ho idade entre tinan 6 no tinan 14, la frekuenta eskola. Hanesan mós, baixa eskolarizasaun iha pré-eskolár (22%) dook liu husi meta ne'ebé define iha nível nasional.

17 ILO (2019), Timor-Leste Labour Force Survey 2010-2013-2016 main trends based on harmonized data. ILO: Jakarta iha <https://www.statistics.gov.tl/wp-content/uploads/2019/10/Labour-Force-Survey-2010-2013-2016-english-rev-Aug-19-3.pdf>
18 ME (2018), Análise do Setor de Educação em Timor-Leste, ME: Díli.

Baibain ema haree mós falta infraestrutura hanesan obstákulu ida hodi asesu ba ensinu pré-eskolár no ensinu sekundáriu. Maibé, difikuldade hodi oferese ensinu ho qualidade no, liuliu, profesór sira kualifikadu no materiál didátiku adekuaudu, konstitui mós obstákulu prinsipál ida.

Kona-ba saúde, nasaun hatudu ona avansu significativu ne'ebé relasiona ho esperansa média moris populasau nia aumentu lais, hamenus mortalidade infantil, hamenus mortalidade maternu-infantil no hamenus makaas kazu malária. Maibé asesu universal ba servisu saúde ho qualidade seidauk realidade ida, liuliu tanba falta infraestrutura no rekursus umanus kualifikadu. Iha tinan 2019, iha maizoumenus médiku 8 ba individu 10 000 no enfermeiru no parteira 18 ba individu 10 000¹⁹. Asesu ba servisu saúde difisil tebes liuliu ba populasau ne'ebé moris iha fatin remotu liu.

Asesu ba saúde reprodutiva, materna no neonatal nafatin limitadu. Iha tinan 2020, maizoumenus feto ho idade produtiva 51% (tinan 15-49), kaben-na'in ka iha uniaun-de-faktu, ne'ebé presiza tiha ona planeamentu familiar, mak hetan resposta ba sira-nia nesesidade²⁰. Taxa fekundidade iha adolexénsia²¹ mak maizoumenus 42 ba rihun ida, iha tinan 2015. Hanesan mós, asisténsia pré-natal no pós-natal konstitui dezafiu ida. Iha tinan 2016, maizoumenus feto 77% (tinan 15-49) realiza pelumenus konsulta pré-natal haat durante tempu isin-rua no 35% deit mak simu kuidadu pós-natal durante loron rua hafoin partu²². Husi sorin seluk, bebé foin moris 31% iha asesu ba kuidadu pós-natal durante loron rua dahuluk hafoin partu. Maibé, partu 57% de'it mak akompaña liuhusi profisionál saúde nian iha tinan 2016.

Realidade reflète mós falta asesu ba servisu esensiál sira seluk, hanesan bee mós, saniamentu no eletrisidade, maski iha melloria gradual iha nasaun tomak. Agora daudaun, maioria agregadu familiár (74.7%) iha ona asesu ba fonte bee moos ida atu bele hemu, maibé maizoumenus metade de'it husi agregadu familiár (49.5%) mak uza servisu saniamentu²³. Agora daudaun, populasau 67% iha asesu ba eletrisidade. Maibé, asesu iha área rural kontinua menus liu, no kontribui hodi aumenta dezigualdade entre zona urbana no zona rurál. Aleinde suku no aldeia sira, ne'ebé besik liu sentru Suku nian no sentru administrativu, iha asesu boot liu ba servisu esensiál sira, dezafiu mak

19 Global Health Workforce Statistics, Organizasaun Mundial Saúde nian, Jenebra iha <http://www.who.int/hrh/statistics/hwfstats/>

20 Global Health Observatory, Estatísticas da Saúde da Organização Mundial de Saúde para monitorizar o progresso dos Objetivos de Desenvolvimento do Milénio em <https://apps.who.int/gho/data/node.home>

21 Rásiu entre número anual bebé moris ho iis husi inan ho idade entre tinan 15 no tinan 19 (inan adolexente), referidu ba efetiuvu médiu feto sira ho idade husi tinan 15 to'o tinan 19 iha tinan ida-ne'ebá, ba feto 1000 husi faixa etária ne'e.

22 Datus UNICEF nian iha <https://data.unicef.org/country/tls/>

23 Resenseamentu Jerál Populasau no Abitasaun iha Timor-Leste iha tinan 2015 iha <https://www.statistics.gov.tl/wp-content/uploads/2016/11/Wall-Chart-Poster-Landscape-Final-English-rev.pdf>

atu garante ba individuu ne'ebé moris iha área izoladu liu sira-nia asesu ba servisu hirak-ne'ebé hanesan.

1.2 Protesaun Sosiál nia Knaar

Protesaun sosiál iha knaar-xave ida ba dezvoltimentu sustentável Timor-Leste nian, kontribui ba progresu nasaun iha nível sosiál, ekonómiku no ambiental, no kontribui mós, dala ida, hodi konkretiza Ajenda tinan 2030 no ninia ODS atu nune'e "la husik ema ida ba kotuk". Ezisténsia husi pizu protesaun sosiál ida liuhusi nia programa protesaun sosiál rasik fundamental atu prevene no kombate kiak, hamenus dezigualdade, hadia bein-estar, mitiga xoke sira, haforsa koezaun sosiál no dame, promove estabilidade sosiál no fomenta kreximentu ekonómiku inkluzivu. Tanba razaun hirak-ne'e hotu, ita tenke haree protesaun sosiál laos hanesan kustu ka enkargu ida ba Estadu no ba kontribuinte sira, maibé hanesan investimentu iha sosiedade no iha nasaun nia prosperidade.

Programa protesaun sosiál, liuliu sira-ne'ebé envolve prestasaun osan no kriasaun direta empregu nian implika transferénsia rendimentu nian ida husi Estadu ba sidadaun no ba familia ne'ebé kiak no/ka vulnerável liu, no ita tenke haree transferénsia ne'e hanesan investimentu produtivu ida. Esperiéncia internasionál hatudu katak individuu no familia benefisiáriu husi programa protesaun sosiál baibain sira-nia konsumu imediatu boot liu no ida-ne'e iha impaktu poténsial ba melloria bein-estar no fó estimulu iha ekonomia lokal.

Aumentu husi prokura beins no servisu balun bele sai hanesan insentivu hodi aumenta produsaun no kriasaun empregu. Nomós, prestasaun monetáriu bele facilita sidadaun sira-nia asesu ba edukasaun, saúde no nutrisaun no, karik prestasaun hirak-ne'e regular no previzível, bele mós fó influénsia pozitivu hodi akumula kapital umanu nesesáriu ba progresu sosioekonómiku.

Efetu husi alterasaun klimátika hahú ona evidente iha Timor-Leste, liuhusi okorrénsia dezastre natural ne'ebé agora akontese dala barak liu. Protesaun sosiál bele mós atua atu ajuda sidadaun sira aumenta sira-nia reziliénsia no identifika estratéjia ne'ebé bele ajuda sira hasoru xoke boot bainhira kompara ho eventualidade ne'ebé bele mosu durante sira-nia moris tomak.

Efetu sira ne'ebé mensiona ona iha leten kona-ba protesaun sosiál bele boot liu iha Timor-Leste, tanba karakteristika espesifika balun husi

nasaun nia ekonomia rasik. Literatura kona-ba multiplikadór fiskál²⁴ sujere katak efeitu sira-ne'e iha tendénsia atu boot liu iha nasaun ne'ebé: i) individuú sira foti desizaun ne'ebé bazeia ba projesaun kurtu prazu nian tanba hasoru instabilidade ekonómika; ii) política monetária menus efikás; iii) estabilizadór automatiku reduzidu liu; iv) dívida públka kiik liu; v) rejime taxa de juru menus fleksível. Bele iha argumentu balun katak kondisaun hirak-ne'e hotu aplika ba Timor-Leste, maibé multiplikadór fiskal iha tendénsia atu aas liu iha Timor-Leste bainhira kompara ho nasaun sira seluk. Ne'e signifika katak dólar idaidak ne'ebé Governu utiliza sei iha efeitu ne'ebé boot liu ba restu ekonomia²⁵.

Multiplikadór fiskál baibain aas liu bainhira kreximentu ekonómiku reduzidu liu. Ne'e duni, protesauun sosiál bele atua nu'udar estabilizadór automatiku liuhusi transferénsia sosiál hodi fó apoiu ba individuú no familia sira ne'ebé haree sira-nia rendimentu no konsumu tuun no, dala ida, bele mós fó influénsia ba kreximentu ekonomia no empregu.

1.3 Protesaun Sosiál nia Enkuadramentu

Iha Timor-Leste, protesauun sosiál hanesan direitu konsagradu iha Konstituisaun Repúblika Timor-Leste nian, liuliu iha artigu 56 ne'ebé estabelese katak "sidadeun hotu-hotu iha direitu ba seguransa no ba assisténsia sosiál, tuir termus lei nian".

Protesaun sosiál hanesan mós direitu ne'ebé rekoñesidu internasionalmente, konsagradu iha Deklarasaun Universal Direitus Umanus nian²⁶ no iha instrumentu polítiku internasionál²⁷ oioin, inklui konvensaun OIT sira-nian.

Tuir termus konseptuál, protesauun sosiál refere ba política públka lubuk ida ne'ebé iha objetivu prinsipál atu proteje ema, inklui ema kiak

24 Baze teóriu hodi define multiplikadór fiskál John Maynard Keynes mak estabelese, nia mak define multiplikadór fiskál hanesan kosiente entre variasaun rendimentu nasional no variasaun unitáriu husi instrumentu polítiku fiskál ne'ebé nia hahoris. Hanesan ne'e, ita bele tradús multiplikadór ba indikador ida ne'ebé bele kapta política fiscal nia efikásia (iha kazu ne'e, Protesaun Sosiál). Multiplikadór fiskal nia referénsia ida mak nia valór, tanba bainhira aumentu despeza públka kondús ba aumentu proporsional rendimentu nasional nian. Karik multiplikadór boot liu unidade nian, aumentu husi dólar amerikano ida iha despeza públka kon'us ba aumentu iha despeza privada no rendimentu boot liu dólar amerikano ida. Ne'e signifika katak variasaun husi despeza públka iha efeitu proporsional liu iha rendimentu nasional. Porezemplu, karik multiplikadór fiskál mak 1,3, ne'e signifika katak ba dólar amerikano idaidak ne'ebé Estadu gasta, kondús ba aumentu rendimentu nasional dólar 1,30. Diferensa (dólar 0,30) mak baibain hanaran multiplikadór.

25 Fatór ne'ebé bele funsiona tuir sentidu opostu inklui inefisiénsia ba investimentu públku nomós tanba Timor-Leste ekonomia kiik ida. Fatór sira seluk baibain asosia ba multiplikadór fiskál kiik liu la aplika ba Timor-Leste nia kazu.

26 Deklarasaun Universal Direitus Umanus (1948) afirma katak: "Ema hotu-hotu, nu'udar membro sosiedade, iha direitu ba seguransa sosiál; no bele ho maneira lejítima ezije satisfasaun direitu ekonómiku, sosiál no kulturál ne'ebé indispensável (.)" (artigu 22); "Ema hotu-hotu iha direitu ba nivel moris sufisiente hodi asegura ba nia rasik no ba nia familia saúde no bein-estár, liuliu alimentasaun, vestuáriu, alojamentu, assisténsia méдика nomós servisu sosiál sira ne'ebé nesésáriu; no iha direitu ba seguransa bainhira hasoru dezempregu, bainhira moras, invalidés, faluk, ferik-katus ka kazu sira seluk bainhira lakon meu subsisténsia tanba sirkunstánsia sira ne'ebé la depende ba nia vontade rasik. (.)" (artigu 25)

27 Direitu ba Protesaun Sosiál mós prevee iha Paktu Internasionál Direitu Ekonómiku, Sosial no Kulturál sira (PIDESC, 1966), ne'ebé Nasoins Unidas adopta no Timor-Leste ratifika (Rezolusaun Parlamentu Nasionál n.8/2003, husi loran 17 fulan Setembru); "Estadu Membre sira rekoñese iha Paktu ne'e ema hotu nia direitu ba seguransa sosiál, inklui mós seguru sosiál (previdénsia sosiál/ seguransa sosiál kontributivu)" (artigu 9 PIDESC).


no vulnerável liu, no atu garante padraun mínimu kona-ba bein-estár. Hanesan ne'e, Proteasaun Sosiál hakarak:

- Proteje ema husi risku socioekonómiku durante sira-nia moris tomak;
- Proteje ema husi risku xoke oioin;
- Prevene no kombate kiak;
- Garante katak ema bele satisfás sira-nia nesesidade umana bázika;
- Garante katak ema iha asesu ba servisu sosiál esensiálno bele uza sira-nia direitu ba saúde no ba edukasaun²⁸;
- Garante katak ema hotu iha rendimentu mínimu ne'ebé permite atu bele moris ho dignidade;
- Kontribui ba dame sosiál;
- Kontribui ba dezenvolvimentu ekonómiku²⁹.

Bainhira ita asume katak risku no kondisaun ne'ebé individuu sira hasoru durante sira-nia moris tomak hasoru mudansa, proteasaun sosiál tenke adapta aan hodi garante proteasaun adekuada ba etapa idaidak. Ne'e signifika katak ita tenke komprende risku no nesesidade oioin, ne'ebé populasaun hasoru iha etapa idaidak, konsidera grupu etáriu sira no, dala ida, koko propõin no/ka ajusta polítika no programa proteasaun sosiál sira. Imajen 1 apresenta rezumu kona-ba prinsipal risku sosiál no ekonómiku ne'ebé ema ida hasoru durante siklu moris tomak.

Imajen 1:

Risku sosioekonómiku durante moris tomak



²⁸ Hanesan kuidaду saúde, edukasaun, sentru akollimentu, lar no sentru loran nian ba ferik-katuas k aba labarik sirao, sentru edukativu, sentru sosiokomunitáriu, nst.

²⁹ Bainhira garante nivel mínimu rendimentu, Proteasaun Sosiál ajuda atu estabiliza konsumu no prokura, no promove empreza sira-nia dezenvolvimentu no kreximentu ekonómiku.

Protesaun Sosiál bele hatán mós ba xoke oioin, hanesan sira-ne'ebé mosu husi dezastre natural, krize ekonómika no pandémika, aleinde ninia funsaun tradisionál hodi proteje husi xoke idiosinkrátiku, ne'ebé mosu husi risku socioekonómiku oioin durante ema nia moris tomak. Ne'e implika adaptaun ida husi sistema no husi programa regular protesaun sosiál nian, hodi hatán ba konsekuénsia inesperadu husi xoke ne'ebé afeta ema barak dala ida. Husi sorin ida, sistema protesaun sosiál bele ajuda prevene tipu xoke hirak-ne'e, liuhusi hadia individuú sira-nia reziliénsia, durante siklu moris tomak, atu sira bele hatán di'ak liutan ba xoke oioin, liuhusi haforsa sistema protesaun sosiál no parseria sira, ne'ebé bele ajuda prepara resposta ba emergjénsia. Husi sorin seluk, sistema protesaun sosiál bele fó apoiu imediatu ba populaun vulnéavel liu, hafoin xoke akontese no asume katak protesaun sosiál bele komplementa intervensaun ho natureza umanitária sira seluk.

Protesaun Sosiál iha Timor-Leste inklui rejime kontributivu no rejime naun kontributivu, no liuhusi rejime rua ne'e atribui prestasaun monetária no/ka prestasaun en espésie. Rejime kontributivu seguransa sosiál aprova tiha liuhusi Lei n.o 12/2016, husi loron 14 fulan novembru, nu'udar rejime úniku ba ema hotu, integra benefisiáriu sira husi rejime tranzitóriu, obrigatóriu, autofinansiadu, ho independénsia finanseira husi orsamentu Estadu nian, ne'ebé jere tendensialmente iha repartisaun, inklui mós komponente ida kapitalizasaun públuka estabilizasaun nian, no hatuur, entre sira seluk, iha prinsípiu solidariedade intra no inter jerasional. Kriasaun husi rejime kontributivu seguransa sosiál nian foun mak permite halo ligasaun entre direitu no dever sira, tuir kontrusaun sidania nian ne'ebé plenu, no fó protesaun sosiál ba eventualidade oioin (asidente traballu, maternidade, paternidade no adosaun, invalidés, ferik-katuas no mate), tuir kondisaun jerál katak kumpre obligasaun kontributivu sira.

Rejime naun kontributivu protesaun sosiál nian inklui programa protesaun sosiál oioin ne'ebé atribui prestasaun monetária no/ka prestasaun enjéneru, hodi hamenus vulnerabilidade balun no kombate kiak. Rejime ida-ne'e finansia liuhusi orsamentu jerál estadu nian, liuliu liuhusi reseita petrolíferu.

Maski Lei de Bazes Protesaun Sosiál nian agora daudaun iha hela faze estudu no preparasaun, sei bele identifika tendénsia ida hodi afirma komponente esensial sira iha ámbitu medida protesaun sosiál sira-nian ne'ebé, tuir tempu, Governu Timor-Leste aprova no implementa ona, liuliu iha MSSl nia atribuisaun sira no pesoa koletivu iha ninia tutela no, iha kazu balun, iha ámbitu atusaun entidade governamental sira seluk.

Ne'e duni, iha nivel Seguransa Sosiál, aprova ona rejime kontributivu ida hodi "proteje traballadór no nia família sira iha situasaun lakon rendimentu traballu nian ne'ebé identifkadu iha Lei³⁰. Rejime kontributivu dirije espesifikamente ba ema ne'ebé servisu no kontribu, hetan finansiamentu husi traballadór no husi entidade empregadora sira-nia kontribuisaun. Seguransa sosiál nia konkretizasaun mak liuhusi selu prestasaun osan no nia objetivu mak, liuliu, hodi fó kompensasaun/ substitui rendimentu traballu ne'ebé lakon, iha situasaun balun (maternidade, familiar ne'ebé sustenta família mate, ferik-katuas, invalidés, nst.). Ne'e duni, objetivu laos kombat, maibé prevene kiak, tanba permite katak traballadór sira bele mantein rendimentu mínimu ida, ne'ebé substitui sira-nia rendimentu traballu, no hanesan ne'e sira bele kontinua iha kapasidade konsumu.

Presiza mós hatudu katak apoiu lubuk ida ne'ebé finansiadu husi Estadu, naun kontributivu ne'ebé hakarak proteje sé de'it mak la abranje iha rejime kontributivu, no garante direitu ba nivel moris nian adekuadu. Evidente mós prestasaun sira-nia ezisténsia, naun kontributiva, hodi proteje individu no/ka família sira vulnerável liu no/ka iha situasaun kiak hodi bele hadia sira-nia bein-estár no/ka sai husi situasaun kiak. Asisténsia sosiál bele asume formatu hanesan prestasaun osan no/ka jéneru, ne'ebé fó ho maneira kondisionál ka inkondisionál.

Protesaun Sosiál hakarak mós garante asesu ba servisu esensial iha área saúde no edukasaun no apoiu ka reinsersaun sosiál (uma-mahon, lar ba ferik-katuas, sentru de dia, entre sira seluk) ba populasaun enjerál. Maski servisu hirak-ne'e finanzia liuhusi orsamentu jerál estadu nian, dala balun, sidadaun sira bele konpartisipa kustu sira, porezemplu liuhusi selu taxa. Servisu hirak-ne'e bele mós sai servisu públiku ne'ebé Estadu providensia direktamente no/ka instituisaun terseiru disponibiliza ho Estadu nia kompartisipasaun.

Iha ámbitu Estratéjia ida ne'e, ita konsidera de'it servisu sosiál ne'ebé MSSl presta direktamente no programa sira hodi halakon barreira asesu ba servisu esensial ne'ebé ministériu sira seluk tutela. Porezemplu, provizaun servisu ba formasaun profesionál konsidera ona nu'udar protesau sosiál iha ninia vertente promosaun asesu ba servisu hirak-ne'e (halakon barreira asesu nian, hanesan folin, distánsia no sira seluk), no laos iha vertente servisu sira-nian rasik. Lójika hanesan ida ne'e bele aplika ba programa edukasaun, saúde, prevensaun no resposta ba dezastre natural no sira seluk.

30 Lei n.12/2016 husi loron 14 fulan novembru, kona-ba Kriasaun Rejime Kontributivu Seguransa Sosiál nian, artigu 1 n.1 no 2 n.2.

Ikusliu, importante hatudu nesesidade hodi rekoñese protesauun sosiál no empregu nu'udar setór ne'ebé haforsa malu, haree ba sira-nia importánsia ne'ebé relasiona ho ema nia bein-estár no ba dezvoltimentu nasional. Setór rua ne'e fundamentál hodi garante traballu desente ba ema hotu. Empregu nesesáriu hodi kria oportunidade nesesária ba investimentu, empreendedorizmu, formasaun, kria saun empregu no permite meius moris nian ne'ebé sustentável. Maibé, mesak de'it, nia labele kria kondisaun sira hotu hodi atinje objetivu sira, no presiza nafatin disponibilidade no asesu ba servisu sosiál esensial sira iha área saúde, edukasaun, bee no saniamento, seguransa alimentár no área sira seluk ne'ebé define ona nu'udar prioridade nasional. Ne'e duni, sei presiza dezvoltolve abordajen integradu ida atu aumenta empregabilidade, fasilita mobilidade sosioekonómika no, hanesan konsekuénsia bele kria nível rendimentu no nível protesauun sosiál aas liu, ne'ebé foka liu ba ema vulnerável liu.

1.4 Protesaun Sosiál nia Programa Atual

Sistema protesauun sosiál timoroan oferese programa protesauun sosiál oioin hodi hatán ba objetivu oioin mak hanesan proteje ema hodi hasoru risku sosioekonómiku durante sira-nia moris tomak, halo prevensaun no kombate kiak, halo mitigasaun xoke, fó apoiu ba dezvoltimentu kapitál umanu no fó asesu ba servisu essencial sira, nomós promove dame no koezaun sosiál.

Iha análise ikusliu ne'ebé MSSl halo ho apoiu husi OIT no husi ONU³¹, identifika ona programa Protesaun Sosiál hamutuk 26, iha Timor-Leste. Aleinde sira-nia objetivu oioin, programa hirak-ne'e sira-nia kobertura, adekuasaun no orsamentu mós lahanesan.

³¹ ONU/OIT/MSSI (2018), Desafios e Recomendações para a Extensão da Protesaun Sosiál a Todos em Timor-Leste: Relatório do Diálogo Nacional Baseado na Avaliação, Díli: ONU/OIT/Ministério Solidariedade Sosiál.

Tabela 1:

Rezume sistema Protesaun Sosiál, ne'ebé Estadu promove, iha Timor-Leste, no tuirmai, iha ita bele hetan deskrisaun badak kona-ba programa/benefisiu idaidak.

Tutela husi MSSSI no INSS		Tutela husi Ministériu sira seluk
Kontributivu	Naun Kontributivu	
Rejime Jeral Seguransa Sosiál Kontributiva: Pensaun Ferik-katuas (Reforma); Pensaun Invalidés (Absoluta/Relativa) Pensaun Sobrevivénsia; Subsídiu Mate nian; Subsídiu Maternidade; Subsídiu Paternidade; Subsídiu adosaun; Subsídiu Risku Kliniku durante tempu isin-rua; Subsídiu Interrupsaun isin-rua (Abortu).	Subsídiu Apoiu ba Ferik-Katuas no Inválidu sira (SAII); Programa Bolsa da Mãe; Apoiu Sosiál ba Individuu no Familias iha Sirkunstánsia; Rekuperasaun husi Vítima Dezastre Natural no Konflitu Sosiál; Labarik sira ne'ebé iha Konflitu ho Lei; Apoiu ba Vítima Violénsia Bazeia ba Jéneru no Violénsia Doméstika; Reinsersaun Sosiál ba Prizioneiru sira; Servisu Funeráriu.	Asesu ba Edukasaun: Merenda Eskolár ba Edukasaun Pré-eskolár no Ensinu Báziku; Bolsa Estudu ba Antigos Kombatentes Libertasaun Nasionál sira-nia oan; Asesu ba Saúde: Sistema Nasionál Saúde; Kuidadu Esensiál ba Bebé Foin Moris; Programa Hamenus Mortalidade Infantil; Nutrisaun ba Labarik sira; Pasiante Vulnerável; Servisu Integradu Saúde Komunitária (SISCA); Saúde iha Família; Tratamentu Saúde ba Kombatentes Libertasaun Nasionál; Programa Imunizasaun; Asesu ba Empregu: Empregu rural; Estrada ba Dezenvolvimentu.

1.4.1 Seguransa Sosiál (Kontributivu)

Rejime Jerál Seguransa Sosiál Kontributivu (Lei n.o 12/2016, husi loron 14 fulan novembru), ne'ebé tama iha vigór iha tinan 2017, substitui rejime tranzitóriu, no representa avansu importante ida ba organizaun progresiva sistema seguransa sosiál nian ida, iha Timor-Leste. Objetivu husi Rejime Jerál mak proteje traballadór sira husi risku ne'ebé relasiona ho traballu, oferese substituisaun rendimentu bainhira akontese eventualidade ruma ne'ebé iha kobertura husi rejime ne'e. Rejime ne'e dirije ba traballadór sira hotu, husi setór públiku no privadu, ne'ebé halo kontribuisaun (husi traballadór nomós husi traballadór sira-nia entidade empregadora), kalkula bazeia ba remunerasaun ne'ebé traballadór idaidak simu, no fó ba idaidak direitu hodi simu prestasaun sosiál ne'ebé proporsionál ba sira-nia rendimentu no tempu kontribuisaun. Rejime

inklui pensaun ba ferik-katuas, invalidés no sobrevivénsia, benefísiu maternidade/paternidade/adosaun no asidente traballu.

Rejime Tranzitóriu Seguransa Sosiál (Lei n.o 6/2012, husi lora 29 fulan febreiru) hanesan medida temporáriu, ne'ebé estabelese enkuantu rejime jerál seguransa sosiál seidauk hahú funsiona. Nia objetivu mak substitui rendimentu funsionáriu públiku sira-nian, iha situasaun ferik-katuas, invalidés no mate, no fó pensaun ne'ebé proporsionál ba rendimentu no tempu servisu traballadór nian. Bainhira Rejime Jerál Kontributivu Seguransa Sosiál nian foun tama iha vigór, rejime tranzitóriu remata nia atribuisaun direitu foun, no integra iha rejime foun ne'e, laho prejuizu manutensaun direitu ne'ebé adkiridu ona no direitu ne'ebé forma hela husi benefisiáriu rejime tranzitóriu nian.

1.4.2 Naun Kontributivu

Subsídiu Apoiu ba Ferik-katuas no Inválidu (SAIL) (Dekretu-Lei n.o 19/2008, husi lora 19 fulan juñu) ho natureza naun kontributivu. SAIL dirije ba públiku-alvu rua: (i) sidadaun sira ho idade hanesan, ka liu, tinan 60 no (ii) sidadaun sira ho idade hanesan, ka boot liu, tinan 18 no ho inkapasidade atu servisu. Programa hakarak asegura asesu ba rendimentu mínimu ida ba sidadaun ne'ebé seidauk inklui iha tipu pensaun seluk saida de'it ba ferik-katuas ka invalidés.

Programa **Bolsa da Mãe** (Dekretu-Lei n.o 18/2012, husi lora 4 fulan abril) harii ho objetivu atu fó apoiu ba família vulnerável liu ho labarik, liuhusi prestasaun monetária ida, kondisionál ba kumprimentu kondisaun sira ne'ebé relasiona ho dezenvolvimentu kapitál umanu labarik sira-nian. Kritériu vulnerabilidade inklui variável tuirmai: (i) rendimentu anuál per kapita, haree ba eskalaun rendimentu ne'ebé la hanesan; (ii) labarik na'in hira; (iii) família monoparental ka la'e; (iv) bainhira iha labarik ho defisiénsia, ponderasaun labele hanesan karik iha labarik ho defisiénsia ida, rua ka liu. Kondisionalidade sira define katak, atu família sira mantein direitu ba prestasaun, labarik husi tinan 6 to'o tinan 17 tenke matrikuladu no tenke frekuenta eskola, no labarik ho idade entre tinan 0 no tinan 6 tenke simu imunizasaun obrigatóriu no, tinan-tinan, realiza "check-up" médiku tinan-tinan dalarua. Programa fó ona prestasaun monetária USD 5 ba labarik idaidak fulan-fulan, to'o labarik na'in tolu, ho valór másimu USD 15 ba agregadu familiár ida ho labarik.

Apoiu Sosiál ba Indivíduu no Família iha Sirkunstánsia harii nu'udar apoiu ida ba indivíduu ka família sira ne'ebé hasoru situasaun vulnerabilidade temporáriu estremu no ne'ebé la abranje iha programa protesaun sosiál sira seluk. Apoju ida-ne'e funsiona hanesan resposta emerjénsia ida, ne'ebé oferese prestasaun monetária ida ne'ebé buka rezolve ka hakmaan problema ho maneira imediatu. Prestasaun pekuniária únika ne'ebé varia entre USD 200 no USD 500, bazeia ba avaliasaun vulnerabilidade ne'ebé tékniku sosiál ida realiza.

Programa apoiu ba **Rekuperasaun Vítima Dezastre Natural no Konflitu Sosiál** mak apoiu ba ema no agregadu familiar ne'ebé afetadu husi dezastre natural hodi hatán ba nesesidade imediatu no mitiga sasán ne'ebé lakon no danu materiál sira. Apoju ida-ne'e inklui apoiu monetáriu úniku ne'ebé varia entre USD 150 to'o USD 368 ba kustus maun-de-obra no materiál, nomós apoiu en espésie, ne'ebé inklui materiál konstrusaun nesesáriu hodi harii fila-fali hela-fatin, no beins alimentar no item báziku sira seluk ba uma-laran. Iha okaziaun balun, hanesan bailoron, fahe mós fós iha rejiaun afetadu atu prevene hamlaha.

Programa **Labarik ne'ebé iha Konflitu ho Lei** nia objetivu mak fó apoiu ba reintegrasaun labarik no foin-sa'e ne'ebé iha konflitu ho lei, oferese ajuda hodi halo investimentu ba labarik nia bein-estár, ka hodi apoiu foin-sa'e hahú frekuenta programa formasaun vokasionál. Intervensaun, ne'ebé direksiona ba labarik sira ho idade entre tinan 9 no tinan 13, tékniku sosiál sira mak realiza direktamente ho labarik nia família, no tékniku ida-ne'e ajuda família elabora planu ida kona-ba labarik nia bein-estár no dezenvolvimentu. Programa mós fó apoiu ba foin-sa'e ho idade entre tinan 14 no tinan 21 iha momento sira sai husi sentru detensaun, hafoin kumpre pena prizaun efetivu. Programa ida-ne'e atribui prestasaun monetária únika ida ne'ebé varia entre USD 100 no USD 200, bazeia ba avaliasaun vulnerabilidade ne'ebé tékniku sosiál ida realiza.

Programa **Apoju ba Vítima Violénsia Doméstika no Violénsia ne'ebé Bazeia ba Jéneru** fó apoiu monetáriu no en espésie ba fetu no labarik sira ne'ebé vítima ka sobrevivente husi violénsia doméstika no violénsia ne'ebé bazeia ba jéneru atu permite sira reestruturá sira-nia moris dook husi agresór sira. Apoju monetáriu varia entre USD 50 no USD 1500 depende husi tipu kazu: (i) USD 50 ba nesesidade imediatu fetu no labarik ne'ebé sira haree; (ii) USD 100 bainhira remata prosesu legál sira hodi fasilita reintegrasaun iha Komunidade; (iii) to'o USD 100 ba vítima nia transporte durante prosedimentu legál; (iv) to'o USD 300 ba fetu sira ne'ebé parseiru sira abandona tiha no; (v) to'o USD 1500 ba prosesu legál

longa durasaun. Apoiu en espésie atribui liuhusi: (i) akompañamentu psikolójiku no akonsellamentu; (ii) uma-mahon ba feto ne'ebé hasoru risku kontínuu no ne'ebé laiha opsaun seluk no; (iii) apoiu jurídiku.

Programa **Reinsersaun Sosiál Prizoneiru** sira (Dekretu-Lei n.º 14/2014) oferece apoiu ba mane, feto no foin-sa'e ne'ebé servisu prizonál tutela no eis-prizoneiru vulnerável ne'ebé kumpre ona sira-nia pena prizaun. Programa hakarak fasilita ema hirak-ne'e sira-nia reintegrasaun iha familia no iha Komuidade, hadia sira-nia abilitasaun profissionál no fó apoiu ba subsisténsia durante semana sira dahuluk liberdade nian. Programa atribui: (i) prestasaun pekuniária únika ida ho valór USD 120 atu prizoneiru nia familia bele realiza vizita anual ida; (ii) prestasaun pekuniária únika ho valór USD 350, bainhira remata kumpre pena; (iii) prestasaun pekuniária únika ba transporte hodi fila ba nia munisípiu rasik, ho valór variável, tuir distánsia ne'ebé presiza lao. Programa oferece mós servisu lubuk ida ne'ebé relasiona ho kapasitasaun profisionál iha área oioin no akompañamentu psikolójiku no sosiál.

Servisu Funeráriu (Dekretu-Lei n.º 21/2009, husi loron 6 fulan maiu) fó apoiu ba familia matebian, liuhusi fornimentu transporte funeráriu husi mortuáriu bá to'o iha familia nia uma, husi uma bá to'o iha Igreja, no husi Igreja bá to'o iha rate.

Interesa hatudu katak iha tan programa seluk ne'ebé servisu sosiál sira oferece ho apoiu indiretu husi Estadu. Apoiu sira-ne'e fó ba Instituisaun Solidariedade Sosiál sira ne'ebé presta servisu ba ema iha situasaun kiak no grupu vulnerável sira, hanesan "street children", oan kiak, feto no labarik vítima violénsia no abuzu, labarik no foin-sa'e kiak, ferik-katuas, eis-kombatentes da Libertasaun Nasionál no ema ho defisiénsia.

1.4.3 Asesu ba Servisu Edukasaun no Saúde

Provizaun servisu edukasaun no saúde nian mak hamenus barreira ba sidadaun sira-nia asesu ba servisu esensial sira. Porezemplu, servisu sira-ne'e nia provizaun efetua liuhusi subsidiu ka apoiu ba transporte, no garante mósasesu husi ema ne'ebé vulneravel liu. Iha Timor-Leste, prinsipál servisu edukasaun, formasaun no saúde universal no gratuitu.

Programa **Merenda Eskolár** dezenvolve ho objetivu atu hadia labarik sira-nia nutrisaun no insentiva sira-nia partisipasaun iha edukasaun pré-eskolár no iha ensinu báziku, promove prosesu ensinu no aprendizajen. Eskola públuku no privadu partisipa iha programa, no permite katak labarik idaidak simu refeisaun ida durante oras ne'ebé sira iha eskola.

Eskola idaidak simu USD 0.25 ba labarik idaidak ba kada loron iha eskola. Programa mós prevee fahe fós ba eskola ensinu báziku idaidak. Benefísiu ne'e fô indiretamente ba labarik liuhusi jestór eskola nian, ne'ebé jere orsamentu hamutuk ho Asosiasaun Inan-Aman no Profesór sira-nian, hodi bele fornese merenda eskolar loron-loron nian.

Bolsa Estudu ba Antigos Combatentes da Libertasaun Nasionál sira-nia oan (Dekretu-Lei n.º 8/2009, husi loron 15 fulan janeiru) kria hodi fô apoiu ba Combatentes no Mártires da Libertasaun Nasionál sira-nia oan atu bele asesu ba edukasaun, no finansia kustu edukasaun hahú husi Ensinu Báziku to'o iha Ensinu Superiór Universitáriu no Tékniku.

Programa **Kuidadu Esensiál ba Bebé ne'ebé Foin Moris** dirije ba labarik sira ne'ebé foin moris, no oferese pakote servisu ida ne'ebé hakarak hamenus mortalidade iha fulan sira dahuluk moris nian. Inklui iha pakote ne'e imunizasaun ba inan no bebé, kuidadu médiku pré-natal no pós-partu, akonsellamentu kona-ba fô susuben inan-nian no nutrisaun bebé nian. Benefísiu hirak-ne'e entrega direktamente ba inan durante konsulta médika no durante vizita domisiliária ne'ebé realiza husi programa atendimentu ba família.

Programa **Hamenu Mortalidade Infantil** dezenvolve hodi habelar kobertura no mantein qualidade servisu preventivu no kurativu ba primeira infânsia, hodi hamenus mortalidade infantil. Programa fornese benefísiu en jéneru lubuk ida, ne'ebé inklui vitamina no ai-moruk atu kombate parazita. Benefísiu hirak-ne'e entrega liuhusi programa Saúde ba Família, ne'ebé realiza atendimentu domisiliáriu iha Komunidade sira.

Programa **Nutrisaun ba Labarik** sira nia objetivu prinsipal mak hamenus insidénsia kona-ba defisiénsia mikronutriente sira ne'ebé relasiona ho labarik sira-nia má-nutrisaun. Garante direktamente ba família sira asesu ba servisu lubuk ida liuhusi konsulta médika ka liuhusi Programa Saúde ba Família ka SISCA.

Programa **Paciente Vulnerável** oferese apoiu finanseiru ba família paciente vulnerável atu familiar sira bele akompañá paciente durante períodu internamentu iha ospitál ka iha sentru saúde (bainhira paciente no família hela iha fatin ne'ebé la hanesan fatin ne'ebé realiza atendimentu saúde). Apoiu ne'e hakarak evita família vulnerável sira iha gastu boot liu hodi akompañá paciente durante tratamentu ka bainhira kazu moras terminál, no oferese apoiu finanseiru hodi hatán ba despeza transporte no alimentasaun nian, nomós ajuda iha paciente nia rekuperasaun hafoin sai husi sentru saúde ka ospitál.

Servisu sira husi **Sistema Nasionál Saúde** públiku saúde nian gratuitu ba sidadaun hotu-hotu iha unidade saúde públika sira-nian. Iha tinan 2017, iha ona ospital 6, postu saúde 192, sentru komunitáriu saúde nian 92 no maternidade 43, iha Timor-Leste, no iha fatin hirak-ne'e profesionál saúde 1,535 servisu ona (médiku, enfermeiru no parteira sira). Servisu sira ne'ebé oferese inklui saúde bázika, espesializada no emerjénsia, inklui fó ai-moruk no realiza ezame fiziku no laboratoríal.

Programa Servisu Integradu Saúde Komunitária (SISCA) hakarak hakbesik servisu asisténsia saúde nian ba comunidade sira, liuhusi "pakote báziku" ida ne'ebé fulan-fulan lori ba Suku idaidak. Atendimentu preparadu hanesan "feira" kiik ida saúde nian, hanesan fatin iha ne'ebé vizitante bele iha asesu ba servisu saúde oioin iha fatin ida de'it, no hanesan ne'e evita deslokasaun ba sentru saúde ka ospital ne'ebé dook liu. Iha asaun ne'ebé realiza, fornese servisu asisténsia saúde jeral ba comunidade sira, inklui konsulta médika no edukasaun kona-ba saúde no ijene, no fó atensaun liu ba labarik ho idade to'o tinan 5, feto isin-rua, adolexente iha idade reprodutivu, ferik-katuas no ema ho defisiénsia. Ba grupu hirak-ne'e oferese servisu oioin, mak hanesan rejistu naximentu, avaliasaun nutrisiónal no edukasaun kona-ba kuidadu saúde sira-nian.

Programa **Saúde iha Família** realiza vizita domisiliáriu hodi habelar servisu saúde sira-nia alkanse, identifika kondisaun saúde família idaidak nian no fatór risku, no oferese atendimentu preventivu no kurativu, inklui fó ai-moruk no suplementu alimentár. Servisu ne'e mós iha komponente edukativu ne'ebé forte no hakarak kontribui hodi harii baze dadus rejistu úniku nian ba atendimentu saúde iha nivel hotu-hotu.

Programa **Tratamentu Saúde ba Kombatentes da Libertasaun Nasionál** finansia realizasaun tratamentu médiku iha rai liur (Indonézia, Malázia no Singapura) ba Kombatentes da Libertasaun Nasionál, ba kazu sira ne'ebé labele hetan tratamentu iha rai laran.

Programa **Imunizasaun** oferese ba labarik sira konjuntu vasina báziku ida (ba tuberkuloze, sarampu, poliomielite, tétanus, difteria, epatite B, Haemophilus Influenzae tipu B no pertussis) ba tinan sira dahuluk moris nian. Vasina distribui direktamente iha unidade saúde públika sira, nomós liuhusi programa SISCA.

1.5 Rezultadu Prinsipál


Maski iha ona kompromisu klaru ba protesaun sosiál iha Timor-Leste, programa protesaun sosiál sira-nian seidauk lao ho maneira ne'ebé integrada no eficiente, no progresu ne'ebé alkansa ona refleto situasaun ne'e.

1.5.1 Kobertura Efetiva

Iha Timor-Leste kobertura efetiva³² husi programa protesaun sosiál sira-nian hatudu variasaun signifikativu entre programa sira, hanesan Imajen iha kraik hatudu. Iha programa balun ho kobertura kuaze universal, hanesan SAIL ba ferik-katuas, nomós iha programa seluk ne'ebé abranje proporsaan boot husi populasaaun alvu, hanesan programa asesu ba saúde SISCA ho 70%. Maibé, iha nafatin programa protesaun sosiál ho kobertura kiik liu, hanesan maioria programa asisténsia sosiál sira-nian.

Imajen 2:

Kobertura efetivu kona-ba programa Protesaan Sosiál sira-nian iha Timor-Leste



Fonte: MSS/OIT/ONU (2018), *Desafios e Recomendações para a Extensão da Proteção Social a Todos em Timor-Leste: Relatório do Diálogo Nacional Baseado na Avaliação*, OIT: Dili.

³² Persentajen ema ne'ebé sistema protesaun sosiál abranje duni, inklui Pizu Protesaan Sosiál, ne'e katak, populasaaun ne'ebe abranje tuir presentajen ninia grupu populasaun alvu. Sukat kobertura efetiva permite halo monitorizasaun ba indikador 1.3.1 husi Objektivu Dezenvolvimentu Sustentável 'persentajen populasaaun husi pizu/sistema sira Protesaan Sosiál, tuir seksu, hatudu diferensa kona-ba labarik sira, ema dezempregadu, ferik-katuas, ema ho defisiénsia, feto sira isin-rua, bebé foin moris, vitima husi asidente traballu no ema kiak no vulnerável'.

Estimativa husi Banku Mundiál³³ ba tinan 2019 hatudu katak kobertura³⁴ ba programa Bolsa da Mãe abranje maizoumenus 29% populasaun ho rendimentu kiik liu, maibé la abranje maioria populasaun ne'ebé kiak liu. Nomós, análise kona-ba distribuisaun benefisiáriu atuál husi programa tuir kintil rendimentu nian³⁵ hatudu katak benefisiáriu 33% mak iha 20% husi rendimentu ne'ebé kiik liu (kintil dahuluk), 25% iha kintil daruak, 22% iha kintil datoluk no 14% iha kintil rendimentu ne'ebé boot liu (kintil dalimak).

Krize COVID-19 hatudu importánsia hodi kontinua nafatin investe iha Protesaun Sosiál no iha asesu universál ba saúde hodi proteje saúde, empregu no indivíduu sira-nia rendimentu, no hatudu mós protesaus nia fragilidade no lakuna sira. Iha kontestu ida-ne'e, populasaun vulnerável liu mak risku liu ba krize nia konsekuénsia sira. Hanesan mós nasaun sira seluk, Timor-Leste mós introdús medida temporária protesaus sosiál balun hodi hatán ba impaktu krize nian³⁶.

1.5.2 Prestasaun Sira-nia Adekuasaun

Aleinde nia kobertura, abranjénsia no adekuasaun protesaus sosiál nian fundamentál hodi atinji ODS1 kona-ba halakon kiak. Timor-Leste kontinua hasoru dezafiu hodi garante protesaus ida ne'ebé kompletu no adekuaudu.

Nível prestasaun monetária tenke suficiente atu bele garante pelumenus nível bein-estár mínimu ida, ne'ebé depende, laos de'it husi nível rendimentu, maibé mós husi asesu ba benefisiu sosiál no servisu públiku sira seluk³⁷.

Rejime jerál seguransa sosiál nian oferese prestasaun balun ho montante ne'ebé relasiona ho saláriu no ho tempu kontribuisaun. Bainhira kompara ho esperiénsia internasionál, fórmula káلكulu ba prestasaun, agora daudaun, nia rezultadu mak prestasaun ida ne'ebé jenerozu. Pensaun ba ferik-katuas, invalidés no sobrevivénsia hakarak taxa substituisaun 100% husi rendimentu seguradu. Porezemplu, pensaun ba ferik-katuas, defisiénsia no sobrevivénsia, Konvensaun N.o

33 Banku Mundiál (atu publika), Revisão da Protesaun Sosiál em Timor-Leste, Banco Mundial: Dili.

34 Persentajen populasaun benefisiária (benefisiáriu diretu no indiretu) husi total populasaun ne'ebé programa abranje.

35 Tuir estatística sira kona-ba rendimentu, ita uza kintil sira hodi hatudu oinsá mak fahe rendimentu ba populasaun lubuk ida k aba sub-grupu populasaun, iha kazu ne'e, benefisiáriu programa Bolsa da Mãe nian. Ne'e duni, populasaun ka sub-grupu populasaun fahe ba parte lima ne'ebé hanesan tuir nível rendimentu sira: kintil dahuluk inklui 1/5 dahuluk populasaun nian tuir eskala rendimentu sira (ne'e katak, 20% populasaun ho rendimentu kiik liu); kintil daruak korresponde ba 1/5 daruak (husi 20% to'o 40%), nst; kintil dalimak representa 20% populasaun ho rendimentu aas liu.

36 Haree REuniaun Konsellu Ministrus iha loran 24 fulan Marsu tinan 2021 iha <http://Timor-leste.gov.tl/?p=27350&lang-pt>

37 Aneksu III – Rekizitu mínimu norma sira OIT nian kona-ba Protesaun Sosiál - Relatóriu Mundiál kona-ba Protesaun Sosiál OIT nian 2017-19 estabelese mós mínimu sira seluk ba benefisiu ho tipu oioin. Relatóriu ida-ne'e disponivel iha: https://www.ilo.org/wcmsp5/groups/public/---europe/---ro-geneva/---ilo-lisbon/documents/publication/wcms_698042.pdf

128 OIT no Rekomendasaun N.º 131 estabeselese katak benefisiu nia nível tenke korresponde ba pelumenus 40% husi saláriu referénsia, no konsidera katak montante tenke hetan atualizasaun atu akompaña nível remunerasaun jerál no/ka kustu moris nia alterasaun sira. Maibé, rejime jerál seguransa sosiál nian seidak abranje eventualidade sira hotu ne'ebé garante protesaun durante moris tomak nian.


Iha ámbitu sistema naun kontributivu, SAll no programa Bolsa da Mãe iha nível prestasaun fíksu. Imajen 3 hatudu prestasaun hirak-ne'e sira-nia adekuasaun haree ba indikador ekonómiku oioin. Kona-ba SAll, prestasaun ida-ne'e representa maizoumenus 65% husi liña nasional kona-ba kiak nian, maizoumenus 8% husi konsumu médiu agregadu familiar sira-nian no 17% husi konsumu médiu agregadu familiar sira-ne'ebé mak kiak liu, no destaka prestasaun ida-ne'e nia potenciál hodi kontribui ho maneira significativa hodi hadia populasaun vulnerável liu nia nível bein-estár. Maibé, valór prestasaun la hetan evolusaun tuir poder de kompra, no nafatin konstante desde 2010.

Haree ba programa Bolsa da Mãe, prestasaun representa frasaun kiik ida kompara ho maioria indikádor sira ne'ebé uza hodi halo komparasaun. Representa deit 22% liña nasional kona-ba kiak nian, 3% konsumu médiu agregadu familiar nian no 6% konsumu médiu agregadu familiar ne'ebé mak kiak liu. Montante husi benefisiu ida-ne'e nafatin dook husi rekomendasaun internasionál nian ne'ebé hatudu valór pelumenus 15% to'o 20% husi despeza per kapita³⁸. Aleinde ne'e, Rekomendasaun N.º 102 OIT nian hatudu mós mínimu ida kona-ba prestasaun ba família/labarik sira, no tenke kalkula valór benefisiu pelumenus 3% husi saláriu referénsia multiplika ba númeru labarik ne'ebé abranje; ka pelumenus 1,5% husi saláriu referénsia multiplika ba númeru labarik husi total populasaun rezidente.

³⁸ Banku Mundiál (2015). Nota de Política sobre a Avaliação da Estrutura do Programa Bolsa da Mãe: Análise Preliminar. BM: Díli. Disponível iha https://Sosiálprotection.org/sites/default/files/publications_files/Bolsa%20da%20Mae%20Policy%20Note_FINAL.pdf

Imajen 3:

SAll no Programa Bolsa da Mãe nia Adekuasaun



Fonte: Káalkulu husi OIT/MSSI bazeja ba fonte dadus tuirmai ne'e: Kontas Nasionál 2000-2019 hodi obtain PIB per kapita naun petrolíferu; Inkéritu kona-ba Padraun Moris iha tinan 2014 iha Timor-Leste ba liña nasional kona-ba kiak nian (USD 46,37 per kapita mensál) no internasionál (USD 40,45 per kapita mensál), konsumu médiu mensál (USD 60 per kapita, USD 30,3 per kapita husi 20% ema kiak liu no USD 360 ba agregadu familiar); Inkéritu kona-ba Forsa Traballu iha tinan 2013 hodi asesu ba saláriu médiu mensál (USD 530) no; Saláriu minimu Nasionál (USD 115).

1.5.3 Investimentu iha Protesaun Sosiál

Tuir análize ne'ebé MSS/OIT/ONU (2018) halo kona-ba programa protesauun sosiál sira, ne'ebé refere iha seksaun molok ida-ne'e nian, sura hamutuk investimentu ida besik millaun dólar amerikanu 212 iha tinan 2015, ne'ebé ekivale ba 15,5% husi PIB naun petrolíferu ka 8% husi PIB petrolíferu³⁹. Ida-ne'e mós reprezenta investimentu médiu ida USD 179,45 per kapita.

Rekursu sira ne'ebé investe ona hatudu variasaun signifikativu tuir grupu etáriu, tuir fonte ne'ebé temi tiha ona. Rekursu hirak-ne'e konsentra loos ba populasauun ne'ebé idade boot liu, tanba grupu ida-ne'e mak baibain lakon nia kapasidade traballu, no ida-ne'e hamenus sira-nia potensial hodi hetan rendimentu, tan ne'e iha nesesidade hodi garante seguransa rendimentu sira-nian. Rekursu sira ba infánsia dahuluk kiik liu, bainhira

³⁹ Grupu traballu tékniku, ne'ebé prevee harii iha âmbito Estratêja ida-ne'e nian, sei atualiza estimativa hirak-ne'e.

ita konsidera katak investimentu iha faze ida ne'e mak kria retornu boot liu durante kuaze idade ativa tomak. Maski aumenta uituan durante idade eskolár, rekursu hirak-ne'e tun fila fali durante kuaze idade ativa tomak. Solusaun laos hamenus investimentu ba ferik-katuas, maibé reforsa rekursu diresonadu ba labarik sira.

Maski presiza halo atualizasaun dadus nian kona-ba despeza pública ba protesaun sosiál, iha ona possibilidade hodi halo análise badak kona-ba evolusaun Orsamentu Jerál Estadu nian (OJE) ba setor sosiál sira (Imajen 4), no hatudu oinsá mak rekursu nasionál sira diresona ba setór oioin.

Kona-ba MSSI, despeza ho veteranu sira mak impulsu prinsipal hodi aumenta orsamentu entre tinan 2010 no tinan 2017, despeza hirak ne'e representa média 62% husi total orsamentu ba período ida ne'ebá⁴⁰. Iha tinan 2018, Ministériu ba Asuntu Kombatentes da Libertasaun Nasionál (MACLN) harii ona no, hanesan ne'e, nia la integra ona orsamentu MSSI. MSSI nia orsamentu sae husi maizoumenus dólar millaun 53, iha tinan 2018, ba dólar millaun 65,6, iha tinan 2021, no aumentu ne'e representa akréximu nominál 24% iha período ne'ebé konsidera.

MS no ME nia orsamentu aumenta maizoumenus 51%, entre tinan 2010 no tinan 2021, maski hasoru variasaun iha período ne'ebé ita analiza. Orsamentu MS nian aumenta husi dólar millaun 37,5, iha tinan 2010, ba dólar millaun 56,7, iha tinan 2021. Importante hatudu katak orsamentu, ne'ebé aprova ba setór rua ne'e, atinje sira-ninia montante másimu iha tinan 2016 ba MS (dólar millaun 103,2) no iha tinan 2014 ba iha ME (dólar millaun 116,3).


Iha parte seluk, SEFOPE nia orsamentu tuun, entre tinan 2010 no tinan 2021, maski ho variasaun signifkativu iha período ne'ebé refere. Iha tinan 2021, orsamentu ne'ebé aprova mak dólar millaun 5,9, kiik liu duké orsamentu dólar millaun 10 iha tinan 2010. SEFOPE nia orsamentu másimu ne'ebé aprova ona mak dólar millaun 22,2 iha tinan 2012.

Enkuantu ne'e, orsamentu ba investimentu iha infraestrutur sira aas tebetebes tinan ba tinan, no situasaun ne'e reflète prioridade nasionál prinsipál ida durante tinan hirak ikus mai. Fundu Infraestrutur sira-nian iha aumentu ida 36%, entre tinan 2010 no tinan 2021, maski hetan variasaun signifkativu iha período ne'e.

⁴⁰ Ministériu ba Asuntus Kombatentes Libertasaun Nasionál harii iha tinan 2018 no hahú la integra ona orsamentu Ministériu Solidariedade Sosiál. Ba efeitu komparativu, parsela ba veteranu sira entre 2010 no 2017 hasai tiha ona.

Imajen 4:

Orsamentu Jerál Estadu nia Evolusaun, item selesionadu, ho millaunUSD, tinan 2010-2021



Fonte: Orsamentu Jerál Estadu tinan 2010-2021 bazeia ba dadu disponivel iha Portal Transparénsia Timor-Leste nian <http://www.budgettransparency.gov.tl/public/index>


Nota: (1) Orsamentu ne'ebé refere ba Infraestruturura inklui de'it montante orsamentu ne'ebé aprova iha âmbito hsui Fundu Infraestruturura sira-nian; (2) Orsamentu MSS

Maibé, importante hatudu katak, tuir proporsaun ho orsamentu total nasionál, orsamentu ba setór sosiál no infraestruturura, , tuun entre tinan 2010 no tinan 2021. Iha tinan 2021, orsamentu MSSl nian korresponde ba 3% husi orsamentu total nasionál, pontu persentuál 9 kiik liu⁴¹ husi orsamentu ne'ebé aprova iha tinan 2010. Iha tinan 2021, orsamentu MS nian representa 3% husi orsamentu total nasionál, pontu persentual 1 kiik liu bainhira kompara ho valór iha tinan 2010. Orsamentu ME nian representa 5% husi total nasionál, pontu persentuál 3 menus liu duké iha tinan 2010. Orsamentu ba infraestruturura, tuir persentajen husi total orsamentu Estadu nian, tuun makaas (pontu persentuál 11), entre tinan 2010 no tinan 2021, maski kontinua nafatin representa parsela signifikativu ida husi total orsamentu iha tinan 2021 (14%) bainhira ita halo komparaun ho setór sosiál ne'ebé la liu 5%.

41 Ka pontu percentual 3 menus liu kompara ho 2010, la inklui orsamentu ba veteranu sira entre tinan 2010 no 2017.

Imajen 5:

Orsamentu Jerál Estadu nian, item selesionadu, tuir persentajen total nasionál (%), tinan 2010-2021




Fonte: Orsamentu Jerál Estadu nian ba tinan 2010-2021 bazeia ba dadu disponivel iha Portál Transparénsia Timor-Leste nian <http://www.budgettransparency.gov.tl/public/index>

Bainhira ita halo análize, liuhusi perspetiva seluk, orsamentu nia evolusaun iha setór sosiál tuir persentajen PIB nian (Imajen 5) hatudu mós tendénsia dekrexente ida iha períodu ne'ebé analiza, no akompaña ritmu dekrexente orsamentu total nasionál nian. Iha tinan 2021, orsamentu ne'ebé aprova ba MSSl no ba MS korresponde ba 2% PIB naun petrolíferu nian, no ne'e signífika tuun persentuál pontu 10⁴² no pontu persentuál 2 kompara ho tinan 2010 nian, respetivamente. Orsamentu ne'ebé aprova iha tinan 2021 ba ME representa 8% PIB naun petrolíferu nian, ne'e katak, pontu persentuál 4 menus liu duké iha tinan 2010. Ba SEFOPE, orsamentu ba tinan 2021 korresponde de'it ba 0,2% PIB naun petrolíferu nian (kompara ho 1% iha tinan 2010). Ikus liu, orsamentu infraestrutura tuir proporsaan PIB nian mós tuun (pontu persentuál 12), maibé iha nafatin pezu signifikativu ida, no representa 11% husi PIB naun petrolíferu.

42 Ka tuun husi pontu persentuál 4 kompara ho 2010 karik halo análize la inklui orsamentu ne'ebé aloka ba veteranu sira.

Imajen 6:

Orsamentu Jerál Estadu nian, item selesionadu, ho persentajen PIB naun petrolíferu (%), ba tinan 2010-2021



Fonte: Kálkulu sira ne'e bazeia ba Orsamentu Jerál Estadu nian ba tinan 2010-2021 (dadu sira disponivel iha Portal Transparénsia Timor-Leste nian <http://www.budgettransparency.gov.tl/public/index>) no PIB naun petrolíferu bazeia ba Kontas Nasionál ba tinan 2000-2019 no estimativa FMI nian ba tinan 2020 no 2021.



Kapítulu 2

Estratéjia Nasionál ba Protesaun Sosiál tinan 2021-2030

2.1 Introdusaun

ENPS hatuur iha kompromisu ne'ebé Timor-Leste asume, tinan ba tinan, hodi avansa vizaun protesausn sosiál nian ida ba dékada oin mai, ho orientasaun husi Rekomendasaun OIT nian husi tinan 2012 (N.o 202) kona-ba Pizu Protesausn Sosiál.

Planu Estratéjiku Dezenvolvimentu ba tinan 2011 – 2030

PED ba tinan 2011-2030 dezenvolve tiha nu'udar baze estratéjika ba dezenvolvimentu nasaun nian, no trasa objetivu no meta sira hodi hatán ba dezafiu ne'ebé Timor-Leste hasoru. PED rekoñese katak ema mak nasaun nia rikusoin boot liu, no katak hadia edukasaun, saúde no kualidade moris populasaun nian mak tenke husi foku dezenvolvimentu nasional.

PED prevee, iha kurtu prazu, apoiu kontínuu ba labarik, feto iha risku, ferik-katuas, ema ho defisiénsia no grupu vulnerável sira seluk, enkuantu harii kondisaun atu ema sira bele hetan autonomia boot liu no hamenus apoiu ne'ebé sira presiza husi Estadu.

Programa transferénsia sosiál monetária, liuliu SAIL no programa Bolsa da Mãe, mak ita haree hanesan rin prinsipal sistema protesausn sosiál nian, nomós hanesan elementu esensial hodi kontinua harii koezaun sosiál no hanesan apoiu ida ba sidadaun sira ne'ebé vulnerável liu.

PED rekoñese mós nesesidade hodi hasai barreira hosi asesu ba servisu no beins esensial sira, hanesan saúde, edukasaun no hela fatin, no estabelese katak medida sira ba fin hirak-ne'e tenke haree laos de'it ba dinámika demográfiku maibé tenke dedika atensaun espesial ida ba labarik sira-nia situasaun.

CPLP no Planu Asaun Tíbar nian

Tuir kuadru CPLP nian, iha fulan Abril tinan 2015, hamutuk ho nasaun membru sira seluk, tuir pontu 1.3 husi Planu Asaun Tíbar nian, Governu Timor-Leste asume kompromisu hodi haforsa “estratêjia nasional no/ka planu nasional dezvoltamentu sira hodi hamenus kiak no dezigualdade sosiál, liuhusi monitorizasaun no avaliasaun rezultadu sira-nian”⁴³, to'o iha tinan 2017.

Planu mós renova fali importánsia no nesesidade kompromisu husi nasaun membru CPLP nian hodi promove polítika sosiál, inklui estensaun protesau sosiál universal, no neneik-neneik, konkretiza pizu nasional protesau sosiál, tuir Rekomendasaun n.o 202 OIT nian.

Hahú husi kompromisu ida-ne'e, Governu Timor-Leste nian, liuhusi MSSI nia lideransa, no ho apoiu OIT nian, liuhusi projetu ACTION, hahú ona prosesu elaborasaun Estratêjia Nasionál ba Protesaun Sosiál Timor-Leste nian.

Pizu Protesaun Sosiál

Pizu Protesaun Sosiál sira (PPS) forma garantia sosiál bázika lubuk ida, ne'ebé hakarak garante katak sidadaun sira hotu iha asesu ba servisu báziku saúde nian no seguransa bázika rendimentu durante moris tomak. Molde sira ne'ebé uza hodi implementa PPS tenke dezvoltave no adapta tuir sirkunstánsia no realidade nasaun idak-idak nian.

Prosesu ne'ebé atinje elaborasaun ENPS nian hatuur iha prinsípiu orientadór ne'ebé hakarak abranje populasau tomak no hadia uituan-uituan nível benefísiu sira-nian, tuir nasaun nia possibilidade, hodi garante: (1) asesu ba servisu saúde báziku, inklui kuidadu maternu; (2) seguransa bázika rendimentu nian ba labarik sira, inklui asesu nutrisaun ida ne'ebé adekua, edukasaun, kuidadu sira no beins no servisu seluk ne'ebé nesesáriu; (3) seguransa bázika rendimentu nian ba ema iha idade ativa, no ne'ebé laiha rendimentu suficiente, liuliu ba kazu ema moras, dezempregu, maternidade no ema ho defisiénsia; no (4) seguransa bázika rendimentu ba ferik-katuas.

⁴³ Deklasau Tibar nian, aprovađu iha âmbito Reuniau Ministru Traballu no Asuntu Sosiál CPLP ba dala-13 ne'ebé akontese iha loraun 30 fulan abril to'o loraun 1 fulan maiu, iha Timor-Leste.

Objetivu Dezenvolvimentu Sustentável

ODS sira-nia meta ida mak "implementa, iha nível nasionál, medida no sistema protesaun sosiál sira ne'ebé adekua ba ema hotu, inklui Pizu Protesaun Sosiál, no to'o iha tinan 2030 atinje kobertura substansial ba ema kiak no ba ema ne'ebé vulnerável" (Meta 1.3). Entre prioridade sira, ne'ebé Governu Timor-Leste estabese, barak mak kontribui hodi alkansa objetivu ida-ne'e, no barak estabese tiha ona tuir PED – no harii husi rezultadu ne'ebé alkansa ona no atividade sira ne'ebé lao hela, nomós haforsa koerénsia no efisiénsia rekursu sira-nia utilizaun.

Iha tinan dalimak dahuluk, prioridade sei konsentra iha ODS 2 (halakon hamlaha), 3 (saúde), 4 (edukasaun), 5 (igualdade jéneru), 6 (bee no saneamentu) no 9 (infraestrutura), tuir PED nia objetivu sira, hodi aselera dezenvolvimentu umanu no hadia infraestrutura sira iha kurtu prazu. Faze daruak esforsu sira-nian ba ODS sei kontinua konsentra nafatin iha dezenvolvimentu umanu, maibé sei fó importánsia boot liu ba ODS 8 (kreximentu ekonómiku no empregu) no 12 (produsaun no konsumu sustentável).

Ikus liu, Governu hein katak esforsu sira, iha tinan 10 dahuluk nian, ne'ebé servisu ho ODS sei permite alkansa, iha faze asaun datoluk asaun sira-nian, halakon kiak (ODS 1), liuhusi hadia populasaun nia kondisaun moris, liuhusi ekonomia forte no diversifikadu. Ho maneira transversál, asaun hirak-ne'e sei kontribui hodi alkansa ODS 16 (dame no instituisaun efetivu). Governu forma grupu tekniku ida hodi kordena asaun nesesáriu .

2.2 Vizaun ba Tinan 2030

To'o iha tinan 2030, Timor-Leste hakarak halakon kiak, promove dame, garante asesu ba saúde, edukasaun no servisu esensiál sira seluk, garante kuidadu ne'ebé adekua ba labarik sira, ferik-katuas no ema ho defisiénsia, no proteje populasaun hodi hasoru risku sosiál no ekonómiku, no hanesan ne'e garante nível moris nian ida ne'ebé dignu ba sidadaun timoroan hotu-hotu.

2.3 Objektivu Sira

ENPS mak dokumentu estratéjiku dahuluk, ho modelu hanesan ida-ne'e nian, ne'ebé dezenvolve iha ita-nia nasaun. Estratéjia ne'e konsidera populasaun nia kondisaun moris, programa no enkuadramentu protesauun sosiál ne'ebé existe ona iha nasaun, hanesan mós kompromisu no responsabilidade sira ne'ebé Estadu Timór asume tiha ona hodi konkretiza vizaun ba Protesaun Sosiál iha Timor-Leste to'o iha tinan 2030.

Hodi garante katak estratéjia nia estrutura fásil atu komprende no atu analiza, ENPS estabeselese objetivu estratéjiku 3, no fahe ba sub-objetivu ne'ebé ita konsidera nu'udar área intervensaun prioritária.



Objetivu 1: Hamenus kiak

- 1.1:** Habelar apoiu ba grupu ne'ebé vulnerável liu;
- 1.2:** Hadia sistema transferénsia sosiál monetária;
- 1.3:** Aumenta Apoiu ba Nutrisaun;
- 1.4:** Fasilita Asesu ba Saúde no Edukasaun;
- 1.5:** Haforsa Prevensaun no resposta ba dezastre sira.



Objetivu 2: Hadia no habelar seguransa sosiál ba traballadór sira

- 2.1:** Dezenvolve sistema seguransa sosiál kontributivu;
- 2.2:** Dezenvolve Institutu Nasionál Seguransa Sosiál.



Objetivu 3: Dezenvolvimentu institusionál

- 3.1:** Kordena no integra programa sira;
- 3.2:** Kapasita rekursus umanus;
- 3.3:** Estabeselese sistema monitorizasaun no avaliasaun ida;
- 3.4:** Haforsa baze legal protesauun sosiál nian;
- 3.5:** Hadia finansiamentu no planeamentu orsamentál.

Hodi alkansa objetivu estratéjiku no no área intervensaun prioritária, ita identifika atividade prioritáriu, ne'ebé esensiál hodi materializa protesauun sosiál nia vizaun iha Timor-Leste. Estratéjia ida-ne'e tenke komplementa liuhusi Planu Implementasaun Anuál atu komplementa no spesífika ENPS nia atividade prioritáriu ho objetivu atu asegura ninia implementasaun eficiente no efikás.

Tuirmai, mak atividade prioritáriu ne'ebé organiza liuhusi objetivu ENPS nian atu konkretiza to'o iha tinan 2030.

2.3.1 Objektivu 1: Hamenus Kiak

Lubuk dahuluk atividade prioritáriu nia objetivu mak kontribui hodi hamenus kiak iha Timor-Leste. Hanesan ne'e, ita hakarak sidadaun timoroan hotu-hotu bele satisfás sira-nia nesesidade bázika iha faze idaidak moris nian, inklui individuú no família kiak no/ka sira-ne'ebé moris iha situasaun vulnerável liu no/ka ema ho nesesidade espesiál.

Haree ba kauza no kondisaun oioin ne'ebé bele hamosu kiak, protesaun sosiál bele dezempeña knaar fundamentál ida no bele intervein ho maneira oioin. Hanesan ne'e, objetivu hodi hamenus kiak fahe tan ba área prioritária lima.

2.3.1.1 Habelar Apoiu ba Grupu Sira Ne'ebé Vulnerável Liu

Risku sosioekonómiku bele hasoru mudansa durante ema nia moris tomak tanba sirkunstánsia balun ne'ebé individuú la konsege kontrola, bele hamosu risku kiak no vulnerabilidade boot ka kiik ba individuú no sira-nia família. Fatór risku balun bele afeta populasauñ lubuk balun ho maneira ne'ebé la proporsionál, hanesan fetó sira, ferik-katuas, labarik, ema ho defisiénsia, traballadór rural no foin-sa'e sira.

Iha Timor-Leste, iha ona programa protesaun sosiál ne'ebé espesífiku ba populasauñ lubuk balun hirak-ne'e. Ne'e inklui programa prevensauñ ka hodi hakman kiak, hanesan SAll ne'ebé abranje ferik-katuas no ema ho defisiénsia.

Maibé, iha nafatin limitasaun balun tanba iha difikuldade operasionál no/ka tanba valór prestasaun ne'ebé refere seidauk adekuaðu atu bele fó impaktu signifkativu ba benefisiáriu sira-nia nível kiak. Aleinde ne'e, kobertura protesaun sosiál nian ba ema vulnerável liu lubuk balun kontinua nafatin kiik, inklui porezemplu kobertura ba foin-sa'e no ba traballadór rural sira, tanba programa protesaun sosiál espesífiku ba grupu rua hirak-ne'e seidauk iha, ka iha uituan de'it.

Tuir kontestu, importante atu halo avaliasauñ ba polítika no programa sira ne'ebé iha ona no ne'ebé diresona ba grupo populasauñ oioin ne'ebé vulnerável liu, tuir insidénsia, adekusaun no impaktu potenciál. Esensiál atu garante katak polítika no programa protesaun sosiál sira-nian bele hatán ho maneira efetiva ba nesesidade partikular grupu idaidak nian no kontribui ho maneira efetiva hodi hamenus kiak. Ba kazu hirak-ne'ebé medida sira polítika nian identifika no reeve ona,

presiza hahú siran-nia implementasaun bainhira posível ona. Atividade prioritária iha área intervensaun ne'e enumera iha tabela tuirmai⁴⁴:

Tabela 2:

Atividade Prioritáriu hodi Habelar Apoiu ba Grupu Vulnerável sira

Nº	Deskrisaun ba Atividade
1.1.1	Avalia programa sira-nia insidénsia, adekuasaun no impaktu potenciál ba grupu sira ne'ebé vulnerável liu (inklui dezagregasaun tuir jéneru), nomós oportunidade sira hodi hadia efisiénsia no efikásia sistema protesauun sosiál nian.
1.1.2	Revé no aprova política nasional ba ema ho defisiénsia
1.1.3	Dezenvolve tabela ida kona-ba inkapasidade sira hodi bele iha padraun identifikasaun nian ba tipu no nível invalidés/inkapasidade.
1.1.4	Nakfila kobertura ba labarik sira ho defisiénsia ba universal, liuhusi programa Bolsa da Mãe, ho benefisiu ida ho montante hanesan ho ida ne'ebé SAll oferese.
1.1.5	Estabelese Konsellu Nasionál Integrasaun ba Ema ho Defisiénsia ho representasaun igualitária entre mane no feto.
1.1.6	Ratifika Konvensaun Internasionál kona-ba Direitu ba Ema ho Defisiénsia;
1.1.7	Avalia oinsá bele kria provizaun hodi apoiu traballador rural ne'ebé lakon sira-nia produsaun/kolleita.

2.3.1.2 Hadia Sistema Transferénsia sosiál Osan Nian

Protesaun sosiál nia programa prinsipal sira hodi prevene no kombatê kiak, iha Timor-Leste, mak transferénsia sosiál monetária ba individuu no família sira ne'ebé hasoru sirkunstánsia espesífiku no/ka fahe karakterístika balun.

Maibé, iha dezafiu ne'ebé relasiona ho programa sira-nia dezeñu no ho sira-nia implementasaun ne'ebé limita alkanse ba ema hotu-hotu ne'ebé elejível. Ne'e duni, fundamentál halo ajustamentu no/ka reformulasaun ba aspetu balun husi medida sira-nia dezeñu no prosedimentu operasionál hodi garante katak transferénsia sosiál bele identifika, selesiona, rejista no entrega benefisiu ba benefisiáriu potenciál sira hotu husi grupu alvu oioin ho maneira ne'ebé efikás no eficiente no, hanesan ne'e, hamosu efeito hodi prevene no hamenus kiak.

Adekuasaun Husi Benefisiu sira-nia Valór

Valór husi benefisiu sira ne'ebé programa oioin oferese la hanesan. Maski iha programa ne'ebé oferese benefisiu jenerozu (hanesan sira

⁴⁴ Aneksu I apresenta lista completa kona-ba atividade sira prioritária tuir Objétivu Estratêjiku sira no ba área intervensaun sira hotu ENPS nian, no indika iha sá tinan mak presiza implementa atividade.

ne'ebé relasiona ho Rejime Pensaun ba Kombatientes no Mártires da Libertasaun Nasionál), benefisiu sira seluk reprezenta de'it kontributu kiiik ida ba rendimentu médiu familiár no, tan ne'e, la prodús impaktu boot natoon ba benefisiáriu sira-nia kondisaun moris. Ita mós bele observa situasaun ne'e iha programa sira ho natureza universál. Ita presiza ajusta benefisiu sira-nia valór atu sir bele iha duni impaktu nesesáriu iha benefisiáriu sira-nia moris no hodi hamenus kiak nasionál.

Agora daudaun laiha mekanizmu ida hodi garante benefisiáriu sira-nia poder de kompra tuir tempu. Ba kazu sira ne'ebé iha ona, ita haree katak mekanizmu sira iha ligasaun ho valór saláriu mínimu funsaun públika nian, no ida-ne'e la permite kontrolu adekuadu ida ba valór real no, aleinde ne'e, tinan barak ona saláriu mínimu seidak hetan alterasaun. Auzénsia husi mekanizmu ajustamentu nian ida halo benefisiu sira-nia valór hanesan nafatin tinan-ba-tinan no, iha prática, hamenus valór real benefisiu nian ba beibeik no, hanesan konsekuénsia, hamenus benefisiu nia efetividade. Importante ita estabelese mekanizmu indeksasaun ba benefisiu sira-nia valór, ne'ebé konsidera mudansa ba kustu moris nian, ekonomia nia komportamentu, no fatór sira seluk, hodi permite atribui transferénsia sosiál ho maneira ne'ebé justu no eficiente liu.

Hadia Prosesu Identifikasaun, Selesaun no Inskrisaun Benefisiáriu sira-nian

Prosesu identifikasaun, rekolla dadus, selesaun no inskrisaun benefisiáriu sira kompleksu tuir ninia natureza rasik, liuliu iha kontestu atuál tanba seidak iha númeru identifikasaun úniku no rejistu sosiál ba populasaun tomak

Governu Timor-Leste foin lalais reafirma nia kompromisu kona-ba dezvoltamentu ID úniku ida ba sidadaun timoroan sira nu'udar elementu sentral ba reforma administrasaun públika nian, ho objetivu atu hadia sidadaun nia asesu ba servisu públiku oioin no hamenus fraude identidade no fraude finanseira. Ne'e mós sai hanesan baze ba governu eletróniku no tranzasaun dijital. ID úniku ne'e sei iha informasaun biográfiku no biométriku mínimu lubuk ida⁴⁵ ne'ebé bele uza hodi komprova identidade, inskrisaun iha servisu oioin, fasilita pagamentu no loke konta bankária. Ita hein katak ema millaun ida rejistu ona to'o iha tinan 2025 nia rohan. Iha kontestu ne'e, importante

⁴⁵ Informasaun biométrica, hanesan imajen oin nian, dadu impresau dijital no, karik possivel, dadus "iris" (matan laran), ba ema ho idade boot liu tinan 13, hodi kria singularidade individu sira-nian no fasilita identidade única ida nia autentikasaun segura.

hahú hanoin oinsá uza plataforma ne'e ba sistema protesauun sosiál, no hanesan ne'e hadia sistema ida-ne'e no evita fraude no duplikasaun.

Haree ba rekolla dadus, selesaun no rejistu, importante atu define no/ka reeve informasaun no kritériu ho maneira ida prezisa no objetiva ne'ebé permite foti desizaun no haketak kandidatu elejível no naun elejível ba programa oioin. Dala balun, tarefa ne'e hasoru problema prátiku nomós konsetuál. Haree ba nia sorin prátiku, iha dezafiu ne'ebé refere ba kuantidade traballu administrativu ne'ebé prezisa hodi identifika, rekolle informasaun no selesiona benefisiáriu sira, falta rekursus umanus no prosesu nia kustu ne'ebé aas no kleur, no dala barak liu la konsidera dezafiu hirak-ne'e bainhira uluk halo dezeńu programa sira-nian. Maioria prosedimentu sira aplika nafatin ho maneira manuál, inklui benefisiáriu sira-nia inskrisaun, ne'ebé konsiste iha rejistu benefisiáriu (ne'ebé antes konsidera ona nu'udar elejível) iha programa sira, luhusi tékniku nível sentral no/ka lokál nian. Sistema informasaun iha knaar ida esensiál hodi apoiu automatizasaun prosedimentu oioin, inklui rekolla no rejistu dadus no informasaun, prosesu sira-nia avaliasaun, determina elijibilidade no benefisiáriu sira-nia inskrisaun iha programa oioin. Maski relevante, sistema informasaun integradu sira-nia estabesimentu lao ho maneira gradual, maibé sei iha nafatin dalan naruk ba oin.

Husi sorin konsetuál, kestaun ne'ebé relasiona ho mekanizmu selesaun benefisiáriu sira-nian ne'ebé tenke aplika, fronteira ne'ebé uza hodi haketak ema sira ne'ebé moris iha kiak nia laran no ema ne'ebé moris ho kondisaun ne'ebé laos kiak, medida rendimentu família sira-nian atu uza iha merkadu traballu iha ne'ebé domina ekonomia informal, entre aspetu sira seluk, tenke define didiak molok avansa ho programa sira-nia implementasaun hodi garante ninia efikásia no efisiénsia.

Programa sira ne'ebé uza kritériu selesaun ba benefisiáriu sira, hanesan kritériu ida kona-ba kiak ka vulnerabilidade, karik dezeńa no aplika la di'ak, bele hasoru risku esklui ema kiak no vulnerável tan de'it individuus sira laiha maneira oinsá atu hatudu prova ba kritériu balun ne'ebé aplika ba sira. Iha Timor-Leste, populasauun liu 40% moris iha liña kona-ba kiak nian nia okos, ne'e duni di'ak liu, no potencialmente eficiente liu, monu ba risku inkluzauun duké la inklui ema barak ne'ebé prezisa apoiu, maibé laiha kapasidade atu hatudu prova.

Ne'e duni, sistema protesauun sosiál iha Timor-Leste, tuir possibilidade ne'ebé iha, sei fó priviléjiiu ba programa sira ho kobertura universál. Hanesan ne'e, haforsa sidadaun hotu-hotu nia direitu konstitusionál ba protesauun sosiál, no buka fó apoiu ba ema sira hotu ne'ebé prezisa

ajuda. Bainhira laiha possibilidade hodi introdús no/ka halo reforma ba benefísiu universal sira, programa sira sei fó prioridade ba ema kiak no vulnerável liu, no koko la inkui individu u sira ne'ebé la presiza no evita individu u hira-ne'e bele akumula benefísiu.

Mekanismu Pagamentu

Pagamentu benefísiu husi programa rua ne'ebé uza transferénsia monetária no ne'ebé iha kobertura boot liu iha nasaun (programa Bolsa da Mãe no SAll), ladun frekvente no baibain ho maneira irregulár. Pagamentu ba programa Bolsa da Mãe akontese de'it tinan ida dala ida, no SAll tinan ida dala rua, ho data ne'ebé la hanesan tinan-tinan no la tuir kalendáriu fiksi. Pagamentu nia falta previzibilidade no frekuénsia kiiik impede benefisiáriu sira bele depende husi provizaun ida-ne'e, no ida-ne'e hamenus programa nia efetividade.

Razaun prinsipál ida mak operasaun pagamentu idaidak nia kustu boot, ne'ebé difikulta pagamentu mensal ba benefísiu hirak ne'e, tuir buat ne'ebé prevee ona iha lei. Aleinde ne'e, maioria benefisiáriu sira seidak iha asesu ba konta bankária ida no liutan laiha asesu ba servisu finanseiru.

Dezenvolve sistema pagamentu benefísiu úniku no integradu ida, liuhusi modelu ida ne'ebé inklui opsaun atu hili no bele hatán ba programa protesau n soslál sira hotu bele potensialmente fó benefísiu ba ekonomia eskala nian, no posibilita regularidade pagamentu benefísiu sira-nian (di'ak liu ho maneira mensal) no hanesan ne'e bele sai sistema ida ne'ebé ita bele fiar no eficiente liu.

Maibé, ita presiza destaka katat presiza garante opsaun pagamentu ne'ebé permite grupu sira vulnerável liu, hanesan ferik-katuas no ema ho defisiénsia, bele simu sira-nia benefísiu besik liu sira-nia hela fatin.



Tabela 3:

Atividade Prioritáriu hodi Hadia Sistema Transferénsia Sosiál

Nº	Deskrisaun ba Atividade
1.2.1	Dezenvolve indikador ida ba indeksasaun husi valor benefisiu sira protesauun sosiál nian, ne'ebé independente husi valor saláriu mínimu funsaun públika nian.
1.2.2	Verifika possibilidade atu introdús iha SAI no Bolsa da Mãe teste afluénsia ida, ne'ebé konsidera dadus husi rejime kontributivu no fonte dadus sira seluk ne'ebé disponivel iha Governu.
1.2.3	Hahú aplikasaun anuál husi indikador indeksasaun foun ba programa sira hotu ne'ebé envolve transferénsia monetária.
1.2.4	Dezenvolve sistema pagamentu benefisiu sira-nian ida ne'ebé úniku no integradu ba programa protesauun sosiál sira hotu.
1.2.5	Haforsa informatizasaun no dezenvolve opsaun kona-ba dijitalizasaun prosesu operacional apoiu nian ba jestaun no implementasaun transferénsia sosiál monetária sira-nian.

2.3.1.3 Aumenta Apoiu ba Nutrisaun

To'o ohin loron, resposta ne'ebé iha ona iha sistema protesauun sosiál ba má nutrisaun nia nível aas - servisu saúde sira, programa Merenda Eskolar no programa Bolsa da Mãe –hetan de'it rezultadu limitadu. Medida sira ne'ebé apresenta iha seksaun ne'e sira-nia objetivu mak haforsa efikásia no efisiénsia programa hirak-ne'e nian.

Loron 1000 dahuluk

Desnutrisaun durante tinan sira dahuluk moris nian bele iha konsekuénsia ne'ebé ema bele senti durante-nia moris tomak. Nutrisaun ne'ebé la adekuaudu ba labarik sira hamenus sira-nia oportunidade sobrevisénsia, dezempeñu eskolár, nomós bele atraza labarik sira-nia kreximentu no dezenvolvimentu adekuaudu. Tuir dezenvolvimentu labarik sira-nia abilidade kognitivu no naun-kognitivu, iha tinan sira dahuluk moris nian, efeitu husi privasaun bele iha konsekuénsia todan no ba tempu naruk. Tan ne'e, kombate subnutrisaun infantil tenke sai prioridade ida ba sistema protesauun sosiál saida de'it ne'ebé dedika ba prevensaun no atu hamenus kiak. Presiza mós fó hatete tan katak haforsa dezenvolvimentu labarik sira-nian ho idade kiik bele hadia sira-nia dezempeñu eskolar, no ikus liu, durante sira-nia moris tomak, bele iha efeitu pozitivu iha sira-nia produtividade no iha sira-nia komportamentu sosiál. Taxa retornu investimentu nian, ba programa infánsia dahuluk, boot liu bainhira hahú molok labarik sira moris.

Prevene desnutrisaun iha loron 1,000 dahuluk moris nian hatudu produsaun benefísiu boot liu ba labarik nia dezenvolvimentu no garante apoiu adekuadu ba família atu sira bele hatan ba nesesidade sira hotu. Bainhira ita konsidera kestaun ne'e, fundamental programa Bolsa da Mãe nakfila ba universal ba labarik sira ho idade to'o tinan 3, ho objetivu hodi aumenta labarik timoroan sira-nia probabilidade susesu, no garante sira-nia asesu ba dezenvolvimentu saudável durante faze kritiku moris nian. Iha tempu oin mai, prezisa halo estudu kona-ba possibilidade habelar universalidade programa nian to'o labarik sira ho idade boot liu (porezemplu to'o idade tinan lima ka to'o sira tama eskola). Estensaun ne'e bele kontribui, husi sorin ida, atu konsolida labarik sira-nia dezenvolvimentu no, husi sorin seluk, atu garante katak fallansu ruma iha sistema protesau sosial sira la husik labarik ida ba kotuk, tanba problema ho benefisiáriu sira-nia identifikaun no selesaun.

Merenda Eskolár

Maski kobertura aas ba programa Merenda Eskolar, programa ne'e hasoru dezafu implementasaun ne'ebé hamenus impaktu pozitivu ne'ebé programa bele iha ba labarik sira-nia moris.

Iha tempu uluk, identifika ona problema kona-ba akizisaun ai-han, preparasaun refeisaun no menu ne'ebé elabora ona hodi hatán ba nesesidade nutrisional labarik sira-nian. Prosesu selesaun fornese dór ai-han no servisu sira la tuir mós kritériu avaliasaun rijidu kona-ba kualidade beins no servisu prestadu, kapasidade entrega, transparénsia no prestasaun kontas, no bele limita programa nia efikásia no efisiénsia.

Ne'e duni, esensial hadia prosesu hirak-ne'e, halo prosesu hirak-ne'e partisipativu liu, porezemplu liuhusi envolvimentu comunidade lokal, atu bele implementa programa ho kualidade ne'ebé prezisa atu alkansa rezultadu esperadu. Liutan, baibain, programa laiha orsamentu natoon hodi bele kumpre parámetru sira ne'ebé programa rasik define ona. Iha tempu oin mai, planu implementasaun anuál ENPS nian prezisa garante alokasaun orsamentál programa nian, ne'ebé la kiik liu valór mínimu nesesáriu atu implementa programa tuir parámetru kualidade sira ne'ebé estabelese ona, hodi evita la konsege alkansa objetivu sira ne'ebé propõin⁴⁶.

⁴⁶ Seksaun 5.2.2 apresenta estimativa kona-ba kustu sira nesesáriu hodi hadia programa Merenda Eskolar, inklui aumentu orsamentu disponivel ba refeisaun idaidak, hodi garante katak refeisaun fó konteúdu nutrisional ne'ebé labarik sira prezisa.

Tabela 4:

Atividade Prioritária hodi Aumenta Apoio ba Nutrisaun

Nº	Deskrisaun ba Atividade
1.3.1	Nakfla programa Bolsa da Mãe ba universal ba labarik sira to'o tinan 3.
1.3.2	Reve prosesu implementasaun ba programa Merenda Eskolar nian, inklui prosesu sosa, prepara ai-han, hili fornecedor sira tuir padraun kualidade no transparensia nian.
1.3.3	Reve menu eskolar hodi hatan ba nesesidade nutricional labarik sira-nian.
1.3.4	Kordena intervensaun protesau sosial nian hamutuk ho programa Edukasaun Alimentar, Nutricional no Ijiene nian besik comunidade sira.

2.3.1.4 Fasilita Asesu ba Saúde no Edukasaun

Estadu timoroan implementa ona sistema universal edukasaun no saúde nian hahú kuaze husi independénsia. Maski maneira ida ne'ebé efikás liu hodi habelar asesu ba saúde no edukasaun mak liuhusi aumentu kuantidade no garantia kualidade infrastrutura sira-nian, nomós haforsa númeru profesional kualifikadu ba área idaidak, medida hirak-ne'e sira-nia enkuadramentu mak iha âmbito estratéjia nasional ba saúde no edukasaun no, hanesan ne'e, la hetan kobertura liuhusi dokumentu ida-ne'e.

Maibé, protesau sosial bele nafatin dezempeña knaar esensial ida atu hadia asesu ba saúde no edukasaun, liuliu ba sidadaun sira ne'ebé hasoru difikuldade liu atu asesu ba servisu hirak-ne'e tanba razaun oioin, inklui razaun ekonómiku, sosiál no/ka jeográfiku.

Hamenus Barreira Asesu ba Sistema Saúde nian

Maski servisu saúde gratuitu iha unidade atendimento públiku, beibeik utente sira tenke tahan kustu ne'ebé aas, kustu finanseiru ka tempu nian, hodi bele desloka-aan bá servisu hirak-ne'e. Bainhira ema ne'ebé moris iha situaun vulnerabilidade nia laran presiza kuidadu saúde no labele tahan kustu sira ne'ebé relasiona, baibain situaun vulnerabilidade sai aat liu tan.

Maské estrutura saúde pública nian disponibiliza servisu ambulánsia, dala barak, meiu sira ne'ebé presiza hodi fornese servisu, liuliu liña telefone no mekanizmu komunikasaun atu pasiente sira bele husu servisu ne'e, númeru ambulánsia, la disponível tanba falta manutensaun ka falta rekursus umanus ba nia implementasaun.

Ne'e duni, ita presiza verifika meu sira liuhusi ne'ebé bele hadia asesu ba servisu ambulánsia, no fasilita kontaktu ho servisu ne'e, habelar nia disponibilidade no hamenus tempu resposta nian. Presiza mós, dala ida, ezamina viabilidade kona-ba fó reembolsu ba gastu privadu ho transporte atu bele to'o iha servisu médiku bainhira hasoru situasaun emerjénsia, reeembolsu ne'e relevante liu ba ema ne'ebé moris iha situasaun vulnerável.

Presiza haforsa programa hirak-ne'ebé permite asesu ba servisu saúde iha rejiaun izoladu ka lori servisu hirak-ne'e ba ema nia uma, tanba medida sira ne'e importante hodi halakon obstákulu atu bele asesu ba servisu sira. Programa SISCA no Saúde na Família hatudu ona rezultadu di'ak, maibé sira seidak iha baze legál no orsamentu adekuaudu atu servisu hirak-ne'ebé oferese bele regular no sustentável. Programa hirak-ne'e bele mós serve nu'udar katalizadór ba benefísiu sosiál sira seluk karik nia dadus no informasaun, liuhusi rejistu administrativu, fahe no integra ho programa protesauun sosiál sira seluk.

Hadia Saúde Maternu-Infantil

Maski apresenta ona melloria iha tinan 5 ikusmai kona-ba asesu ba saúde maternu-infantil, jestasaun balun de'it mak simu akompañamentu adekuaudu, molok no depoizde bebé moris. Kuidadu sira ne'ebé adekuaudu ba inan no ba bebé ne'ebé foin moris bele hamenus mortalidade maternu no infantil no evita problema dezvoltamentu oioin ho konsekuénsia ba ema nia moris tomak.

Hanesan servisu saúde seluk, maski atendimentu gratuitu, gastu relasionadu (hanesan transporte, tempu, lakon loron traballu nian, aimoruk, kuidadu sira iha uma, nst.) dala barak impede individu u sira bele iha asesu ba kuidadu ne'ebé adekuaudu. Ne'e duni, presiza halo avaliasaun kona-ba possibilidade hodi kria mekanizmu ida hodi hamenus kustu sira ne'ebé relasiona ho atendimentu saúde ka insentivu (osan ka jéneru) atu inan sira bele tuir ezame pré-natal no pós-partu, nomós bele realiza ezame rotina labarik sira-nian.

Mekanizmu hirak-ne'e bele hetan benefísiu boot karik integra programa sira ne'ebé eziste ona, hanesan programa Bolsa da Mãe, no hanesan ne'e permite hahú labarik nia akompañamentu molok nia moris, rekolle informasaun no fasilita, hahú sedu, identifkasaun programa nia benefisiáriu potenciál.

Fasilita Asesu ba Edukasaun

Maski laos responsável diretu ba provizaun servisu edukativu sira, protesauun sosiál bele mós dezempeña knaar ida hodi garante asesu universal ba edukasaun. Protesaun sosiál bele kontribui hodi hamenus obstákulu asesu ba edukasaun, liuliu liuhusi hamenus kustu sira asociadu ka apoiu monetáriu ba família sira ho kapasidade finanseiru limitadu. Importánsia hodi halakon obstákulu ne'ebé relasiona ho asesu ba edukasaun nesesáriu liutan iha zona rural, tanba konsentrasaun rekursu sira iha-ne'ebá kiik liu, inklui infraestruturá sira.

Ne'e duni, sistema protesauun sosiál presiza promove no implementa medida sira ne'ebé kontribui hodi halakon ka hamenus obstákulu asesu ba edukasaun, la haree ba nia natureza.

Tabela 5:

Atividade Prioritária hodi Fasilita Asesu ba Saúde no Edukasaun

Nº	Deskrisaun ba Atividade
1.4.1	Propõin maneira oinsá atu hadia servisu ambulansia nian, lihusi fasilita kontaktu ho servisu, habelar ninia disponibilidade no hamenus tempu resposta nian.
1.4.2	Estuda viabilidade reembolsu ba gastu privadu ho transporte to'o iha fatin servisu saúde nian bainhira situasaun emerjensia no ba ema iha situasaun vulneravel.
1.4.3	Avalia kustu no impaktu hodi halo programa SISCÁ no Saúde na Família regular no previzivel liu, ho frekuénsia vizita beibeik liu no oferese ba comunidade no ba sidadaun hotu-hotu servisu barak liu.
1.4.4	Integra, tuir possibilidade, informasaun entre provizaun servisu saúde sira-nian no provizaun benefisiu sosial, inklui sira-nia rejistu rasik no baze dadus administrativu.
1.4.5	Kria mekanizmu hodi hamenus kustu sira ne'ebé relasiona ho asesu ba saúde ka insentivu atu inan sira bele ba tuir ezame pré-natal no pós-partu.
1.4.6	Revee possibilidade hodi integra insentivu iha programa Bolsa da Mãe atu inan sira mai tuir ezame pré-natal no pós-partu.
1.4.7	Realiza asaun edukasaun no sensibilizasaun ne'ebé iha relasaun ho saúde, liuhusi halakon obstákulu ne'ebé limita asesu ba servisu no programa protesauun sosial nian.
1.4.8	Propõin medida hodi halakon obstákulu asesu ba eskola, haree ba estudu sira ne'ebé orgaun governu nian desenvolve tiha ona.
1.4.9	Promove edukasaun nia importansia no nia benefisiu ba tempu naruk no rekoñese knaar protesauun sosiál nian nu'udar fasilitador ida ba prosesu nee.

2.3.1.5 Haforsa Prevensaun no Resposta ba Dezastre sira

Ajuda umanitáriu no jestaun dezastre, inklui dezastre naturál, dala barak la inklui iha âmbito protesauñ sosiál nian. Husi sorin ida, assisténsia umanitária iha mandatu resposta imediatu atu salva, hakman no mantein ema afetadu nia dignidade. Husi sorin seluk, jestaun dezastre, hanesan dezastre natural ka krize pandémiku, buka hamenus probabilidade katástrofe ida bele afeta makaas ema nia moris no garante katak ema hirak-ne'e bele hasoru situausaun. Importante hatudu katak, dala barak liu, ajuda umanitária no jestaun dezastre la relaciona ho programa regular protesauñ sosiál sira-nian.

Responsabilidade husi atór governamental oioin ba prosesu resposta ba xoke oioin dala balun seidak define ho maneira ida ne'ebé klaru, no bele kontribui hodi duplika esforsu sira ka falla resposta imediata ba situausaun emerjénsia nian. Iha fulan Dezembru tinan 2020, aprova ona Lei de Bazes Dahuluk Protesauñ Sivil nian iha nasaun (Lei N.º 12/2020 husi loron 02 fulan dezembru), ne'ebé hein aprovasaun husi tinan 2010, tinan ne'ebé mak MI hetan aprovasaun husi lei hirak tuirmai: Lei Seguransa Nasionál, Lei Defeza Nasionál no Lei Seguransa Interna. Diresaun Nasionál Jestaun ba Risku Dezastre (DNGRD) mak responsável hodi halo avaliausaun kona-ba estragu sira husi dezastre ne'ebé akontese ikus mai, hahú husi tinan rua kotuk liubá, hamutuk ho MSSI no MAE no parseiru sira seluk nia kolaborasaun⁴⁷.

Importante laos marka de'it limite kona-ba responsabilidade sira, maibé mós komprende oinsá mak atór oioin bele iha asesu no fahe rezerva kontinjénsia atu maksimisa impaktu ne'ebé esperadu. Agora daudaun, ita pondera kriasaun fundu jestaun dezastre nian ida, husi responsabilidade Governu nian, hanesan fundu autónomu husi Orsamentu Jerál Estadu no Orsamentu Autoridade Rejiaun Administrativa Especial Oekusi-Ambeno (RAEOA). Agora daudaun iha mós hanoin kona-ba oinsá halo armonizasaun rejime apoiu emerjénsia no rekuperasaun liuhusi definisaun apoiu sosiál ba vítima dezastre, inklui assisténsia alimentar emerjénsia nian, atribuisaun beins naun alimentar, atribuisaun material konstrusaun hodi reabilita ka harii fila-fali abitasaun afetadu, nomós atribui subsídiu apoiu ida ba traballu reabilitasaun ka rekonstrusaun abitasaun nian. Dala ida, kompeténsia hodi halo atribuisaun ba apoiu sosiál referidu, nomós avaliausaun kona-ba estragu sira, kontinua nafatin responsabilidade husi Autoridade Protesauñ Sivil

⁴⁷ Avaliausaun kona-ba estragus ne'ebé DNJR halo bazeia ba formuláriu avaliausaun ne'ebé prodús hafoin dezastre hamutuk ho parseiru dezenvolvimentu, liuliu ajénsia Nasoins Unidas, NGO balun nomós ho MSSI no MAI nia partisipasaun.

nian, no mantein nafatin kolaborasaun ho MAE no ho MSSI. Maibé, importa liuliu hatudu knaar ne'ebé protesauun sosiál bele iha bainhira akontese xoke inesperadu ruma, ne'ebé afeta populasauun iha eskala boot. Programa regular protesauun sosiál sira, bele adapta

aan hodi komplementa intervensaun ho natureza umanitariu, fó apoiu ba populasauun afetada sira-nia nesesidade, maski populasauun ne'e benefisiáriu ona ka la benefisiáriu sistema ida-ne'e nian rasik. Aleinde intervensaun imediatu liu ne'e, protesauun sosiál bele ajuda mós prevene tipu xoke oioin liuhusi haforsa pizu protesauun sosiál sira, harii sistema protesauun sosiál fleksível no adaptável liu, nomós estabelese parseria estratéjiku no operasionál hodi antisipa xoke oioin.

Tabela 6:

Atividade Prioritária hodi Haforsa Resposta ba Dezastre

Nº	Deskrisaun ba Atividade
1.5.1	Delimita responsabilidade estratéjika no operasionál husi instituisaun oioin governu nian kona-ba resposta ba situasaun dezastre natural, krize umanitaria no xoke sira seluk oioin.
1.5.2	Explora opsaun hodi haforsa kapasidade protesauun sosiál nian ba prevensaun no resposta ba situasaun dezastre natural, krize umanitaria no xoke sira seluk oioin, liuhusi flexibilizasaun no adaptasaun programa no sistema sira, inklui integrasaun sistema informasaun sira-nian.

2.3.2 Objektivu 2: Hadia no Habelar Seguransa Sosiál ba Traballadór sira

Atu kontinua dezenvolve, haforsa no moderniza sistema protesauun sosiál nian, presiza loos dezenvolvimentu kontínuu sistema seguransa sosiál nian ba traballadór sira, inklui traballadór sira husi ekonomia informal no agrikultura subsisténsia. Hanesan ne'e, importante katak ita iha seguransa sosiál ne'ebé fó protesauun ba risku ne'ebé relasiona ho traballu no ba situasaun vulnerabilidade sira.

2.3.2.1 Dezenvolve Sistema Seguransa Sosiál Kontributivu

Harii Rejime Jerál Seguransa Sosiál Kontributivu representa ona hakaat signifkativu ida ba prosesu dezenvolvimentu sistema integradu protesauun sosiál nian ida, no kria provizaun lubuk ida hodi proteje traballadór, no nia familia rasik, bainhira ferik-katuas, mate, invalidés, maternidade/paternidade no bainhira akontese asidente traballu ruma.

Garante dezvoltimentu sistema seguransa sosiál ida, ne'ebé forte no sustentável, mak Governu nia responsabilidade, sistema ne'ebé permite atribui direitus no asegura protesau ba traballadór sira, no dala ida halibur kontribuisaun no reseita atu garante katak partisipante sira iha sistema kumpre obrigasaun kontributivu sira.

Implementasaun inisiál ba sistema seguransa sosiál nian ida durante tinan dahuluk sira-nian no, liuliu, dezvoltimentu INSS ne'ebé foin harii, hanesan dezafu signifikativu no kompleksu. Sistema ida-ne'e prezisa asegura kondisaun esensiál hodi realiza jestaun rejime kontributivu nian, ne'ebé inklui halibur kontribuisaun no reseita sira no garante kumprimentu obrigasaun kontributivu sira, realiza pagamentu prestasaun, dezvoltolve relasaun institusionál, halo atendimentu, forma no sensibiliza benefisiáriu no parte interesada sira, entre responsabilidade sira seluk.

Atu bele realiza ho maneira di'ak liu tenke liuhusi envolvimentu partisipativu poder públiku sira-nian ne'ebé iha ligasaun ba jestaun sistema seguransa sosiál nian. Ne'e mós implika envolvimentu no partisipasaun ativa husi organizasaun empregador no traballadór sira, tuir sira-nia kondisaun nu'udar kontribuinte sistema nian, hanesan prevee ona iha diploma legal ne'ebé estabesele INSS.

Rejime seguransa sosiál kontributivu, durante faze inisial agora daudaun, proteje traballadór no sira-nia família hodi hasoru risku lubuk ida, maibé seidak inklui kazu moras. Protesau ba kazu moras hanesan provizaun importante seguransa sosiál nian, tanba garante traballador nia rendimentu bainhira hasoru situasaun vulnerabilidade, no ba kazu balun, bele hanaruk ho maneira ne'ebé konsiderável. Ne'e duni, atu sistema protesau sosiál bele kompletu liu no oferese elementu protesau fundamental ida, prezisa estuda introdusaun husi provizaun seguransa sosiál ba kazu moras.

Ba kazu Timor-Leste nian, importante katak bele iha medida spesífiku sira ba kazu tuberkuloze tanba moras ne'e nia prevalénsia aas, no nia natureza da'et, ne'ebé bele harisku saúde traballadór sira seluk nian.

Tuir prosesu dezvoltimentu no maturasau sistema seguransa sosiál kontributivu, prezisa konsidera possibilidade habelar, ba médiu prazu, protesau ba traballadór sira hodi hasoru risku barak liu, hanesan introdús subsidiu ida ba dezempregu ka abonu família ida, nomós tipu subsidiu sira seluk no protesau ne'ebé bele hatudu nesesidade iha kontestu socioekonómiku nasaun nian ba tinan sira oin mai.

Tabela 7:

Atividade Prioritária ba Dezenvolvimentu Sistema Seguransa Sosiál Kontributivu

Nº	Deskrisaun ba Atividade
2.1.1	Konsolida Rejime Seguransa Sosiál Kontributivu.
2.1.2	Estuda oinsá introdus provizaun ida ba kazu moras, inklui rejime espesial ida bainhira moras ne'ebe harisku saúde pública.
2.1.3	Garante katak parte interesada sira hotu ba rejime Seguransa Sosiál Kontributivu envolve no partisipa, liuliu parseiru sosiál sira.
2.1.4	Kria no halo regulamentasaun ba valor pensaun mínima.
2.1.5	Verifika possibilidade implantasaun Protesaun ba Dezempregu.
2.1.6	Explora possibilidade implantasaun Abonu Familia ida.

2.3.2.2 Dezenvolve Institutu Nasionál Seguransa Sosiál (INSS)

Implementasaun, Jestaun no Sustentabilidade INSS nian

INSS mak instituisaun ida ne'ebé responsável ba jestaun no ezekusaun sistema seguransa sosiál nian, inklui ninia orsamentu. Ne'e inklui atribuisaun direitu no pagamentu prestasaun ba benefisiáriu sira, nomós recolle kontribuisaun no reseita atu garante obrigatoriedade kontributiva no asegura rejime nia sustentabilidade.

Dezenvolvimentu institucional INSS nian, iha ninia faze inisiál, rekér akonpañamentu ativu no supervizaun ba nia atividade sira. Organizaun nia dezenvolvimentu no implementasaun tomak hanesan prosesu ba longu prazu, maibé nia faze kritiku mak durante tinan 3 to'o 5 dahuluk.

Instituisaun ida nia dezenvolvimentu no kreximentu atu bele moderna no eficiente, tenke konsidera fator kritiku balun, liuliu: ekipa téknika ida ne'ebé téknikamente preparada no komprometida; sistema informátiku ida ne'ebé estruturadu, forte no fungsional; servisu administrativu no jestaun finanseira transparente no ho mekanizmu kontrolu no auditoria permanente; sistema atendimentu ba traballadór, empregador no benefisiáriu sira, ne'ebé eficiente no konfiavel no; partisipasaun ativa husi parseiru sosiál iha organizaun nia jestaun.

Integrasaun iha programa sira husi Sistema Naun Kontributivu

INSS mak responsável laos de'it ba implementasaun rejime kontributivu foun, maibé mós ba programa sira ne'ebé tama iha kuadru rejime naun kontributivu seguransa sosiál nian, ne'ebé hetan finansiamentu liuhusi transferénsia Orsamentu Estadu, hanesan kazu SAIL. Fator ida-ne'e kria oportunidade atu dezenvolve sinerjia no manan tuir eskala hamutuk ho sistema naun kontributivu, no bele inklui sistema unifikadu ba pagamentu prestasaun, jestaun informasaun, estrutura no prosesu atendimentu ba públiku no mekanizmu forte liu ba monitorizasaun no avaliasaun. Oportunidade hirak ne'e presiza estuda hodi buka hatene ninia kustu, benefisiu no viabilidade.

Kobertura ba Traballadór sira iha Setór Informal

Rejime kontributivu seguransa sosiál nian permite katak traballadór sira iha empregu informal bele kontribui ho maneira voluntária. Maibé, esperiénsia husi nasaun sira seluk hatudu katak traballadór informal uituan de'it mak halo adezaun voluntária, no maioria laiha nafatin protesau ida hodi hasoru risku sosiál, ekonómiku no traballu nian. Liutan, produtor rural ne'ebé kiik, traballadór sira iha setór agrikultura no traballadór sazonal subsisténsia sira-seluk, bele hasoru difikuldade hodi halibur rekursu finanseiru suficiente atu bele halo kontribuisaun ba seguransa sosiál ho maneira regular.

Ne'e duni, presiza kria mekanizmu sira ne'ebé bele insentiva traballadór hirak-ne'e atu partisipa iha sistema seguransa sosiál hodi garante protesau ba nia aan rasik no ba sira-nia familia.

Tabela 8:

Atividade Prioritária ba Dezenvolvimentu Institutu Nasionál Seguransa Sosiál (INSS)

Nº	Deskrisaun ba Atividade
2.2.1	Dezenvolve INSS nu'udar instituisaun moderna ida, eficiente no transparente.
2.2.2	Esplora oportunidade sinerjia no manan eskala nian ba integrasaun husi rejime seguransa sosiál kontributivu no naun-kontributivu.
2.2.3	Estuda possibilidade hodi kria kargu ba inspetor seguransa sosiál nian.
2.2.4	Kria mekanizmu nune'e traballador sira iha empregu informál, agrikultura subsisténsia no servisu vulnerável sira seluk, bele hola parte iha sistema seguransa sosiál nian.

2.3.3 Objektivu 3: Dezenvolvimentu Institusionál

Atu kontinua nafatin dezenvolve sistema protesauñ sosiál ida ne'ebé efikás no eficiente, esensial katak kapasidade institusional sistema nian kontinua dezenvolve no haforsa nafatin. Hanesan ne'e de'it mak posível kordena no integra informasaun no operasaun sistema nian, nomós garante jestaun finanseira husi rekursu sira, ne'ebé investe iha protesauñ sosiál, nia sustentabilidade no efisiénsia.

2.3.3.1 Kordena no Integra Programa sira

Kordenasaun Operasionál

Ajente governu oioin mak implementa programa protesauñ sosiál sira-nian iha Timor-Leste. Tema balun, hanesan nutrisaun, reker asaun hamutuk ho ministériu oioin. Maibé, ita haree katak komunikaun dala balun la efikás no iniciativa sira-nia integrasaun la realiza, no ida-ne'e hamosu duplikasaun esforsu, lakuna ba kobertura no falla iha implementasaun.

Dezenvolvimentu husi modelu kordenasaun interministerial nian ida, ne'ebé permite kordena programa protesauñ sosiál ho tipu oioin, bainhira programa nia materializaun mak ho prestasaun monetárias ka enjéneru, inklui servisu sira, sei permite aumenta programa sira-nia impaktu, no haforsa troka informasaun, esforsu operasionál konjuntu no manan tuir eskala prosesu no atividade sira-nian.

Sekretariadu Ezekutivu ENPS nian presiza sai hanesan mekanizmu interministerial ba jestaun nia kordenasaun no governasaun atu garante atividade proposta nia ezekusaun no efisiénsia ho maneira kordenada.

Integrasaun husi Sistema Informátiku no Baze Dadus

Programa protesauñ sosiál bele manán buat barak lihusi asaun sira-nia kordenasaun, fahe informasaun no baze dadus entre ajente governu oioin no bele mós fasilita no hadia prosesu oioin sira-nia efisiénsia.

Maioria programa sira uza ninia sistema informátiku no baze dadus rasik, no ida-ne'e impede komunikaun ka integrasaun dadus entre programa sira. Realidade ne'e hamosu beibeik duplikasaun esforsu

kona-ba rekolla no armazenamentu dadus, kontribui ba deziguladade dadus husi individu u sira ne'ebé rejistadu ona, nomós halo sistema protesau n sosiál ladun efisiente no kleur.

Integrasaun dadus sei permite halo dezvoltimentu kompletu liu ba perfil uzuáriu sistema protesau n sosiál nian, ne'ebé sei fasilita benefisiáriu sira-nia identifikasaun, sei hamenus benefisiu nia duplikasaun, sei permite análize kompletu kona-ba istóriu individu u no ninia familia nia situasaun no sei loke mós oportunidade atu aumenta koperasaun entre programa sira. Ba efeitu ne'e, sei esplora asaun armonizasaun no kordenasaun entre servisu teknolojia informasaun no baze dadus.

Programa sira-nia Integrasaun

Programa sira ne'ebé iha tiha ona ba traballadór informal, liuliu programa Empregu Rural no Dalan ba Dezvoltimentu (ho nia akronimu inglés "Roads for Development"), mak programa ho funsaun ne'ebé hanesan. Ida dahuluk mak programa kiik ida no ho alkanse ne'ebé limitadu, ida daruak ninia abranjénsia no sofistikaun tékniku aas liu.

Ne'e duni, hodi hamenus duplikasaun kona-ba sira-nia funsaun, programa Empregu Rural no Dalan ba Dezvoltimentu sei prezisa sai ida de'it, konsidera prátika sira ne'ebé di'ak liu no prezerva ekipa envolvidu iha programa rua ne'e sira-nia esperiénsia no kapasidade. Hanesan ne'e, rezultadu mak programa ida ne'ebé efisiente liu no ho ekonomia eskala boot liu, no permite programa traballu públiku Governu Timor-Leste nia unifikasaun.

Tabela 9:

Atividade Prioritária ba Kordenasaun no Integrasaun Programa sira

Nº	Deskrisaun ba Atividade
3.1.1	Desenvolve modelu kordenasaun interministerial ida entre programa sosiál oioin, hodi aumenta programa no atividade sira, ne'ebé prevee iha ENPS, sira-nia efikásia no efisiénsia.
3.1.2	Promove kordenasaun operacional ba programa protesau n sosiál ne'ebé la hanesan no ne'ebé iha interasaun ba malu.
3.1.3	Habelar no haluan kordenasaun operacional no servisu dexentralizadu sira.
3.1.4	Esplora asaun armonizasaun no kordenasaun ba servisu teknolojia informasaun no baze dadus entre programa protesau n sosiál sira-nian.
3.1.5	Integra programa traballu públiku, Empregu Rural no Dalan ba Dezvoltimentu, atu evita duplikasaun esforsu, aproveita ekonomia eskala nian no hadia sistema nia efisiénsia.

2.3.3.2 Kapasita Rekursus Umanus

Hodi implementa ENPS ho susesu, bainhira konsidera habelar protesaun sosiál, liuliu dezenvolvimentu rejime kontributivu seguransa sosiál no prosesu dexentralizasaun ne'ebé sei akontese iha tempu oin mai, nesesidade atu fó kapasitasaun ba rekursus umanus iha área protesaun sosiál nian sei kontinua aumenta to'o iha tinan 2030.

Atu garante servisu administrasaun nia qualidade no programa sira protesaun sosiál nia efisiénsia, rekursus umanus tenke hadia beibeik, liuhusi asaun formasaun, formasaun iha kontestu traballu no/ka liuhusi mekanizmu formasaun no kapasitasaun sira seluk. Atu nune'e, presiza halo análize no sistematizasaun kona-ba kapasidade atuál ne'ebé bele sai hanesan baze ida hodi kria planu dezenvolvimentu kapasidade sira ba atividade protesaun sosiál nian. Traballu ne'e sei bele permite explora oportunidade husi Fundu Dezenvolvimentu Kapital Umanu (FDCH) ho maneira sistemátiku hodi garante rekursus umanus sira-nia dezenvolvimentu kontínuu iha área protesaun sosiál nian.

Tabela 10:

Atividade Prioritária ba Dezenvolvimentu Rekursus Umanus

Nº	Deskrisaun ba Atividade
3.2.1	Kria planu dezenvolvimentu kapasidade ba atividade protesaun sosiál nian bazeia ba analize no sistematizasaun kapasidade sira ne'ebé iha agora daudaun.
3.2.2	Explora oportunidade husi Fundu Dezenvolvimentu Kapital Umanu ho maneira sistemátika hodi hatan ba nesesidade kapasitasaun rekursus umanus nian iha área protesaun sosiál, no asegura igualdade jéneru.
3.2.3	Promove kursu formasaun iha área protesaun sosiál nian.
3.2.4	Kria no forma ekipa iha área protesaun sosiál atu bele fó apoiu iha nível dexentralizadu.

2.3.3.3 Estabelese Sistema Monitorizasaun no Avaliasaun

Planu asaun anual Governu nian ezije ona katak atividade dezenvolidu hotu-hotu iha indikadór akompañamentu. Maibé, tipu indikadór ne'ebé uza baibain mak indikadór ba produktu ne'ebé relasiona ho buat ne'ebé prodús ka produktu ida-ne'ebé entrega ona, envezde indikadór sira ne'ebé permite sukat rezultadu sira no impaktu.

Hanesan ne'e, estabelese sistema Monitorizasaun no Avaliasaun ida (M&A) mak hanesan elementu fundamental husi modelu governasaun kona-ba aplikasaun investimentu sira iha protesaun sosiál. Sistema ne'e sei permite disponibiliza no fahe informasaun kredível, adekua no

oportuna, útil ba utilizador oioin, inklui desizor polítiku, responsável ba kordenasaun no jestaun programa oioin, parseiru sira no públiku enjerál.

Maski programa balun protesaun sosiál nian iha ona mekanizmu monitorizasaun no avaliasaun previstu ona iha diploma ka iha instrumentu legal ne'ebé estabeselese programa hirak-ne'e, maioria laiha implementasaun efektivu no laiha duni produsaun estatístiku ida ne'ebé asosiadu. Auzénsia husi sistema informasaun integradu ida, fragilidade husi baze dados, falta rekursus finanseiru no rekursus umanus nia formasaun limitadu mak fatór balun ne'ebé impede dezvoltamentu sistema estatística ida no indikadór sira protesaun sosiál nian.

Sistema M&A presiza iha kapasidade hodi halo akompañamentu anuál ba implementasaun ENPS nian, maibé presiza mós sai hanesan impulsu ida hodi dezvoltave sistema estatística no indikadór protesaun sosiál sira-nian ne'ebé bele divulga beibeik. Hanesan ne'e, sei iha possibilidade atu monitoriza progresu no avalia sistema protesaun sosiál nia rezultadu sira, inklui avaliasaun kona-ba programa protesaun sosiál no prosesu implementasaun asosiadu sira-nia efikásia no efisiénsia.

Importante bele kria grupu traballu interinstitucional ida ho nia misaun atu dezvoltave sistema M&A ENPS nian no prepara traballu iha área estatística no indikadór sira protesaun sosiál nian. Atu ne'e akontese, sei presiza halo levantamentu informasaun, kustus no rekursu seluk nesesáriu hodi dezvoltave sistema integradu ne'e, no abranje programa sira hotu protesaun sosiál nian. Iha análise ida-ne'e, presiza mós inklui dezvoltamentu kapasidade téknika iha área estatística, monitorizasaun no avaliasaun husi ekipa interinstitucional ne'ebé envolve iha prosesu.

Importante mós analiza possibilidade hodi kria unidade transversal M&A ida iha orgánika MSSI nian, ne'ebé sei responsável ba atividade sira-nia planeamentu no ezekeusaun iha área ida-ne'e.

Tabela 11:

Atividade Prioritária hodi Estabeselese Sistema M&A ida

Nº	Deskrisaun ba Atividade
3.3.1	Kria grupu traballu interinstitucional ho misaun ida atu dezvoltave no implementa sistema M&A ENPS nian no prepara traballu iha área estatística no indikadór protesaun sosiál nasional nian.
3.3.2	Analiza kustus, rekursus no informasaun nesesáriu ba dezvoltamentu traballu nian iha área estatística no indikadór protesaun sosiál nasional nian.
3.3.3	Analiza possibilidade hodi kria unidade transversal M&A nian ida iha MSSI nia orgánika.

2.3.3.4 Haforsa Baze Legal Protesaun Sosiál nian

Enjerál, sistema legal iha Timor-Leste dezenvolve hela nafatin tanba tempu ne'ebé hahú husi nia independénsia to'o agora hanesan períodu kiik loos. Ne'e signífika katak instrumentu legál balun ne'ebé estabelese aspetu importante kona-ba sistema protesaun sosiál seidauk eziste. Atu hakaat problema ne'e, presiza kria Lei Baze Protesaun Sosiál, ne'ebé tenke sai hanesan baze atu bele estabelese, liuhusi maneira formál, sistema tomak, no hanesan ne'e, fó apoiu ba dezenvolvimentu polítika protesaun sosiál sira hotu ho maneira konsistente no sustentada.

Programa oioin balun ne'ebé iha ona kontinua opera bazeia de'it ba dekretu ministerial, no ida-ne'e la garante sira-nia kontinuidade ba longu prazu ka atribuisaun direitu sira ba benefisiáriu. Tan ne'e, importante dezenvolve baze legal sólida ba programa sira protesaun sosiál nian atu sistema bele estável no bele konsege oferese protesaun ho maneira sustentável no eficiente. Presiza estabelese prosesu revizaun regular ba lejislasaun iha vigor iha área protesaun sosiál, hodi atualiza lei no dekretu kona-ba programa ne'ebé lao ona no, iha faze dahuluk, presiza konsentra ba programa Bolsa da Mãe no SAIL, tanba programa rua ne'e hatudu ona iha tempu uluk katak nia baze legál presiza revizaun no atualizasaun.

Tabela 12:

Atividade Prioritária hodi Haforsa Baze Legál Protesaun Sosiál nian

Nº	Deskrisaun ba Atividade
3.4.1	Kria Lei Baze Protesaun Sosiál nian no ninia regulamentasaun rasik.
3.4.2	Revee lejislasaun protesaun sosiál nian ne'ebé vigora ona.
3.4.3	Haforsa baze legal programa sira ne'ebé hahú implenta ona liu deit husi dekretu ministerial.

2.3.3.5 Hadia Finansiamentu no Planeamentu Orsamentál

Tuir nesesidade orsamentál ne'ebé aumenta atu hatan ba nesesidade sira ne'ebé identifika ona, tanba reseita husi petróleu la'os serteza ba longu prazu, no tanba redusaun husi volume Rendimentu Sustentável Estimadu (SER) (ho akrónimu inglés "Estimated Sustainable Income"), importante loos bele garante jestaun di'ak, aprovizionamentu adekuadu no sustentabilidade orsamentu protesaun sosiál nian.

Atu nune'e, planeamentu finanseiru no orsamentu loloos preziza realiza ba períodu naruk liu laos ba siklu anuál. Tanba hanesan ne'e, fásil liu atu prevee antes no atu jere rekursu sira haree ba prazu naruk liu.

Importante bele halo análise ida kona-ba despeza públika hodi permite halo reflesaun kona-ba potenciál realokasaun despeza sira ba setor no programa oioin. Husi sorin ida, loloos bele iha possibilidade hodi realoka rekursus ba programa ne'ebé hatudu katak sira mak eficiente liu no sira mak iha impaktu boot liu no, husi sorin seluk, bele reajusta despeza sira-nia distribuisaun tuir kategoria oioin no garante ezekeusaun máxima orsamentu protesaun sosiál nian.

Aleinde ne'e, importante atu refere importánsia husi "Orsamentu ida sensível ba jéneru", no avalia kontributu orsamentu públiku nian ba protesaun sosiál hodi realiza igualdade entre feto no mane. Tipu orsamentu ne'e buka identifika opsaun despeza no reseita públiku oioin ne'ebé iha ba labarik-feto no ba feto, nomós ba grupu feto oioin, kompara ho impaktu ba labarik-mane no mane sira. Hanesan ne'e, sei bele introdús alterasaun ne'ebé garante igualdade entre mane no feto sira.

Tabela 13:

Atividade Prioritária hodi Hadia Finansiamentu no Planeamentu Orsamental

Nº	Deskrisaun ba Atividade
3.5.1	Realiza planeamentu orsamental plurianual, haree ba mudansa demográfika no ba buka direitus no servisu sira iha kurtu, médiu no longu prazu.
3.5.2	Halo análize despeza nian ida ne'ebé permite halo refleksaun kona-ba realokasaun despeza sira ho maneira efetivu liu.
3.5.3	Realiza planeamentu integradu protesaun sosiál nian hamutuk ho parseiru desenvolvimento sira.



Kapítulu 3:

ENPS nia Implementasaun

Nu'udar estrutura ida ne'ebé fó apoiu atu governu kumpre ninia objetivu sira dezvoltimentu nasionál, ENPS nia implementasaun efetiva reker esforsu ida ne'ebé metin husi governu nia organizmu no ajente implementadór sira hotu. Dedikasaun ne'e mós reker mekanizmu koperasaun, diálogu, kordenasaun no partisipasaun efikáz iha prosesu nia nível no faze sira hotu.

3.1 Estrutura Governasaun nian

ENPS nia jestaun no implementasaun prevee kriasaun husi Konsellu Nasionál Protesaun Sosiál ida (CNPS) ne'ebé sei sai orgaun interministerial responsável hodi foti desizaun iha planu polítiku. Prevee mós kriasaun husi Sekretariadu Ezekutivu ida (SE), ne'ebé sei sai responsável be kestaun tékniku ne'ebé relasiona ho Estratéjia. SE sei lidera dezvoltimentu planu asaun sira ba médiu prazu no planu implementasaun anual ENPS nian, inklui kalendarizasaun, kordenasaun planu sira nia atividade oioin, rekursu sira nia mobilizasaun, asaun sira ezeutada nia akompañamentu no avaliasaun husi rezultadu sira ne'ebé hetan beibeik, tuir buat ne'ebé hatudu iha Imajen 7.


Nu'udar órgaun superior deliberasaun, di'ak liu CNPS lidera husi Instituisaun ida iha âmbito polítiku, hanesan porezemplu Gabinete Primeiru-Ministru (GPM). Maibé, SE ENPS nian sei kordena teknikamente liuhusi MSSI, hamutuk ho partisipasaun husi representante ida husi ministériu seluk idaidak ne'ebé envolve aan iha prosesu dezvoltimentu no implementasaun ENPS nian, inklui representante ida husi INSS.

Dezvoltimentu planu asaun no sira-nia kalendarizasaun rasik di'ak liu konsidera ba períodu tinan 3 to'o tinan 5, no dala balun bele tuir governu oioin sira-nia planu seluk ne'ebé dezvoltolve durante períodu hirak-ne'e (hanesan planu estratéjiku MSSI nian). Liutan, planu implementasaun anual estabese roteiru prátiku ba ezeusaun atividade sira ne'ebé planeada. Parte husi Objetivu 3 ENPS nian mak atu hadia mekanizmu kordenasaun, monitorizasaun no avaliasaun, ne'ebé sei sai hanesan baze ba estratéjia nia jestaun, liuhusi orgaun kordenasaun interministerial.

Independente husi metodologia ne'ebé uza, jestaun, kordenasaun no monitorizasaun ba atividade planeada sira-nia implementasaun mak importante liu atu garante ENPS nia ezekusaun ho susesu.

Imajen 7:

Estrutura Governasaun ENPS nian




3.2 Estratêjia Implementasaun nian

ENPS apresenta vizaun jerál ba protesausn sosiál iha Timor-Leste to'o iha tinan 2030. Tan ne'e, inklui de'it deskrisaun badak kona-ba Estratêjia nia objetivu prinsipal, nomós ninia atividade rasik ne'ebé planeada to'o iha tinan 2030. Ne'e duni, iha nesiedade hodi identifika, ho detalhe liu, aspetu oioin atu vizaun ba protesausn sosiál bele sai realidade ida iha kurtu, médiu no longu prazu. Imajen 8 apresenta eskema ida kona-ba dokumentu estratêjiku no operacional oioin nesésáriu ba ENPS nia planeamentu no implementasaun ba limite tempu ne'ebé la hanesan.

Imajen 8:

Estratéjia Implementasaun ENPS nian



Aneksu I apresenta lista ida ho atividade prioritária sira hotu ne'ebé identifika iha ENPS ida-ne'e no indikasaun kona-ba tinan implementasaun atividade idaidak. Lista ne'e bele uza hanesan pontu hahú ba planeamentu no implementasaun detalladu iha kurtu no médiu prazu.

Atividade barak propostu inklui análize no/ka estudu viabilidade kona-ba medida ka alterasaun operacional sira. Hafoin remata estudu no/ka análize hirak-ne'e, presiza foti desizaun, iha nível polítiku nomós iha nível tékniku, hodi bele continua traballu sira-ne'e. Ne'e duni, durante ENPS nia implementasaun, sei iha fatin atu introdús atividade foun nomós atu halo revizaun ba atividade prioritária ne'ebé inklui ona iha Estratéjia nia versaun ida-ne'e.

Hanesan mós, atividade prioritária idaidak ne'ebé propoin iha ENPS rekér asaun no hakaat lubuk balun ba nia implementasaun. Iha planu implementasaun anual presiza inklui detalhe kona-ba asaun hirak-ne'e, no inklui análize kona-ba kondisaun sira ne'ebé nesesáriu hodi ezekuta ho maneira eficiente, no tuir tempu, atividade idaidak (inklui análize ba orsamentu nesesáriu, dokumentasaun legal, nst).

Tabela 14:
Indikadór M&A sira-nian



Objetivu 1: Hamenus Kiak

Indikadór sira:

- Proporsau populasaun ne'ebé moris iha liña kona-ba kiak nian nia okos (liña nasional kona-ba kiak no internasionál nian) tuir seksu, faixa etária, grupu vulnerável no munisípiu sira (Insidénsia kona-ba kiak);
- Proporsau individuú sira ne'ebé legalmente iha kobertura husi programa protesau sosiál, tuir seksu, faixa etária, grupu vulnerável no munisípiu sira (Kobertura legal);
- Proporsau individuú ne'ebé iha duni kobertura husi programa protesau sosiál, tuir seksu, faixa etária, grupu vulnerável no munisípiu sira (Kobertura efetiva);
- Proporsau populasaun ho defisiénsia ne'ebé programa protesau sosiál abranje tuir seksu, faixa etária no munisípiu (Kobertura efetiva);
- Proporsau labarik sira ne'ebé simu Merenda Eskolar tuir seksu, faixa etária no munisípiu (Kobertura efetiva);
- Proporsau agregadu familiar ho labarik ne'ebé simu programa Bolsa da Mãe tuir munisípiu (Kobertura efetiva);
- Valór médiu mensal ba prestasaun monetária naun kontributiva tuir proporsau liña nasional kona-ba kiak nian (Adekausaun);
- Prestasaun monetária sira-nia frekuénsia no durasaun pagamentu.



Objetivu 2: Hadia no Habelar Seguransa Sosiál ba Traballadór sira

Indikadór sira:

- Proporsau traballadór iha idade ativa no empregador sira iha setor formal ne'ebé rejistadu ona no ne'ebé kontribui ba seguransa sosiál, tuir idade, seksu, setor atividade no munisípiu;
- Proporsau traballadór iha idade ativa iha setor informal ne'ebé rejistadu ona no ne'ebé kontribui ba seguransa sosiál, tuir idade, seksu, setor atividade no munisípiu;
- Proporsau traballadór ne'ebé rejistadu ona iha seguransa sosiál no ne'ebé simu ona prestasaun, tuir tipu prestasaun, seksu, faixa etária no munisípiu;



Objetivu 3: Dezenvolvimentu Institusionál

Indikadór sira:

- Númeru funcionáriu sira ne'ebé formadu/kapasitadu ona hodi hadia jestaun, implementasaun no monitorizasaun ba programa protesau sosiál sira;
- Dezenvolvimentu no aprovasaun sistema estatística nian ida ba protesau sosiál;
Aprovasaun ba Lei Baze Protesaun Sosiál nian.

3.3 Monitorizasaun no Avaliasaun

ENPS nia monitorizasaun no avaliasaun mak atu responsabilidade husi grupu traballu interinstitucional nianne'ebé iha misaun hodi desenvolve sistema M&A ENPS nian, prepara traballu iha área estatística no prepara indikadór protesaun sosiál nasionál nian. Grupu traballu ida ne'e inklui tékniku sira iha área M&A no grupu ne'e prezisa integra SE propostu iha Estratéjia ne'e. Grupu sei servisu ho instituisaun implementadór hodi garante katak rekolle, rejista, trata, analiza no fahe beibeik dados sira hotu ne'ebé relevante. Sistema M&A prezisa prodús informasaun tinan-tinan no fó apoiu iha momentu atu foti desizaun no halo planeamentu ba kurtu, médiu no longu prazu.

Bainhira ita konsidera períodu implementasaun ENPS nian, prezisa realiza avaliasaun intermédia ida iha tinan 2025, no prosesu avaliasaun final ida tenke akontese iha tinan 2029-30, hodi avalia rezultadu no impaktu ENPS nian hodi alkansa nia objetivu sira no realiza nia vizaun.

Maibé, sei bele halo avaliasaun periódiku seluk karik grupu traballu no SE ENPS nian konsidera relevante.

Tabela tuirmai apresenta indikadór M&A ENPS nian balun, ne'ebé grupu traballu M&A prezisa haklean bainhira Estratéjia ne'e aprova ona no forma ona grupu ne'e.

3.4. Mobilizasaun Rekursus no Sustentabilidade Finanseiru

Hodi alkansa objetivu sira ne'ebé propoin iha ENPS, prezisa rekursu sira ne'ebé adekuaudu hodi implementa atividade prioritária sira. ENPS bazeia, liuliu, ba rekursu doméstiku sira-nia utilizasaun hodi finansia nia atividade, maibé insentiva koperasaun internasionál atu kolabora iha atividade espesífiku sira-nia implementasaun no atu fó apoiu liuhusi assisténsia téknika, ne'ebé hetan finansiamentu husi fonte esterna sira.

Atu avalia kompromisu finanseiru ne'ebé propostu iha ENPS mak prodús ona estimativa kona-ba kustus ba reforma balun ne'ebé propoin iha ne'e. Estimativa hirak-ne'e buka reflète kobertura transferénsia sosiál naun-kontributivu nia estensaun no/ka aumentu ba benefisiu sira-nia valór. Tipu reforma sira seluk, hanesan sira ne'ebé relaciona ho rejime kontributivu seguransa sosiál nian, ka sira ne'ebé relaciona ho mundansa iha programa nia funksionamentu no kordenasaun, ka

rekomendasaun kualitativu, reker estudu klean liu no ne'ebé hola parte iha atividade sira ne'ebé propoin iha Estratéjia ida ne'e.

Reforma orsamentadu ba programa Bolsa da Mãe inklui: Introdús elejibilidade universal ba labarik sira kiik liu idade tinan 5, hahú bainhira inan isin-rua; introdús elejibilidade universal ba labarik sira ho defisiénsia liuhusi aumentu benefísiu ida-ne'e no; ajusta benefísiu nia valór. Reforma husi programa Merenda Eskolar implika alokasaun total husi orsamentu projetadu no ajusta benefísiu nia valór ba metade husi liña kona-ba kiak alimentar nian. Ba ferik-katuas, ita estima kustus ba introdusaun husi mekanizmu indeksasaun ida ba benefísiu sira ne'ebé liga ho inflasaun ba SAll no teste rikeza nian ida (eskluí sira-ne'ebé ho rendimentu boot liu). Ikus liu, ita estima kustu hodi introdús insentivu atu inan isin-rua sira konsege halo ezame saúde materno-infantil rekomendadu (4 molok bebé moris no 2 depoizde bebé moris).


Bainhira ita konsidera Estratéjia ida-ne'e nia aprovasaun iha tinan 2021 no introdusaun reforma sira iha tinan 2022 kona-ba reforma husi programa Bolsa da Mãe, SAll no introdusaun provizaun ba labarik sira ho defisiénsia no kuidadu materno-infantil, ita halo estimativa ba kustu 1.7% PIB Naun-Petrolíferu nian iha tinan ida-ne'ebá (no aumenta 152 837 ba número benefisiáriu sira).

Valór ne'e aumenta tan ba 5.2% PIB Naun-Petrolíferu ne'ebé presiza hodi implementa programa tuir sira-nia parámetru atuál (Imajen 9), ho total kustus ENPS nian, iha tinan 2022, ho valór 6.9% PIB Naun-Petrolíferu nian. Maibé, tanba espetativa kreximentu ba populasaun no ba ekonomia iha tinan 10 tuirmai, iha tinan 2026 rekursu sira ne'ebé nesesáriu hodi finansia mudansa sira ne'ebé ENPS rekomenda tuun husi 1.7% ba 1.2%, no ikusmai representa de'it 0.9% PIB Naun-Petrolíferu, iha tinan 2030.

Total ne'e, gastu sira husi versaun reformuladu programa Bolsa da Mãe, Merenda Eskolar, SAll nian no introdusaun husi provizaun ba labarik sira ho defisiénsia no ba kuidadu materno-infantil sei representa maizoumenus 3% PIB Naun-Petrolíferu iha em 2030, ka valór ekivalente ho 6.6% despeza total Estadu nian. Investimentu ne'e bele permite aumentu ida husi número benefisiáriu sira maizoumenus 22%, ne'ebé representa benefisiáriu 828 071.

Imajen 9:

Kustu Estimadu ba Reforma (tuur programa) no Status Quo ho % PIB naun petrolíferu, tinan 2021-2030



Estimativa hirak-ne'e tenke interpreta hanesan indikativu ida, no estimativa hirak-ne'e representa kustu nesesáriu hodi realiza totalmente vizaun ne'ebé ENPS sujere hahú kedas husi tinan dahuluk implementasaun nian. Nomós, estimativa kona-ba kustu sira konsentra tiha iha versaun ne'ebé ambisiozu liu husi reforma sira ne'ebé ENPS propoin. Planu implementasaun ba kurtu no médiu prazu sei iha responsabilidade hodi analiza kontestu ekonómiku no espasu fiskál disponível iha períodu idaidak no, ba kazu sira ne'ebé orsamentu disponível la suficiente ba medida balun sira-nia implementasaun total, sei presisa halo proposta ba modalidade implementasaun partiál atu realiza Estratéjia ho maneira graduál.



Kapítulu 4:

Impaktu husi Implementasaun ENPS nian ba kustu sira no ba númeru benefisiáriu

Kapítulu ida-ne'e apresenta impaktu implementasaun ENPS nian ba programa idaidak nia kustu sira (seksaun 5.1, 5.2 no 5.3) no enjerál (seksaun 5.4), nomós estimativa kona-ba númeru benefisiáriu, bainhira konsidera reforma sira-nia senáriu oioin kompara ho senáriu atual (Status Quo).

4.1 Projesaun Ekonómika sira

Tabela tuirmai apresenta projesaun ba indikadór ekonómiku prinsipál, ne'ebé uza hodi kalkula programa idaidak nia kustu sira entre tinan 2021 no tinan 2030. Projesaun sira hatudu ba kontrasaun PIB nian to'o iha tinan 2023, maibé rekuperasaun ida lais hahú husi tinan 2024. Ita projeta inflasaun atu nafatin estável hahú husi tinan 2023, enkuantu produtividade tuun iha periodu konsideradu. Ita prevee melloria ida ba kondisaun merkadu traballu nian, inklui aumentu partisipasaun forsa traballu no informalidade merkadu traballu nia diminuisaun.

Tabela 15:
Projesaun Ekonómika (2021-30)

Indikadór	2021	2022	2023	2024	2025	2026	2027	2028	2029	2030
PIB real naun petrolíferu (Millaun USD)	1522	1568	1521	1459	1386	1302	1209	1111	1010	907
Kreximentu real PIB naun petrolíferu (%)	3,5%	3,1%	-3,0%	-4,0%	-5,1%	-6,1%	-7,1%	-8,1%	-9,1%	-10,1%
Taxa Inflasaun (%)	0,5%	1,1%	0,5%	0,5%	0,5%	0,5%	0,5%	0,5%	0,5%	0,5%
Reseita Pùblika (Millaun USD)	1280,8	533,5	561,1	588,2	614,7	640,9	666,7	692,1	718,2	743,9
Despezas Pùblika (Millaun USD)	1117,2	1180,1	1233,0	1294,3	1361,6	1434,2	1513,5	1597,3	1672,1	1750,1
Taxa Partisipasaun iha Forsa Traballu (%)	31,5%	31,9%	32,3%	32,7%	33,1%	33,5%	33,9%	34,3%	34,7%	35,1%
Taxa Informalidade Empregu nian (%)	68,5%	68,1%	67,7%	67,3%	66,9%	66,5%	66,1%	65,7%	65,3%	64,9%
Produtividade Traballu nian (USD ba traballadór idaidak)	2570	2560	2401	2229	2050	1862	1674	1488	1308	1137

4.2 Projesaun Kona-ba Kustu sira no Númeru Benefisiáriu Bainhira ita Konsidera Altearasaun ba Prigrama sira B Ne'ebé Eziste Ona

Seksaun ida-ne'e apresenta variasaun kona-ba kustu sira no númeru benefisiáriu hafoin hatama alterasaun reforma nian, iha programa balun ne'ebé eziste ona, no ne'ebé ENPS propoin ba período husi tinan 2021 to'o iha tinan 2030. Tabela idaidak apresenta, dahuluk, estimativa no projesaun kona-ba kustu sira ba programa idaidak karik programa sira la iha alterasaun (status quo). Senáriu ida-ne'e kalkula bainhira valór real benefisiu sira-nia mantein nafatin konstante ba período ne'ebé refere, no ita konsidera katak valór nominal tinan idaidak nian ba benefisiu idaidak ajusta tuir proporsaun ne'ebé hanesan ho inflasaun. Daruak, Tabela apresenta estimativa no projesaun kona-ba kustu sira no númeru benefisiáriu ne'ebé rezulta husi alterasaun ne'ebé ENPS propoin hahú husi tinan 2021. Ikusliu, parte ikus husi Tabela idaidak dedika ba komparasaun entre senáriu rua no sira-nia rezultadu rasik.

4.2.1 Programa Bolsa da Mãe

Reforma ne'ebé propoin ba programa Bolsa da Mãe, ne'ebé apresenta iha Tabela 16 tuirmai, representa senáriu ambisiosu liu ne'ebé hasai husi ENPS nia vizaun. Reforma inklui konverte programa ne'e ba programa universál ba labarik sira ho idade to'o tinan lima (no mantein formatu agora daudaun nian ba labarik sira ho idade husi tinan 6 to'o tinan 17), no aumenta valór ne'ebé labarik idaidak simu ba dobru (ne'e katak aumenta husi USD 5 ba USD 10). Ita nia objetivu, bainhira konsentra análize iha senáriu ida ne'ebé ambisiosu liu, hakarak hatudu kustu másimu husi reforma ne'ebé proposta ba programa. Ita presiza dezenvolve senáriu intermédiu iha planu implementasaun sira ba kurtu no médiu prazu karik introdusaun gradual ba reforma hirak-ne'e avansa tuir limitasaun sira espasu fiskál tinan-tinan nian. Ne'e bele inklui, porezemplu, aplikasaun universalidade ba faixa etária ida kiik liu (porezemplu ba loraun 1000 dahuluk nian deit) ka aplikasaun posteriór ba aumentu iha benefisiu mensal nia valór.

Tabela 16:

Estimativa no projesaun kona-ba kustu no númeru benefisiáriu sira husi reforma ba programa Bolsa da Mãe (2021-30)

Parámetru sira	2021	2022	2023	2024	2025	2026	2027	2028	2029	2030
Status Quo: Mantein taxa inskrisaun no nível benefísiu konstante iha termus real.										
Númeru Benefisiáriu sira	158 657	158 013	157 411	156 859	156 337	155 887	155 546	155 266	155 006	154 724
Prestasaun ba ema ida-idak (USD)	60	61	61	62	62	62	63	63	63	64
Kustu Projetadu (USD Millaun)	9.62	9.69	9.70	9.72	9.74	9.76	9.79	9.83	9.86	9.90
hanesan % PIB naun petrolíferu	0.50%	0.48%	0.44%	0.41%	0.38%	0.35%	0.32%	0.30%	0.28%	0.26%
hanesan % Despeza Públika	0.86%	0.82%	0.79%	0.75%	0.72%	0.68%	0.65%	0.62%	0.59%	0.57%
Reforma Propostu: Universál ba labarik sira ho idade husi tinan 0 to'o tinan 5, teste rendimentu sira ba labarik ho idade husi tinan 6 to'o tinan 17, aumenta benefísiu ba US \$ 10 fulan-fulan (valór sira husi 2019) no mantein konstante tuir termus réal										
Númeru Benefisiáriu sira	296 356	294 496	292 951	291 736	290 827	290 481	290 617	290 867	291 189	291 541
Prestasaun ba ema idaidak (USD)	125	126	127	127	128	129	129	130	131	131
Kustu Projetadu (USD Millaun)	40.62	40.81	40.81	40.86	40.94	41.11	41.35	41.60	41.87	42.14
hanesan % PIB naun petrolíferu	2.11%	2.03%	1.87%	1.73%	1.59%	1.47%	1.37%	1.27%	1.18%	1.10%
hanesan % Despeza Públika	3.50%	3.33%	3.19%	3.04%	2.90%	2.76%	2.63%	2.51%	2.41%	2.32%
Diferensa estimada entre Status Quo no programa hafoin halo reforma proposta										
Númeru Benefisiáriu sira	137 699	136 483	135 540	134 877	134 490	134 594	135 071	135 601	136 183	136 816
Kustu Projetadu (USD Millaun)	29.49	29.61	29.60	29.62	29.69	29.83	30.02	30.23	30.45	30.68
hanesan % PIB naun petrolíferu	1.53%	1.47%	1.36%	1.25%	1.16%	1.07%	0.99%	0.92%	0.86%	0.80%
hanesan % Despeza Públika	3.64%	3.46%	3.31%	3.16%	3.01%	2.87%	2.73%	2.60%	2.50%	2.41%

Tuir projesaun kona-ba senáriu Status Quo, númeru benefisiáriu nomós kustu sira ba programa Bolsa da Mãe (hanesan % PIB naun petrolíferu), sei tuun neneik-neneik husi tinan 2021 to'o tinan 2030. Iha senáriu ida ne'e, programa sei iha benefisiáriu 154 724 iha tinan 2030, no nia kustu mak maizoumenus 0.26% PIB nian (kompara ho 0.50% iha tinan 2021). Importante hateten katak ida ne'e mak akontese duni maski iha aumentu anual ba prestasaun sira-nia valór atu kompensa folin ne'ebé sae (ne'e katak, inflasaun).

Kona-ba buat ne'ebé refere ba reforma ne'ebé proposta, diferença boot dahuluk ne'ebé importante atu hatudu mak aumentu boot husi númeru benefisiáriu sira, ne'ebé bele to'o 291 541 iha tinan 2030, no ne'ebé reprezenta kuaze dobru husi númeru projetadu iha senáriu molok ida-ne'e. Kona-ba kustu sira, programa bele kusta, hafoin implementasaun total husi reforma hirak-ne'e, 1.10% PIB naun petrolíferu ka 2.32% husi despeza total governu nian, iha tinan 2030.

Iha kurtu prazu, implementasaun total husi reforma hirak-ne'e sei representa aumentu ida ho valor maizou menus millaun 30 USD , tinan-tinan. Alternativa seluk, atu mantein programa laho alterasaun sei presiza orsamentu ida millaun 10 USD , iha tinan 2021, karik taxa inskrisaun no numeru benefisiariu anual foun nafatin konstante.

4.2.2 Programa Merenda Eskolar

Tabela tuirmai prezenta estimativa kona-ba variasaun kustu no numeru benefisiariu sira kona-ba reforma proposta ba programa Merenda Eskolar. Reforma ida-ne'e inklui aumentu husi valor disponivel ba labarik idaidak no ba refeisaun idaidak ba USD 0,42, ne'ebé representa metade husi liña kona-ba kiak alimentár nian.

Tabela 17:

Estimativa no projesaun kona-ba kustu no numeru benefisiariu sira ba reforma programa Merenda Eskolar nian (2021-30)

Parámetru sira	2021	2022	2023	2024	2025	2026	2027	2028	2029	2030
Status Quo: Mantein nível kobertura no benefisiu konstante tuir termus real.										
Númeru Benefisiáriu sira	405 535	404 889	404 010	402 755	400 951	398 355	395 296	392 237	389 297	386 878
Prestasaun ba ema idaidak (USD)	52	53	53	53	54	54	54	55	55	55
Kustu Projetadu (Millaun USD)	13,72	13,85	13,89	13,92	13,93	13,91	13,88	13,84	13,81	13,80
hanesan % PIB naun petrolíferu	0,71%	0,69%	0,64%	0,59%	0,54%	0,50%	0,46%	0,42%	0,39%	0,36%
hanesan % Despeza Públika	1,23%	1,17%	1,13%	1,08%	1,02%	0,97%	0,92%	0,87%	0,83%	0,79%
Reforma propostu: Fornese metade Liña kona-ba Kiak Alimentar nian (US \$ 0,42 ba loron ida-idak eskola nian no ba loron 200 tinan-tinan), no mantein konstante iha termus real										
Númeru Benefisiáriu sira	405 535	404 889	404 010	402 755	400 951	398 355	395 296	392 237	389 297	386 878
Prestasaun ba ema idaidak (USD)	85	86	86	87	87	88	88	89	89	90
Kusto Projetadu (USD Millaun)	37,96	38,08	38,42	38,50	38,53	38,48	38,39	38,29	38,21	38,17
hanesan % PIB naun petrolíferu	1,97%	1,89%	1,76%	1,63%	1,50%	1,38%	1,27%	1,17%	1,08%	0,99%
hanesan % Despeza Públika	3,40%	3,23%	3,12%	2,97%	2,83%	2,68%	2,54%	2,40%	2,29%	2,18%
Diferensa estimada Status Quo nian ba Política Reformada										
Númeru Benefisiáriu sira	0	0	0	0	0	0	0	0	0	0
Kustu Projetadu (USD Millaun)	24,24	24,24	24,53	24,58	24,60	24,57	24,51	24,45	24,39	24,37
hanesan % PIB naun petrolíferu	1,26%	1,20%	1,12%	1,04%	0,96%	0,88%	0,81%	0,75%	0,69%	0,64%
hanesan % Despeza Públika	2,17%	2,05%	1,99%	1,90%	1,81%	1,71%	1,62%	1,53%	1,46%	1,39%

Tuir reforma propostu nia natureza, laiha variasaun ba numeru benefisiariu programa nian. Kustu sira ne'ebé asosia ho reforma ne'e representa aumentu ida ho valor USD millaun 24 iha programa nia

orsamentu ba tinan 2021. Hanesan ne'e, programa Merenda Eskolar nia versaun foun sei iha kustu 1.97% PIB naun petrolíferu, iha tinan 2021, ne'ebé sei hatuun ba 0.99% iha tinan 2030, bainhira ita konsidera kreximentu ekonómiku projetadu to'o iha tinan 2030.

4.2.3 Subsídio de Apoio a Idosos e Inválidos

Alterasaun sira ne'ebé propostu ba programa SAll ninia konsekuénsia mak hamenus programa nia kustu no número beneficiáriu sira.

Estimativa mak ita apresenta iha Tabela tuirmai.

Tabela 18:

Estimativa no projesaun kona-ba kustu no número beneficiáriu sira husi programa SAll nia reforma (2021-30)

Parámetru sira	2021	2022	2023	2024	2025	2026	2027	2028	2029	2030
Status Quo: Mantein taxa okupasaun no nível benefisiu konstante tuir termus real.										
Númeru Benefisiáriu sira	106 322	108 675	111 064	113 653	116 548	119 752	123 232	126 977	130 956	135 138
Prestasaun ba ema idaidak (USD)	374	378	380	382	384	386	388	390	392	394
Kustu Projetadu (Millaun USD)	43.72	45.18	46.42	47.75	49.22	50.84	52.60	54.48	56.48	58.59
hanesan % PIB naun petrolíferu	2.27%	2.25%	2.13%	2.02%	1.92%	1.82%	1.74%	1.66%	1.59%	1.53%
hanesan % Despeza Públika	3.91%	3.83%	3.76%	3.69%	3.62%	3.55%	3.48%	3.41%	3.38%	3.35%
Reforma Propostu: Programa sujeitu ba kondisaun rekursu sira no ho nível benefisiu konstante tuir termus real.										
Númeru de Benefisiáriu	101 994	104 250	106 542	109 026	111 803	114 876	118 215	121 808	125 627	129 639
Prestasaun ba ema idaidak (USD)	374	378	380	382	384	386	388	390	392	394
Kusto Projetadu (Millaun USD)	41.94	43.34	44.53	45.80	47.22	48.77	50.46	52.26	54.19	56.21
hanesan % PIB naun petrolíferu	2.18%	2.15%	2.04%	1.93%	1.84%	1.75%	1.67%	1.59%	1.53%	1.46%
hanesan % Despeza Públika	3.75%	3.67%	3.61%	3.54%	3.47%	3.40%	3.33%	3.27%	3.24%	3.21%
Diferensa estimadu entre Status Quo no programa hafoin reforma proposta										
Númeru Benefisiáriu sira	-4328	-4424	-4522	-4628	-4745	-4876	-5017	-5169	-5330	-5499
Kustu Projetadu (Millaun USD mi-lhã)	-1.78	-1.84	-1.89	-1.94	-2.00	-2.07	-2.14	-2.22	-2.30	-2.38
hanesan % PIB naun petrolíferu	-0.09%	-0.09%	-0.09%	-0.08%	-0.08%	-0.07%	-0.07%	-0.07%	-0.06%	-0.06%
hanesan % Despeza Públika	-0.16%	-0.16%	-0.15%	-0.15%	-0.15%	-0.14%	-0.14%	-0.14%	-0.14%	-0.14%

Introdusaun husi teste rikeza ida ba beneficiáriu sira SAll nian bele poupa dolár amerikanu millaun 1,78 iha tinan 2021, no dólár amerikanu millaun 2,38, tanba número beneficiáriu sira tuun husi programa nia alterasaun sira. Redusaun ne'e bele hamenus beneficiáriu 5499 iha 2030. Ne'e sujere katak frasaun kiik ida husi beneficiáriu atual mak sai

husi programa ne'e (maizoumenus 4%), enkuantuké alterasaun sira bele reprezenta poupansa significativu ne'ebé bele direciona ba programa sira seluk.

4.3 Projesaun Kona-ba Kustu no Númeru Benefisiáriu sira Haree ba Introdosaun husi Provizaun foun

Seksaun ida-ne'e prezenta estimativa sira no projesaun kona-ba kustu no númeru benefisiáriu sira hanesan rezultadu husi introdusaun provizaun balun ne'ebé prevee iha ENPS. Hanesan iha seksaun molok ida-ne'e, estimativa no projesaun prezenta ba periodu tinan 2021 to'o tinan 2030.

4.3.1 Provizaun ba Labarik sira ho Defisiência

Tabela 19 prezenta kustu no númeru benefisiáriu sira hanesan rezultadu husi aumentu valór prestasaun programa Bolsa da Mãe ba labarik ho defisiência ba valór hanesan SAll sira-nian, ne'e katak husi USD 5/fulan ba USD 30/fulan. Hanesan iha área seluk kapitulu ida-ne'e nian, prestasaun nia valór ajusta tinan-tinan hodi asegura prestasaun nia valór real mantein nafatin konstante ba periodu konsideradu.

Tabela 19:

Estimativa no projesaun kona-ba kustu no númeru benefisiáriu husi aumentu prestasaun programa Bolsa da Mãe ba labarik sira ho defisiência (2021-30)

Parámetru sira	2021	2022	2023	2024	2025	2026	2027	2028	2029	2030
Reforma Proposta: Aumenta provizaun ba programa Bolsa da Mãe ba labarik sira ho defisiência, ba valór ne'ebé hanesan ho prestasaun programa SAll nian, nafatin konstante iha termos real.										
Númeru Benefisiáriu sira	1441	1435	1430	1425	1420	1416	1413	1410	1408	1405
Prestasaun ba ema idaidak (USD)	372	374	378	380	382	384	386	388	390	392
Kustu Projetadu (USD Millaun)	0.59	0.60	0.60	0.60	0.60	0.60	0.60	0.60	0.61	0.61
hanesan % PIB naun petrolíferu	0.03%	0.03%	0.03%	0.03%	0.02%	0.02%	0.02%	0.02%	0.02%	0.02%
hanesan % Despeza Pùblica	0.05%	0.05%	0.05%	0.05%	0.04%	0.04%	0.04%	0.04%	0.04%	0.03%

lterasaun ne'ebé propostu liuhusi provizaun ida-ne'e nia introdusaun sei benefisia labarik liu 1 400 tinan-tinan, ho kustu maizoumentus USD 590 000 iha tinan 2021, no ho kustu ne'ebé aumenta ba USD 610 000

iha tinan 2030 (maski sei representa frasaun PIB naun petrolíferu nomós Despeza Públika nian kiik liu).

4.3.2 Prestasaun ba Kuidadu Materno-Infantil

Seksaun ida-ne'e analiza kustu ne'ebé nesésáriu hodi finansia insentivu ne'ebé dirije ba inan atu sira bele desloka aan ba konsulta pré-natal no konsulta pós partu. Insentivu sira mak USD 5 ba konsulta ida to'o iha montante másimu konsulta haat pré-natal nian no USD 10 ba másimu konsulta rua pós partu. Totál, inan idaidak simu valór másimu USD 40 karik benefisia husi totál konsulta neen durante períodu ida-ne'e.

Tabela 20:

Estimativa no projesaun kona-ba kustu no número benefisiáriu sira husi introdusaun insentivu ba kuidadu materno-infantil (2021-30)

Parámetru sira	2021	2022	2023	2024	2025	2026	2027	2028	2029	2030
Reforma proposta: Benefisiu USD 5 ba konsulta pré-natal nian-ida husi haat no USD 10 ba ezame pós-partu nian-ida husi rua, nafatin konstante tuir termus real.										
Númeru Benefisiáriu sira	18 025	18 112	18 157	18 158	18 107	18 168	18 342	18 473	18 562	18 608
Prestasaun ba ema idaidak (USD)	42	42	42	42	43	43	43	43	44	44
Kustu Projetadu (USD Millaun)	0.82	0.84	0.84	0.85	0.85	0.86	0.87	0.88	0.89	0.90
hanesan % PIB naun petrolíferu	0.04%	0.04%	0.04%	0.04%	0.03%	0.03%	0.03%	0.03%	0.03%	0.02%
hanesan % Despeza Públika	0.07%	0.07%	0.07%	0.07%	0.06%	0.06%	0.06%	0.06%	0.05%	0.05%

4.4 Projesaun Kona-ba Kustu no Númeru Benefisiáriu sira Haree ba ENPS nia Implementasaun Totál

Iha seksaun ikus kapitulu ida-ne'e nian, ita apresenta komparasaun entre variaun totál númeru benefisiáriu sira-nian no kustu sira husi realizasaun totál ENPS nia vizaun ba protesauun sosiál iha Timor-Leste to'o iha tinan 2030.

Kona-ba senáriu Status Quo, alterasaun úniku ba programa sira refere ba prestasaun nia ajustamentu atu bele mantein sira-nia valór réal konstante.

Importante atu subliña katak reforma sira-ne'ebé proposta no analizada iha kapitulu ida-ne'e representa ENPS nia senáriu ambisiosu liu bainhira implementa totalidade ENPS to'o iha tinan 2030. Planu implementasaun

ba kurtu no médiu prazu prezisa haklean análize kona-ba kustu sira ne'ebé relasiona ho ezekusaun ENPS nian hodi identifika alterasaun proposta posível atu implementa iha tinan idaidak to'o ENPS nia realizasaun total to'o iha tinan 2030.

Tabela 21:

Estimativa no projesaun kona-ba kustu no número beneficiáriu sira husi implementasaun total ENPS nian (2021-30)

Parámetru sira	2021	2022	2023	2024	2025	2026	2027	2028	2029	2030
Status Quo										
Númeru Benefisiáriu sira	670 514	671 577	672 485	673 268	673 837	673 994	674 075	674 480	675 260	676 740
Kustu Projetadu (USD Millaun)	67,1	68,7	70,0	71,4	72,9	74,5	76,3	78,2	80,2	82,3
hanesan % PIB naun petrolíferu nian	3,5%	3,4%	3,2%	3,0%	2,8%	2,7%	2,5%	2,4%	2,3%	2,1%
hanesan % Despeza Públika	6,0%	5,8%	5,7%	5,5%	5,4%	5,2%	5,0%	4,9%	4,8%	4,7%
Reforma Proposta										
Númeru Benefisiáriu sira	823 351	823 183	823 090	823 100	823 108	823 295	823 883	824 795	826 083	828 071
Kustu Projetadu (USD Millaun)	121,9	123,7	125,2	126,6	128,1	129,8	131,7	133,6	135,8	138,0
hanesan % PIB naun petrolíferu nian	5,2%	5,0%	4,7%	4,4%	4,1%	3,9%	3,6%	3,4%	3,2%	3,0%
hanesan % Despeza Públika	8,9%	8,6%	8,3%	8,0%	7,8%	7,5%	7,2%	7,0%	6,8%	6,6%
Diferensa Total										
Númeru Benefisiáriu sira	152 837	151 606	150 605	149 832	149 271	149 301	149 808	150 315	150 823	151 330
Kustu Projetadu (USD millaun)	54,9	55,0	55,2	55,2	55,2	55,3	55,4	55,5	55,6	55,7
hanesan % PIB naun petrolíferu nian	1,7%	1,6%	1,5%	1,4%	1,3%	1,2%	1,1%	1,0%	0,9%	0,9%
hanesan % Despeza Públika	2,9%	2,8%	2,6%	2,5%	2,4%	2,3%	2,2%	2,1%	2,0%	1,9%

Introdusaun husi alterasaun sira hotu ne'ebé ENPS propoin hahú husi tinan dahuluk implementasaun nian bele representa aumentu boot liu 22% ba número beneficiáriu sira-nian. Ne'e signifika katak, tinan-tinan, ema 150 000 liu bele benefisia husi programa protesaun sosiál oioin. Iha tinan 2030, ida ne'e signifika beneficiáriu kuaze 830 000, aumentu significativu ida kompara ho beneficiáriu 676 740 karik la implementa reforma propostu nein ida⁴⁸.

Kona-ba kustu sira, alterasaun ne'ebé ENPS propoin ba tinan dahuluk implementasaun nian bele representa kustu adisional 1,7% PIB naun petrolíferu, no valór ne'e tuun ho maneira gradual to'o atinje 0,9 % PIB nian iha tinan 2030. Tuir termus nominais, kompara ho Status Quo, kustu sira ho programa protesaun sosiál bele sae husi dólar millaun

⁴⁸ Importante atu hatete katak ida-ne'e la signifika katak timoroan 830.000 sei benefisia husi Protosaun Sosiál, tanba ema ida bele elegivel ba programa barak liu ida hanesan, porezemplu, feto ida besik atu tuur-ahi sei bele iha asesu ba provizaun materno-infantil ne'ebé ENPS introdús, maibé bele mós elejivel atu partisipa iha programa Bolsa da Mãe.

67 ba dólar millaun 122. Iha tinan 2030, valór bele sae ba dólar millaun 138, maski aumentu ne'e kiik liu duké ida ne'ebé prevee ba kreximentu ekonómiku iha período ne'ebé hanesan.

Presiza nota ikus atu subliña katak estimativa sira ne'ebé apresenta iha kapitulu ne'e bazeia ba projesaun ekonómika ne'ebé apresenta iha seksaun 5.1. Alterasaun ba kontestu demográfiku no sosioekonómiku nasaun nian sei hamosu desviu ba estimativa ne'ebé apresenta. Aumenta tan katak, dadus barak ne'ebé utiliza ba indikadór ekonómiku sira-nia modelasaun mak uza período dook liu husi realidade atual, hanesan kazu Sensus 2015, númeru oficial sira observadu ba variável sira sei lahanesan ho estimativa hirak-ne'ebé apresenta iha ne'e. Maibé, estimativa hirak-ne'e representa estimativa no projesaun ne'ebé besik liu bazeia ba dadu sira ne'ebé disponível. Dokumentu implementasaun na kurtu no médiu prazu, iha tempu oin mai, presiza konsidera estimativa hirak-ne'e sira-nia atualizasaun bazeia ba dadu sira resente liu bainhira disponível ona.







Aneksu I:

Lista Kona-ba Atividade Prioritária ENPS nian



Tabela 22 apresenta atividade prioritária hotu-hotu ne'ebé identifika iha ENPS, nomós tinan ida-ne'ebé atividade hirak-ne'e tenke implementa.

Tabela 22:

Lista Kompletu kona-ba Atividade Prioritária ENPS nian

Nº	Deskrisaun ba Atividade	KURTU PRAZU			MÉDIU PRAZU			LONGU PRAZU			
		2021	2022	2023	2024	2025	2026	2027	2028	2029	2030
Objetivu 1 – Hamenus Kiak											
1.1. Habelar apoiu ba grupu sira ne'ebé vulnerável liu											
1.1.1	Avalia impaktu husi programa sira-nia insidénsia, adekuasaun no impaktu potensial ba grupu sira ne'ebé vulnerável liu, (inklui dezagregasaun tuir jéneru), nomós oportunidade hodi hadia efisiénsia no efikásia sistema protesausn sosiál nian.		X	X							
1.1.2	Revee no aprova politika nasionál ba ema ho defisiénsia	X	X								
1.1.3	Dezenvolve tabela inkapasidade sira-nian ida hodi kria pa-draun atu identifika tipu no nivel invalidés/inkapasidade.	X	X								
1.1.4	Nakfla kobertura ba labarik sira ho defisiénsia universál liuhusi programa Bolsa da Mãe, ho benefisiu ida ho montante hanesan ho SAll nian.		X								
1.1.5	Estabelese Konsellu Nasionál Integrasaun Ema ho Defisiénsia ho representasaun igualitária entre mane no feto.	X	X								
1.1.6	Ratifika Konvensaun Internasionál Direitus ba Ema ho Defisiénsia.		X								
1.1.7	Halo avaliasaun kona-ba kriasaun provizaun hodi fó apoiu ba traballadór rural ne'ebé lakon sira-nia produsaun/kolleita.			X	X	X	X	X	X		
1.2. Hadia sistema transferénsia sosiál monetária											
1.2.1	Dezenvolve indikadór ida ba indeksasaun husi valór benefisiu protesausn sosiál sira-nia, ne'ebé independente husi valór saláriu mínimu funsaun públika nian.		X	X							
1.2.2	Verifika possibilidade introdusaun teste afluénsia ida ba SAll no Bolsa da Mãe, ne'ebé konsidera dados rejime kontributivu nian no fonte dados Governu nian sira seluk ne'ebé disponível.		X	X							

Nº	Deskrisaun ba Atividade	KURTU PRAZU			MÉDIU PRAZU			LONGU PRAZU			
		2021	2022	2023	2024	2025	2026	2027	2028	2029	2030
1.2.3	Hahú aplikasaun anuál husi indikadór indeksasaun foun ba programa sira hotu ne'ebé envolve transferénsia monetária.			X	X	X	X	X	X	X	X
1.2.4	Dezenvolve sistema pagamentu benefísiu sira-nian ida ne'ebé úniku no integradu ba programa protesausn sosiál sira hotu.		X	X							
1.2.5	Haforsa informatizasaun no dezenvolve opsaun atu dijitaliza prosesu operacional sira ne'ebé fó apoiu ba jestaun no implementasaun transferénsia sosiál monetária.	X	X	X							
1.3 Aumenta Apoiu ba Nutrisaun											
1.3.1	Nakfila programa Bolsa da Mãe ba universal ba labarik sira ho idade to'o tinan 3.	X	X	X	X						
1.3.2	Revee prosesu implementasaun programa Merenda Eskolár, inklui prosesu hodi sosa no prepara ai-han, prosesu hili fornecedor sira no respeita padraun qualidade no transparénsia.	X	X	X	X						
1.3.3	Revee menu eskolár ho maneira ne'ebé bele hatán ba labarik sira-nia nesesidade nutricional.	X	X	X	X						
1.3.4	Kordena protesausn sosiál nia intervensaun liuhusi programa Edukasaun Alimentár, Nutricional no Ijiene besik bomunidade sira.	X	X	X	X	X	X	X	X	X	X
1.4 Fasilita Asesu ba Saúde no ba Edukasaun											
1.4.1	Propoin maneira oinsá bele hadia servisu ambulánsia sira-nian, fasilita kontaktu ho servisu, habelar nia disponibilidade no hamenus tempu resposta sira-nian.		X	X	X						
1.4.2	Estuda viabilidade hodi fó reembolsu ba gastu privadu ho transporte to'o iha fatin servisu saúde bainhira situausaun emergjénsia no ba ema iha situausaun vulnerável.					X	X	X	X		
1.4.3	Avalia kustu no impaktu envolvidu hodi halo programa SISCA no Saúde na Familia regular no previsível liu, ho aumentu husi frekuénsia vizita sira-nian no oferese servisu barak liu ba komunidade no ba sidadaun hotu-hotu.		X	X	X	X	X	X	X		
1.4.4	Integra, tuir possibilidade ne'ebé iha, informasaun entre provizaun servisu saúde nian no provizaun benefísiu sosiál sira, inklui sira-nia rejistu rasik no baze dadu administrativu sira.					X	X	X	X	X	X
1.4.5	Kria mekanizmu hodi hamenus kustu ne'ebé relasiona ho asesu ba saúde ka insetivu ba inan sira ne'ebé tuir ezame pré-natal no pós-partu.		X	X	X						
1.4.6	Revee possibilidade hodi integra insetivu atu inan sira bele tuir ezame pré-natal no pós-partu iha programa Bolsa da Mãe.	X	X	X	X	X	X	X	X	X	X
1.4.7	Realiza asaun edukasaun no sensibilizasaun ne'ebé relasiona ho saúde, no halakon barreira ne'ebé limita asesu ba servisu ba programa protesausn sosiál sira-nian.	X	X	X	X	X	X	X	X	X	X
1.4.8	Estuda medida hodi halakon barreira asesu ba eskola, haree ba estudu sira ne'ebé dezenvolve ona.	X	X	X	X						

Nº	Deskrisaun ba Atividade	KURTU PRAZU			MÉDIU PRAZU			LONGU PRAZU			
		2021	2022	2023	2024	2025	2026	2027	2028	2029	2030
1.4.9	Promove importánsia husi Edukasaun no nia retornu ba longu prazu, no rekoñese protesauñ sosiál nia knaar nu'udar fasilitadór ba prosesu ne'e.	X	X	X	X	X	X	X	X	X	X
1.5 Haforsa Prevensaun no Resposta ba Dezastre											
1.5.1	Delimita responsabilidade estratéjika no operasionál husi governu nia instituisaun oioin hodi hatán ba situaun dezastre natural, krize umanitariu no xoke oioin sira seluk.	X	X								
1.5.2	Esplora opsaun hodi haforsa kapasidade protesauñ sosiál kona-ba prevensaun no resposta ba situaun dezastre natural, krize umanitariu no xoke oioin sira seluk, liuhusi fleksibilizaun no adaptaun programa no sistema sira, inklui sistema informaun sira-nia integraun.	X	X	X	X						
 Objetivu 2 – Hadia no Habelar Seguransa Sosiál ba Traballadór sira											
2.1 Dezenvolve Sistema Seguransa Sosiál Kontributivu											
2.1.1	Konsolida Rejime Seguransa Sosiál Kontributivu.	X	X	X	X	X					
2.1.2	Estuda oinsá introdús provizaun ida ba kazu moras, inklui rejime espesiál ida ba kazu moras ne'ebé harisku saúde públika nian.	X	X								
2.1.3	Garante katak parte interesadu sira hotu iha rejime Seguransa Sosiál Kontributivu envolve aan, liuliu parseiru sosiál sira.	X	X								
2.1.4	Kria no regulamenta pensaun mínima nia valór.	X	X								
2.1.5	Verifika possibilidade hodi implementa Protesaun ba Dezempregu.			X	X	X					
2.1.6	Esplora possibilidade hodi implementa abonu familia.							X	X	X	X
2.2 Dezenvolve Institutu Nasionál Seguransa Sosiál (INSS)											
2.2.1	Dezenvolve INSS nu'udar instituisaun ida ne'ebé modernu, eficiente no transparente.	X	X	X	X	X	X	X	X		
2.2.2	Esplora oportunidade sinergia no gañu eskala nian iha integraun rejime seguransa sosiál kontributivu no naun kontributivu.	X	X	X	X						
2.2.3	Estuda possibilidade hodi kria kargu ba inspetór seguransa sosiál nian.	X	X								
2.2.4	Kria mekanizmu atu traballadór sira iha empregu informál, agrikultura subsisténsia no traballu vulnerável seluk, bele partisipa iha sistema seguransa sosiál.	X	X	X	X						
 Objetivu 3 – Dezenvolvimentu Institusionál											
3.1 Programa sira-nia Kordenasaun no Integraun											
3.1.1	Dezenvolve modelu kordenasaun interministerial nian ida entre programa sosiál oioin, hodi aumenta programa no atividade previstu iha ENPS sira-nia efikásia no eficiência.	X									

Nº	Deskrisaun ba Atividade	KURTU PRAZU			MÉDIU PRAZU			LONGU PRAZU			
		2021	2022	2023	2024	2025	2026	2027	2028	2029	2030
3.1.2	Promove kordenasaun operasionál kona-ba programa prote-saun sosiál oioin ne'ebé iha interesau ba malu.	X	X								
3.1.3	Haluan no habelar kordenasaun operasionál no servisu dexentralizadu.	X	X	X	X	X					
3.1.4	Esplora asaun armonizasaun no kordenasaun servisu tekno-logia informasaun sira no baze dadus entre programa prote-saun sosiál sira-nian.	X	X	X	X	X	X	X	X	X	X
3.1.5	Integra programa traballu públiku, Empregu Rural no Dalan ba Dezenvolvimentu, hodi evita duplikasaun esforsu, aprovei-ta ekonomia eskala nian no hadia sistema nia efisiénsia.		X	X	X	X	X				
3.2 Kapasitasaun Rekursus Umanus											
3.2.1	Kria planu dezenvolvimentu kapasidade sira-nian ida ba ati-vidade protesau sosiál bazeia ba análise no sistematizasaun kona-ba kapasidade atuál.	X	X	X	X	X	X	X	X	X	X
3.2.2	Esplora oportunidade sira husi Fundu Dezenvolvimentu Kapi-tál Umanu ho maneira sistemátika hodi hatán ba nesesidade kapasitasaun rekursus umanus, no assegura paridade jéneru.	X	X	X	X	X	X	X	X	X	X
3.2.3	Promove kursu formasaun iha área protesau sosiál.	X	X	X	X	X	X	X	X	X	X
3.2.4	Kria no forma ekipa iha área protesau sosiál hodi bele fó apoiu iha nivel dexentralizadu.	X	X	X	X	X					
3.3 Dezenvolve Sistema Monitorizasaun no Avaliasaun nian ida											
3.3.1	Kria grupu traballu interinstitucionál ho misaun atu dezenvol-ve sistema M&A ENPS nian no prepara traballu iha área esta-tística no indikadór protesau sosiál nasional sira-nian.	X	X								
3.3.2	Analiza kustu, rekursu no informasaun sira nesesáriu ba de-zenvolvimentu traballu iha área estatística no indikadór pro-tesaun sosiál nasional sira nian.	X	X								
3.3.3	Analiza possibilidade hodi kria unidade ida transversál M&A nian iha MSSI nia orgánika.	X	X								
3.4 Fortalese Baze Legál Protesaun Sosiál nian											
3.4.1	Kria Lei Baze Protesaun Sosiál nian no ninia regulamentasaun rasik.	X	X								
3.4.2	Halo revizaun ba lejislasaun protesau sosiál ne'ebé vigora.	X	X	X							
3.5.3	Haforsa baze legál husi programa sira ne'ebé implementa ona liuhusi de'it dekreto ministeriál.	X	X	X	X						
3.5 Hadia Finansimentu no Planeamentu Orsamentál											
3.5.1	Halo planeamentu orsamentál plurianuál, haree ba mudansa demográfika no prokura direitus no servisu sira iha kurtu, mé-diu no longu prazu.	X	X	X	X	X	X	X	X	X	X
3.5.2	Halo análise kona-ba despeza ne'ebé permite halo refleksaun kona-ba alokasaun despeza ho maneira efetivu.		X	X							
3.5.3	Halo planeamentu integradu protesau sosiál nian liuhusi en-volvimentu parseiru dezenvolvimentu sira	X	X	X	X	X	X	X	X	X	X

